



元詩選丁集目錄

虞學士集三百八十三

蕭保謙



楊推官載一百八十二首

蕭保謙

書館藏

蕭保謙



范經歷棹二百三十四首

蕭保謙

蕭保謙



揭侍講侯斯一百五十三首

黃侍講潛一百六十二首

柳待制貫一百五十二首

歐陽承旨玄五十九首

元詩選丁集目錄

秀野草堂
公化

[Faded bleed-through text from the reverse side of the page, including names like 虞學士, 楊推官, 范經歷, 揭侍講, 黃侍講, 柳待制, 歐陽承旨.]

元詩選丁集

虞學士集

集字伯生蜀郡人宋丞相允文五世孫也父汲僑寓臨川之崇仁以契家子從草廬吳先生澄遊大德初薦授大都路儒學教授歷國子助教博士累遷祕書少監翰林直學士兼國子祭酒拜奎章閣侍書學士命修經世大典進侍講學士文宗晏駕謝病歸至正八年五月卒年七十有七贈江西行省參知政事仁壽郡公諡文靖歐陽元功曰皇元統一之初金宋舊儒布列館閣然其文氣高者崛強下者委靡時見餘習承平日久四方俊彥萃於京師笙鏞相宣風雅迭唱於時虞公方回翔胄監容臺閒有識之士早以斯文之任歸之至治天曆公仕顯融文亦優裕一時宗廟朝廷之典冊公卿大夫之

元詩選

道園學古錄

一

秀野草堂

陳章

碑版咸出其手粹然成一家之言家素貧束修羔鴈之入還以爲賓客費雖空乏弗卹也早歲與弟槃鬪書舍爲二室書陶淵明邵堯夫詩於壁左曰陶菴右曰邵菴故世稱邵菴先生先生爲文萬篇存者十二三門人訂其在朝應制歸田方外諸藁釐爲五十卷曰道園學古錄詩菜亦曰芝亭永言先生詩與浦城楊仲弘清江范德機富州揭曼碩先後齊名人稱虞楊范揭爲有元一代之極盛先生嘗謂仲弘詩如百戰健兒德機詩如唐臨晉帖曼碩詩如美女簪花人或問曰公詩如何先生曰虞集乃漢廷老吏也蓋先生未免自負而公論皆以爲然

味經堂詩

并序

以下在朝蒙

國子祭酒魯公伯子翬父作味經堂自爲記以勗其子遠公嘗命遠從予遊故賦此詩

維昔玄聖有子過庭學禮學詩詔之丁寧面牆之室繇不知
味親能使學不能使嗜觀於德容聽於德音詠歌周旋實悅
我心邈乎千載聖往言在舍而不求匪罔斯殆畏友輩父窮
經篤行既有諸躬思貽厥成旣蓄旣畲俾稼之食旣收旣漁
俾鼎之實作堂高明曰子遠來吾經在茲遠其味之始予虛
羸匍匐來食茹草飲水以禦朝夕窮人得歸自我父師俛焉
斯文老至不知煌煌靈芝如彼嘉玉薄言采之在彼中谷南
陽之人來詹來言君子豈弟宜其後昆

題宋誠甫侍郎垂綸亭

岷源建高駈無游舫漢會其委安流滔滔爰有君子垂綸其
下雖不得魚意甚閑暇援藹引楫至于中沱蔭樹以休悠悠
永歌逝波云法不轉維石樂茲忘憂矢言不食烝然雲興風
舉以高鶴翔中天遺景九泉木其落矣魚亦潛渚嗟言風好
除于風雨風吹衣裳彼爲栖栖行吟望予實勞我思山有榛
棘河有鯉鯉豈其飲泉必泠之美君子冠純秩秩大經洵有
清酌可以濯纓

高竹臨水上

高竹臨水上幽花在崖陰以彼貞女姿當此君子心春陽不
自媚夕露忽已浚湘妃昔鼓瑟悵望蒼梧岑

月出古城東

月出古城東海氣浮空濛車騎各已息宮闕何穹窿牧馬草
上露吹笳沙際風帳中忽聞鴈傳令鼓雕弓

書上京國子監壁

神京極高寒幽居了晨夜雷風無時發零雨每飄灑炎光不
到地蕭爽度長夏大化漠無宰豈必事陶冶揚雄不曉事守
道栖栖者玄經百無微白髮謾盈把

至治壬戌八月十五日榆林對月

日落次榆林東望待月出大星何煜煜芒角在昂畢草樹風不起蛩蛩絕咽啣天高露如霜客子衣盡白羸驂斃餘棧發婦泣幽一作室室行吟毛骨寒坐見河漢沒驛人告一作晨晨征瞳瞳

曉光發

憶三十年前與元復初參政同賦秋日梨花元有句

云朝食葉底梨莫看枝上花而忘其後句因續之云朝食葉底梨莫看枝上花花開食實後霜風振長柯遠水良可鑒彩雲亦易過念爾白於雪日莫當如何

李老谷

十轉山崦交九度沙磧溷始辭平漠曠稍接山木秀老病畏行役慰藉得良觀秋嶺晚更妍寒花晝如繡故園夫如何朝陽眩霜袖

元詩選 道園學古錄

三

秀野草堂
高元

泰定甲子上京有感次韻馬伯庸待制

翰音迎日轂儀羽集雲路寂莫就書閣老大長郎署為山望成岑織錦待盈度我行起視夜星漢非故處至治癸亥有南坡之變晉王以勅支繼大統

天曆戊辰前續詠貧士一首

目昏畏附火枯坐寒窗中破褐著絮重虛豆兼冰崇病骨於此時浮屠屹撐空呼兒檢餘曆記日待春風雖欣解凍近翻驚紀年窮貰酒欲自廣無錢似陶翁

後續詠貧士三首

老骨寒不寐夜長况聞風心悸危欲折跼踏敗絮中雞鳴當

晨參馬疥芻不充山童衣百鶉喚之媿恩恩求火埽木葉庭

樹亦已空凌起不敢怠曙光屋南東苟遂牛馬性歸放春草

謝堂中丞趙世安嘗為伯生請曰庶集久居京師甚貧又病且幸假一職使醫文宗怒曰一虞伯生汝輩不容耶當時詞臣清節如此

歸蜀越關隴棧閣危登天適越河濟隔堰水丈尺間飢寒迫

且莫舟車計茫然東家有一叟欲去初不言早朝聽詔畢喚馬聞闔前童奴受宿戒向煖爭相先聞之嗔兒子我何爲汝牽履無千金賈吾足安暇憐

爲政貴察色讀書在研覃司視旣不明兩者無一堪尚不道吏責爲師固宜慚聖世無棄物况茲久朝簪沒去豈我志知止亦所語頗聞南山下菊根浸寒潭濯餌千日期冰臚復清涵老馬果識道更服鹽車駿

觀花有感

挂中花樹枝酌酒花樹下風吹巾上塵花落手中竿清唱起相壽毋遽且聊暇流光急去人莫怪行樂者

赤城館

雷起龍門山雨灑赤城觀蕭騷山木高浩蕩塵路斷魚龍喜新波燕雀集虛幔開戶微風興倚杖衆雲散

元詩選 道國學古錄

四

秀野草堂

同閣學士賦金鴨燒香

黃金鑄爲鴨焚蘭夕殿中窈窕轉斜月逶迤動微風綺席列珠樹華鐙連玉虹無眠待顧問不知清夜終

退直同柯敬仲博士賦

月下白玉階露生黃金井疎條栖鵲寒蕙流螢冷戀闕感時康懷歸覺宵永晨鍾禁中來白髮聊自整

題儋耳東坡戴酒堂二首

賢賢儋耳城歷歷桃榔樹百年遺故丘新堂設賓酢清風海上至朝陽在庭戶丹山五色鳳覽德屢來下甘乎熟桂酒羅列雜藟蘋苜黎多孫子食飲祭先具蛟龍波浪淡歸來風雨除

鑿井得甘泉渴者恆自私流潤不擇地委順復何疑海南絕風雨水木况華滋鄰舍解讀書諸生還誦詩何必懷故都聊

樂宜在茲星河度白鶴山月懸蛾眉來晚去何速勞人千載思

盜發亞父塚

彭城有盜識寶氣於亞父塚上發之得一劍云

盜發亞父塚寶劍寶累之塚開寶氣盡獄吏書盜辭盜言惟見寶寧知亞父誰項王不相信弟子遂與尸黃腸下浚錮千歲復何爲大河繞城東落日在城西過客立城下踟躕望安期

步虛詞二首

步虛長松下流響白雲閒華星列燿火明月懸珮環肅然降靈氣穆若愉妙顏竹宮憺清夜望拜久乃還
朱光出東海高臺迎赫曦六龍獻陽燧九鳳保金支鍊丹軒轅鼎濯景崑崙池拜賜冰玉佩玄洲共遨嬉

記子昂畫

元詩選 道園學古錄

五

秀野草堂

即仁

春風動蘭葉庭戶光陸離言收竹上露石角挂練衣車行不擇路芣苢何楚楚遊子憺忘歸徘徊歲云莫

送西臺治書仇公哲

陝郊得時雨生意始來復存者事稼穡還者葺牆屋安知凋瘵餘政可致新福闢除正廣術區井表浚瀆均齊定恆志忠厚保敦篤豈無憂世士受仕在芻牧爲義苦多違好名常不足治書肅將指善類庶有勗

送張道士歸上清

白雲盱水上自古多仙人手攜綠玉杖頭戴白綸中袖中出風雨天上禮星辰歸來庭戶靜芳草自生春

日出行

日出上城府日莫當蚤歸城門已擊柝出郭何馬依下馬投館人空垣月當扉涼風振庭樹巢鳥屢驚飛起坐搔白髮忽

如霜草稀周公不復夢仲尼故沾衣老萊有孺色傳聞惟食
薇求之事已晚徘徊行道微

贈寫真佟七明

佟郎居上京閱人如風花拈筆寫其似千歲畱英華邇來七
十年將相紛在目來者有如此往者那可續昔我初北遊面
白鬢如鴉點染煩粉墨華星暎丹霞今如雪中松苦硬雜蒼
白却視當年容邈如不相識不識當如何臨風且長歌黃雲
接河漢白雪漫陂陀乞身願歸老吳蜀山總好贈君千黛螺
翠色秋可埽

寄陳衆仲助教上都作

學省足清晝詞垣驚蚤秋美人隔河漢落月在高樓持衣未
成曲吹笛不勝愁還趨鳩鵲觀別製鸚鵡裘

題商德符華山圖

元詩選 道園學古錄

六

秀野草堂

昔祠雲臺館行穿御階柏夕陰嵐氣淡重碧照行客獨訪張
超谷漸覺巖險迫冰生玉井頭日射仙掌側豈無鐵鎖懸翻
身若飛鶻恐煩華陰令不奈昌黎伯王事况有程車馬何忽
忽流觀終南山周覽天府國爾來十七年欲往不再得山河
想邈悠傷殘轉蕭索摩挲商老圖彷彿希夷宅高哉蓮華峰
白雲澹秋色

賦茅山道士雲松巢

昔年李太白廬山思結巢褰雲自天上和鶴止松梢道士潘
閑遠高居古大茅誦經門卧虎看劍石眠蛟飛步脫鳧舄長
吟吹鳳匏九江攬秀色許爾作神交

題李漑之學士白雲半間

山中多白雲何由到城邑招之恐不來欲攬遠無迹棲檐候
晨光納牖作秋色用冲不爲盈常住寧若客分張任蒼松敲

落還白石日照香爐峰月射仙人掌側有恩封一鄉與子當共食

爲范尊師賦雲林清遊

太茅千仞下結屋三四楹雲林戶牖潤鶴去海天平坐上發長嘯人閒聞玉笙斲琴春霧重煮木晚煙輕綠室虛丹氣蒼崖受日精樵遺伐木斧真降引霓旌九鼎金還就千齡樹不傾問誰解居此云是范長生

送李彥方闈憲

并序

文監李公彥方出貳闈憲同朝羣公皆賦詩以爲贈彥方屢擢臺職激揚之宜有不待予言者適有一事浚有感於愚衷先正魯國許文正公實表章程朱之學以佐至元之治天下人心風俗之所係不可誣也近日晚學小子不肖細心讀書窮理妄引陸子靜之說以自欺自棄至欲移易論語章句直斥程朱之說爲非此亦非有見於陸氏者也特以文其猖狂不學以欺人而已此在王制之必不容者也闈中自中立之歸已有道南之歎仲素愿中至於元晦端緒明白皆在闈中不能不於彥方之行發之去一賊吏治一弊政不如此一事有以正人心儒者之能事也集卧病目眚尤甚援筆書此云

元詩選

道園學古錄

七

秀野草堂

七閩去天遠顛連苦無告牧人受浚寄昧者覆爲暴犀象雜金貝飢渴劇飮膏大言相鄙夷饜奪心自恣豈無循廉吏實病黑白撓聰明屬旒聽熒資所到李侯金閨彥圖史擅鱗校晨聞大夫奏夕理武夷棹君子慎修職寧適豐廩稍蕉荔甘多毒薑桂老堪芘所懷延平翁揚休似明道授受有源委精微足浚討言立聖如在表正愚可造師匠久不興真妄如柄鑿云何誚支離肆誕長兇傲異言古所誅末學足浚悼闈

雖在海隅前聞此淵奧正諠從簡編良俗宜善導贈言不及
它持此永爲好

題鄭秀才隱居

陶翁昔好菊荒徑不暇鋤素琴初無絃名酒亦屢虛雖有二
三子薪水不讀書淒涼千載下高名將焉如不如鬼谷洞鄭
子樂有餘種菊以爲田田中更爲廬善樂不二價詠觴送居
諸有子揮五絃涼風在庭除時來青田鶴亦出濠梁魚昨者
遊京師侯門曳華裾捧檄忽一喜翩然告歸與芳蒲采甘露
玉漿釀清醕老父坐堂上釋子具盥與晨遊南山陔莫濯清
水渠席間撫猗蘭房中詠關雎以此得高壽何必南陽居

題朱邸竹木

倚倚淇園竹結根磐石安枝幹相扶持風雨不可干其實鳳
所食君子思保完恆恐聲影疏蕭條霜露寒金玉慎高節千

載承清歡

詠史

軒后邈已遠漢武亦雄哉荒忽九州外百年過煙埃變化庶
長久臨海築層臺黃金靡鏤飾喬林摧斷栽樂通竟先死孫
卿殊未回不知作者意空令來者哀奉盤泣繁露馳道殷奔
雷志氣昔所在風雲恆往來

賦蘇伯修滋溪書堂

滋源恆伏流春雨川乃盈林疇廣敷潤草木俱繁榮臨澗見
遊儵仰喬有鳴鶯君子樂在斯齋居托令名積學抱沈默時
至有攸行抽簡魯史存采詩商頌并禹穴追馬公湘江歌屈
生紉蘭不盈握伐木有餘情浩然欲浮海歸興還濯清方舟
我爲楫白髮媿垂纓

送張兵部孟功巡河分題得屋上烏

花發上陽春門開未央曙城拆起羣棲流光散朝羽息影須
近檐結巢願當戶轆轤轉金井終日灌嘉樹

賦水木清華亭

中流泛蘭榭望彼嘉樹林落日蕩野水浮雲生夕陰游魚戀
芳藻好鳥鳴幽岑爲樂恐易老吾將脫朝簪

于仲元舍賦紅梅

白雪不成夜丹霞遂崇朝妙質承日映飛英向風飄醉來紅
袖近歌罷綵雲消揚州問何遜何似董嬌嬈

宋公傳元詩體要特載
陰何體所錄虞文靖之

詩爲多文靖有詩云少陵愛何遜
大白似陰鏗亦慕其所好言之也

賦洛川老人九十

洛川老人年九十須眉如畫身玉立錦袍金帶方烏巾手挽
強弓無度拾八月平原秋氣高聞有狡獸依蓬蒿清晨上馬
薄莫返累騎毛血懸鞵縈身是前朝將家子生逢太平百無
事都將英氣化高年何物小兒堪指使太守上言朝有恩東
帛養牛兼上尊洛川老人過百歲擊壤爲歌傳子孫

張令鹿門圖

張侯襄陽人淡知襄陽樂十年宦學懷襄陽故托豪縑寫山
郭老我不樂思蜀都人言嵩陽好隱居三十六峰常對面水
竹田廬還可圖欲往不能心慄慄忽見新圖被山惱沙禽浦
樹俱可人金澗石牀爲誰好向來耆舊皆英雄駕言從之道
焉從弄珠月冷識遊女沈劒潭淡知卧龍八月霜晴水清淺
聞道扁舟足廻轉何時古寺傍檀溪幾處殘碑在江峴呼鷹
臺高秋草多養魚池中蓮芙蓉波蜀蒿未必不如此我今不遊
奈老何張侯張侯早結屋莫待史詹爲君卜要看隴上課兒
耕好在魚梁白沙曲

淇淇行

湛湛天宇玄以黝星白如銀垂近人牛羊散漫草多露大帳
中野傍無鄰去年八月羽書急婦女上馬小兒泣今年八月
天子來身屬橐鞬月中立

家兄孟脩父輸賦南還

大兄五月來作客八年不見頭總白五人兄弟四人在每憶
中郎淚沾臆我家蜀西忠孝門無田無宅惟書存兄雖筮庫
實父蔭弟竊微祿一作承君恩文章不如仲一作孟氏好叔氏最少
今亦老五郎十歲未知學嗟我何爲長遠道諸兒讀書俱不
多又不力耕知一作將奈何憂來每一一作得二三友看花把酒臨風
哦一作蜀山嗟峨歸未得盤盤先隴臨川側碧梧翠竹手所一作
移應與青松各千尺南風吹雲河始冰兄歸烏帽何裛裛明
年乞身向天子共讀父書歌太平

子昂墨竹

元詩選 道園學古錄

十

秀野草堂

子昂畫竹不欲工腕指所至生秋風古來篆籀法已絕止有
木葉雕蠶蟲黃金錯刀交屈鐵大陰作雨山石裂蛟龍起陸
眞宰愁雲暗蒼梧泣相血吳興之竹乃非竹吳興昔年面如
玉波濤浩蕩江海空落月年年照秋屋

商德符畫幽篁古木

相君宮在洞庭湖幽篁古木龍所都石壇雨長碧苔蘚水屋
風動青珊瑚老人欹枕看螻蟻嫠婦停舟聽鷓鴣江南蜀道
問來往商公商公今有無

爲達兼善御史題墨竹

蜀道荒涼多古木篔簹千尺相因依小年慣見今白髮杜宇
夜啼愁不歸老可嘗作陵州守古墨蛟龍多入手春雷每恐
破壁去神鼎空令夔魅走丹丘越人不到蜀脩葉何以能縱
橫內府人家爛熳寫使可見之心亦驚江南御史龍頭客暫

別那能不相憶知君淡識篆籀文故作寒泉溜崖石

畫鶴

薛公少保昔畫鶴毛羽蕭條向寥廓通泉縣僻久微茫故物
都非况城郭長鳴闕步貌閑暇解寫高情亦奇作田中芝草
日應長石上松花晚猶落赤僻江波孤月小白雲野迴秋霄
薄羣帝相從絳節朝八公許製黃金藥誤嬰塵網迹易迷移
名中洲夢如昨借懸素屏憶真侶忽有微風動林壑碧虛寥
寥積雪高直過蕭臺絕樓泊

寫廬山圖上

憶昔繫船桑落洲前五老當船頭風吹雲氣迷谷起霜墮
楓葉令人愁高人祇在第九疊太白一去三千秋石橋二客
如有待裏茶試泉春巖幽

題旦景初僉司畫

元詩選 道園學古錄

士

秀野草堂

旦公山堂城東南畫圖古檜何甍甍城中無山有山癖直藉
豪墨窮幽接旦公彈琴古檜下鬱鬱窗戶生晴嵐春雨時來
鶴鳴谷秋聲夜作龍吟潭先皇畫坐羣玉府內使趣名飛雙
驂畢宏韋偃出中秘營丘北苑開滕緘是時旦公主舒卷一
二文士相交參旦公歸來坐成想亦頗拈筆爲楸楠伯熙奉
詔每有作礪礪相竝將無慚嗟予懷歸亦已久摩挲老目百
不堪山中豈乏真偃蹇可容白髮抽朝簪

題柯敬仲畫

并序

予先世居隆州州治之後山石室翁守郡時隆爲陵州
州事簡時來就吾家拾故紙背作茅蘭竹木之屬所得
頗多吾幼時尚收得數紙今亦亡之丹丘生用文法作
竹木而坡石過之近又以新意作墨花甚妙從子悅有
眉山學官之行丘爲作此予愛而賦之

昔者老可守陵州守居北山吾故丘太守時來看山雨每晝
紙背成滄洲老蒲松煙色過重揮霍陰崖交劒矛百年離亂
亡故物敝篋江南誰復收新圖篋蓄枝葉脩使我不樂思昔
侯碧雞祠前杜鵑叫玉女井上叢篁幽棠梨樹高青子落碧
花翠蔓縈牽牛揚雄無家不歸老蠨蛸蟋蟀寒相求丹丘先
生東海客何以見我空山秋蕭條破墨作清潤殘質刊落精
英畱陂陔重覆分細草山石縈紆生亂流睂山學官莫厭冷
言歸故鄉非遠遊石田茅屋儻可得萬里欲上東吳舟百花
潭溪濯新錦持報以比珊瑚鉤

白翎雀歌

烏桓城下白翎雀雌雄相呼以爲樂平沙無樹托營巢八月
雪淡黃草薄君不見舊時飛燕在昭陽沈沈宮殿鎖鴛鴦夫
容露冷秋宵永芍藥風暄春晝長

元詩選 道園學古錄

七

秀野草堂

題簡生畫澗松

簡生與我皆蜀人畱滯東南凡幾春每拂齊紈作山水使我
感慨懷峨岷如此長身兩松樹滿谷悲風散陰霧雌雄如劒
變爲龍鱗鬣齊成擘崖去祕閣嘗觀韋偃圖蒼潤雄浚世所
無默識形神出模畫把筆蒼蒼增嗟吁玉堂寶書本同館官
府旣分難復見摩挲新墨慰衰朽鬢雪飄蕭數開卷昔我樵
牧青城山坐起政在雙樹閒當時簡生若相見應并寫此聽
潺湲劉郎集賢好賓客好著幽窗對晴碧凌靈爲我哦七言
有鶴飛來破秋色

題柯博士畫

磯頭風急潮水長蒹葭蒼蒼繫魚榜青山一髮是江南白頭
不歸神獨往幽篁繞屋茅覆檐木葉脫落秋滿簾買魚沽酒
待明月定是黃州蘇子瞻子瞻文章世希有謫向江波動星

斗夜投斷岸發清嘯棲鶻驚飛怒蛟吼圖中風景偶相似欣然揮灑春雲開子瞻應是念鄉里還化江東孤鶴來

題高彥敬尚書趙子昂承旨共畫一軸爲戶部楊侍

郎

高文簡公一日與客游西湖見寺屏雅潔果與畫奇古木數日後文簡公爲補叢竹後爲戶部楊侍郎所行處文靖公題詩其上此圖遂成三絕

不見湖州三百年高公尚書生古燕西湖醉歸寫古木吳興爲補幽篁妍國朝名筆誰第一尚書醉後妙無敵老蛟欲起風雨來星墮天河化爲石趙公自是真天人獨與尚書情最親高懷古誼兩相得慘淡酬酢皆天真侍郎得此自京國使我觀之三歎息今人何必非古人淪落文章付陳迹

題灤陽胡氏雪溪卷

去年予與侍御史馬公同被召出居庸未盡東折入馬家瓮望縉山度龍門百折之水登色澤嶺過黑谷至於沙嶺乃還道中奇峰秀石雜以嘉木香草輦道行其中

元詩選

道園學古錄

十三

秀野草堂

天梁

予二人按轡徐行相謂頗似越中但非扁舟耳適雨過流潦如奔泉則亦不甚相遠郭熙畫記言畫山水數百里間必有精神聚處乃足記散地不足書此曲折有可觀恨不令郭生見之灤陽胡太祝乃以雪溪自號豈所見與予二人同乎然灤水未秋冰已堅尋常已不可舟况雪時耶當具溪意云爾因爲賦詩云

積雪平沙陰山道射虎殘年不知老豈識船如天上坐翠竹爲帷樹爲蓀昔乞鏡湖苦不早白髮如絲照清潦他年此地若相逢應著漁蓑脫貂帽

題楊友直檢校所藏李營丘枯木圖

老龍出海蒼髯鬚營丘枯木天下無回枝屈鐵墮崖雪澗底應拾青珊瑚明堂清廟要梁棟朔風吹沙澤腹凍老身不用歎遲莫按圖來求萬鈞重

酬蕭侯送蒲萄

蕭侯昔致蒲萄苗山童不灌三日焦宛西上品復親致手種
窗南自澆水一月當生一尺長移向江頭薜荔牆秋潦雨足
馬乳重舉囊石壓青霞漿是時蕭侯當走馬來訪衰翁茅屋
下酒酣舞劍傾一尊不信金盤露如瀉

題袁塵驕圖

驕驕食粟石每旣立仗歸來汗如洗脫羈展轉聊自恣落花
塵土隨身起君不見春雷起蟄龍欠伸霧擁雲蒸九河水

林泉亭

九月天氣肅鶴鳴在林陰使君甚好客來者總能吟紅樹秋
山近黃華夕露浹鄰翁八九十有酒卽相尋

題子昂長江疊嶂圖

昔者長江險能生白髮哀百年經濟盡一日畫圖開僧寺依
稀在漁舟浩蕩回蕭條數根樹時有海潮來

送先隴二鄰僧還吳

蘭若昔山陰松筠夾徑浚門閑容虎卧湖近聽龍吟雨過泉
添澗風飄磬出林衲衣皆舊識一一謝幽岑

次韻阿榮存初參議秋夜見寄

寓館城門夕高秋雨露開天垂華蓋近月轉紫垣來疏闕思
良會淹畱到不才淡期謝安石揮塵散風埃

雪谷早行

積雪擁柴門行人稍出邨溪頭或遇虎木末不聞猿接棧廻
山閣支橋就樹根驅車上重坂回首見朝暾

雪巖樓觀

高閣丹青起中天紫翠分窗當太白雪門俯九疑雲伐木山
人去吹簫帝子聞塵中歸未得春思轉紛紛

送人之劔閣倅

往年登劔閣，快馬著春衫。設險懷前賦，摩崖覓舊劉。鄉人遊雪界，郡倅試冰銜。歸道觀新政，春江不挂帆。

寄子山尚書

竹色侵衣碧，重簾雨氣浚。白鷺翻墨沼，紫燕入書林。北海春尊側，西山夕閣陰。東曹公事少，歌舞散黃金。

漫興

雨閣添衣潤，風簾隱几高。白頭更事少，病日向書勞。南客傳音信，東家問酒醪。江邊茅屋破，歸楫若爲操。

送張尚德并序

史館薦張尚德爲檢閱官，朝廷以爲宜，稱可。其請未奏，也有司以闕簿注新進士，尚德頗有聞，卽斂裳宵逝。噫，進退若是，可以信史館之薦人矣。予力雖不足以留之，亦終不敢失之也。故作是詩以餞之。

元詩選 道園學古錄

十五

秀野草堂

即此

六月初聞雨，官河潦水生。江南歸宋玉，稷下謝荀卿。鷓鴣青霄迴，蒹葭白露盈。都畱詩興在，來聽上林鶯。

寄丁卯進士薩都刺天錫鎮江錄 事宜差

江上新詩好，亦知公事閑。投壺淡竹裏，繫馬古松閒。夜月多臨海，秋風或在山。玉堂蕭爽地，思爾珮珊珊。

明皇按樂圖

新度霓裳曲，三年教得成。驚鴻渾不下，飛燕若爲輕。芍藥春亭莫，芙蓉野水生。梨園多白髮，吹笛到天明。

送長沙守

白髮長沙守，循良又好文。近辭金馬去，遠有玉魚分。對竹聽湘雨，開簾看嶽雲。漢廷思賈誼，一飯莫忘君。

代衆仲作

昔在泉州住將軍每見招春雲山對屋夜雨水平橋池鴨穿
荷葉溪魚上柳條禁城鐘鼓起車馬晚蕭蕭

送王照磨之官雲南

遺廟珍珠浦歸舟楚道溪飛鳶愁暑雨走馬畏山泥官署尊
丹鷺祠官勝碧雞題詩遠相送紅日五雲西

玉堂燕集圖

朝廷多暇日別館又青春薄醉猶催酒清歌况有人玉堂金
硯匣翠袖白綸巾老去渾無賴憑誰爲寫真

畫檜

茅山多古樹此檜更長生鶴鶴棲來穩蛟龍化得成雲濛還
近戶月落似聞笙千載如相見蒼然故舊情

贈楊友直

雒陽楊友直字儼漢中郎畫若錐穿石垂如雨漏牆舞花羞
元詩選 道園學古錄 十六

女美醉草笑僧狂昨日鴻都學煩君寫數行

題朱邸竹木

江上復春雨曾陰覆碧波石高龍影卧林迴鶴聲過解珮猗
蘭浦揚旂落木坡佳人翠袖薄日莫欲如何

赤髯圖

過鶴生新夢攜魚憶舊遊清霜凋木葉落月湧江流隱者時
一作堪訪良田亦易求如何玉堂夜白髮不勝愁

八月八日有感題視草堂壁

載筆趨芸閣揆囊索緼袍坐銷秋日淨心折夜風高識字頭
先白謀生計轉勞文園多病渴常想賜蒲萄

賦程氏竹雨山房二首

春雨過山竹幽泉繞舍鳴燕泥書帙晚魚浪釣絲晴奉席從
孫子連林總弟兄舊聞林下叟讀易到天明

遊子聞春雨思親望故園竹間開几席花底注山尊累世書
連屋頻年稻滿邨十鄰淳朴地絕學欲重論

戲作試問堂前石五首

試問堂前石來今幾十年衰顏空雨雪幽致自風煙微醉寒
堪倚孤吟靜更眠舊湖春水長誰繫釣魚船
爲問堂前石何年別太湖春風神不王夜月影長孤不中明
堂柱空餘良嶽圖頗思嘉種木歲晚與相扶
爲問堂前石何無藤蔓纏金蓮疑可致紫菊若爲妍舊夢遺
波浪閑情閱歲年祇緣相識久親爲濯清泉
碣石久淪海女媧曾補天乾坤遺葢爾霧雨護蒼然淬劍龍
隨化彎弓虎自全昔賢多賦此誰賦最流傳
爲問堂前石屢逢堂上人遠來嗟最久獨立與誰鄰運載勞
車馬摩挲識鳳麟鑿車書吉日追琢到嶙峋

元詩選

道園學古錄

十七

秀野草堂

卯仁

代石荅五首

幸自鄰頑鄙毋煩問歲年當寒金作礪向煖玉生煙睂黛無
歸意毛羣有叱眠涼州三百斛亦未酹觥船
昔觀一柱觀還度幾重湖雪盡身還瘦雲生勢不孤研穿鄴
臺瓦賦就草堂圖芝閣玄雲在危蹤敢藉扶
牛角何堪礪蝸涎謾自纏沈冥辟邪古羞濯望夫妍神物須
清鑒靈根屬小年金輿曾共侍千載憶甘泉
轉徙寧論地存畱亦信天露盤危欲折劫火不同然雒下殘
經斷岐陽數鼓全向無文字托寂莫竟誰傳

去歲畱詩別嗟哉白髮人冠依子夏製居切左丘鄰執籥充
振鷺脩辭綴獲麟終須愁坎壤勿用諛嶙峋

道園嘗以江左先賢甚衆後生晚進知者蓋鮮

欲取元裕之中州集遺意別爲南州集以表章之以病目而止

送曾子翬廉使之漢中

卦上頌臺禮輕車入漢中節毛吹渭雨木葉動秦風把酒臺
基古馳書歲事豐朝回倚西閣日日數歸鴻

立春夜試墨

輕雪作春花飛來入鬢斜紫貂迎曉霧絳蠟炫晴霞書詔頗
趨閣思歸卽借車幾時將穉子隨意踏江沙

次韻筠軒司徒足成旦公所藏英宗御題之句元題

曰日光照吾民月色清我心又題琴曰至治之音二首

化國多長日高人侍紫宸觀書從上相屬筆念生民雲漢文
章備風雷號令新惟應青簡在能載古風淳

御翰龍池曉緡經鶯殿陰雲依清靜葉月印妙明心千載堂
堂去諸天肅肅臨朱絃誰爲鼓至治有遺音

正月十一日朝回卽事

宮樹春陰

作

合霓旌拂曙來天光臨閣道雲氣轉蓬萊晝漏

元詩選

道園學古錄

十八

秀野草堂

沈沈鼓晨尊盞盞杯香霏簾底霧樂殿殿前雷祥瑞儀曹奏
珍淳尚食催舞庭分鷺序效獻過龍媒融雪微生草輕風不
動埃老人南極至王母上方回玉色何多喜金華得重陪裁
詩賀新雨西閣待門開

贈別兵部崔郎中暫還高麗卽回中朝

束髮來東海從軍護北門珠光連旭景玉氣達春溫淵靜龍
含德門嚴虎列屯從容參帳慷慨屬橐鞬拜表推黎獻趨
朝謁至尊雲依溫室樹星入紫微垣不道璠璣貴仍嬰筦庫
煩利行雖近市義守不窺園眷遇忘身得危難欲手援懷邦
維父母於國實甥婚還羈勒原原致辭殮魯連名竟重
箕子教應存簡在從當日扶持宿藩清宮風肅肅駸乘火
焯焯帝所爲郎重王家報禮悖暫伸桑梓敬未愛李桃繁神
闕秋期蚤康侯晝錫菴九成思閣鳳六月待冥鷗

次韻李侍讀東平王哀詩

宇宙生奇變，明良陷逆圖。傳聞昏白晝，悲憤結全區。治極機
潛，否恩深。事失謀，犯車仍斷軌。壞戶竟傷樞，魑魅嫌明鏡。強
梁忌雅模，甘心成首禍。藉口肆羣腴，隱忍危衝沒。憑陵善唯
兪，自天倏銖鉞。累月具篋壺，裹革疑亡地。招魂競出都，笳鳴
殘夕月。馬債四交衢，所痛倉皇際。將無古昔殊，腹心何盡蝕。
肘腋不支梧，列位多翹楚。干城總豹貙，詎言歸厄數。不復頌
貞符，天討公無赦。皇心愛不姑，報讎論婉孌。變錫爵，酌嗚呼。相
業今如在，民生實少痛。誰能疵，璧玉唯有泣。瓊珠執簡書，羣
盜當關欠一夫。馳奔嗟薄日，沐浴止中途。沒去思，投闕違之
或汎湖。危知無復死，恨不奮前誅。春雨煩冤濼，朝陽癩思疎。
謳吟申感慨，述作懼荒蕪。芒忽思離散，焄蒿起苑枯。神還嵩
岳峻，氣直斗杓孤。陟降先皇側，回翔造化徒。英靈常會合，瞻
想豈虛無。

元詩選 道園學古錄

十九

秀野草堂
卍苑

送陳碩 并序

莆田陳氏慶曆名法從故家也。自衆仲來京師，集得友
焉。凡問學脩己之事，有益於愚陋多矣。又從知其父兄
之賢也。問所自出，則南塘趙氏信乎。其學之有傳矣。嘗
以其從子碩來見，予愛其端謹，可望南歸省父衆仲。送
之以文，予不能忘也。乃賦詩曰：

六歲過閩郡，書聲憶滿城。目旨今子夏，心醉昔延平。爾叔同
游息，吾文媿老成。每分重席煖，相對一燈明。遠海乘桴意，高
山伐木情。願攜邛竹杖，往看離支生。辟掾青衫舊，趨庭綵服
輕。爲言穿木榻，亦未厭藜羹。寶瑟畱飛鴈，蘭舟及轉鶯。佩懷
湘渚贈，綬向會稽迎。去去江雲溼，飄飄鳥霧清。重來知有意，
時我已歸耕。

奎章閣有靈壁石奇絕名世御書其上曰奎章玄玉
有勅命臣集賦詩臣再拜稽首而獻詩曰

禹貢收浮磬堯階望喬雲自天承雨露拔地起細縕擊拊磬
音合衡從玉兆分巨鼇三島力威鳳九苞文辨位資乾坎爲
山填幅員固知興寶藏不假運神斤書帙優春潤香爐借宿
薰煙光晴冉冉波影畫法法融結繇元化登崇荷聖君瑞於
龜出洛重若鼎來汾柱立尊皇極磐安廣帝勳詎云陳祕玩
因願獻前聞

送袁伯長扈從上京

日色蒼涼映赭袍時巡毋乃聖躬勞天連閣道晨留輦星散
周廬夜屬縈白馬錦韉來窈窕紫駝銀笈出蒲萄從官車騎
多如雨祇有揚雄賦最高

贈星上人歸湘中

元詩選

道園學古錄

二十

秀野草堂

潭北湘南無影樹一花吹度海門潮天香滿室定初起雲氣
上衣身欲飄寶月夜寒龍在鉢銀河秋近鵲成橋豈無一箇
邛州竹與爾松根共寂寥

子昂秋山圖

翁昔少年初畫山丹楓黃竹雜潺湲直疑積雨得浚澗不假
浮雲相往還世外空青秋一色窗中遠黛千鬟瀛洲雞犬
同人境尚想翁歸向此間

謝茅山主者贈白羅氅衣請爲作大洞祖宗師四十

五贊

鶴氅裁成雪色新仙翁持寄感情真清高自此全拋俗寬博
由來穩稱身佩玉洞聞雲外響劒光飛射日中塵畫圖寫向
羣真裏便是揮豪贊詠人

送莫京甫廣憲經歷

延春閣下承恩日是我經帷侍講時方擁青編臨綺席遙看
朱紱拜丹墀風微細草鳴珂珮日煖飛花近鬢絲上憶遠人
常軫念莫言南海是天涯

歐陽元功待制入院後僕以兼領成均辰酉甚嚴絕
不得相見今夜當同宿齋宮賦此先寄并簡謝敬德

脩撰

學省初兼禁直稀故人同署却相違食餘苜蓿承朝日坐候
棠梨過夕暉咸均堂東有棠梨樹日影至則師生始散二十餘年矣預喜奉祠秋寺燭定知催襪
早朝衣今晨瘦馬經門巷想擁青綾尚掩扉

次韻張蔡國公淡菴青山寺詩

相國觀山負夙期聖恩祇許暫相違身隨雲影留三宿心了
泉聲絕百非開士談空依寶樹野人耕雨薦山薇雙龍滾護
安禪處繞坐諸天近紫微

次韻國子監同官二首

元詩選 道園學古錄

正

秀野草堂
隱生

坐隱烏皮牒肉消諸生應笑嬾邊韶階前老馬隨秋草袖裏
遺編俟早朝乞米西鄰晨有粥畱家南國暑無綃經明亦是
歸耕好清夢無時萬里橋

學宮南直禁垣陰假寓惟愁兩髻沈一曲鏡湖遺老事三年
經幄小臣心銀河回夜天逾近草徑迎秋露轉淡珍重鄉人
居巷北時能來往和鳴琴

次韻馬伯庸寶監學士見貽詩并簡曹子貞學士燕
信臣待制彭允蹈待制

禁廬曉直夾城西經笥龍光映璧奎繞閣浮雲飛野馬當階
生草伏馴麇雷行已識天無妄風烈唯聞帝弗迷徒積寸誠
無補報每還冰署欲雞栖

菴峰者國史院庭中石名也伯寧御史爲僕言自其

先公時與諸老名勝賦詩者蓋數百篇今玉堂無本而御史家具有之且曰峰所托差低盍稍崇其址乃八月五日既克如命因賦此以報且請錄示舊詩補故事以傳云

視草堂前石一拳何人移置自何年久憐翠色連重地故拔孤根近九天俯仰百年承雨露等閑千尺接雲煙故家御史遺書在爲錄鰲峰舊賦篇

題南野亭

門外煙塵接帝扃坐中春色自幽亭雲橫北極知天近日轉東華覺地靈前澗魚遊畱客釣上林鸞嘯把杯聽莫嗟韋曲花無賴畱擅終南雨後青

次韻伯庸尚書春莫遊七祖真人菴兼簡吳宗師二首

元詩選

道園學古錄

五

秀野草堂

石渠承雨作流泉中有參差荇菜牽花近飛觴魚駭逝柳低步障燕隨穿紅塵朝路常參吏清書齋居幾劫仙但乞會稽尋賀監酒船一棹水中天

一住京華三十年春花秋月謾相牽高情總付珠簾卷危坐空餘木榻穿水曲停驂新楔事牆陰題字昔遊仙動成陳迹多惆悵安得長生老後天

鴈石墜馬卧病蒙恩予告先至上京寄漑之學士敬仲參書二首

翠幄臨都尚駐郊言瞻龍漢度前茅餘草氣千原合日下雲章五色交給札脩辭持玉筆賜羹充腹出珍庖白頭感遇知何補阿閣清嚴栖鳳巢

趨名顛躓歎目昏旋聞子告荷淡恩藥頌西域千金劑酒賜初筵九醞尊默憶舊書忘晝永行吟冷署覺春溫摩挲素壁

光於雪思得參書寫樹根

雲州道中數聞異香

雲中樓觀翠峯堯載道飛香遠見招非有芝蘭從地出略無
煙霧只風飄玉皇案側當霄立王母池邊向日朝却袖餘薰
散人世九天清露海塵飄

次韻楊友直北行道中

蕭蕭戎馬昔升虛壯士吹笳慘不舒關外羽書三月急道傍
茅舍百年餘沙田雨足仍生黍河水冰消不禁漁洛下賈生
猶獻策平明立在玉階除

王儀伯參政見和郊字韻詩復用韻敘謝二首

龍游宮沼鳳游郊通水明堂不翦茅絲絕草儀三日具大亨
饗帝五雲交執輿已信神爲馬和鼎寧容祝代庖八月涼風
張樂地頌聲洋溢播雲巢

元詩選 道園學古錄

卷三

秀野草堂

陳章

聖遠言湮感墊昏河汾千載最知恩垂紳論道稱前古束髮
明經奉至尊車騎身從游汗漫庭闈心在視寒溫朝回未覺
歸途晚斗柄西移揭角根

次韻馬伯庸尚書

邃閣晨趨禁掖西莫街騎馬及雞栖退朝每想花邊散得句
應從竹上題賜被南宮無宿火齋居方丈有蒸藜鳳池何似
承明近久候文星共聚奎

二十五日卽事呈閣老諸學士

松陰鶻立候宮車風送飛花著白鬚水影漸移簾側畔鶯聲
祇在殿東隅近林礙進名臣操載筆親題列女圖太液雨餘
波浪動龍舟初試散魚鳧

賦碭山成簡卿心遠亭

作亭臨河河水渾草樹繞屋啼鳥聞夢回枕上彭城雨目送

檐間芒碭雲歸來黃菊有佳色坐老青山無垢氣但願尊中
長得酒曲阿莫問舊參軍

謝吳宗師送牡丹并簡伯庸尚書

輕風紫陌少塵沙忽見金盤送好花雲氣自隨仙掌動天香
不許世人夸青春有態當窗近白髮多情插帽斜最愛尚書
才思別解吟胡蝶出東家

送進士劉聞文廷赴臨江錄事

清江百尺石爲城太華千峰積雨晴官府幾時書帙靜漁舟
盡日釣絲輕故家好訪春秋學上國多傳月旦評頗有老懷
煩錄事到州爲問范先生

大廷策士問經世之道僕忝在讀卷之列觀諸進士
所對有感賦此錄以贈別錙性粹中支渭興文舉二
賢良

元詩選 道園學古錄

五

秀野草堂

昔人有欲問先天林下相期二十年已向塵埃成白髮尚從
燈火事青編獲麟遂訖春秋後鳴鳥猶聞禮樂前春雨未來
農事晚獨懷歸計在山田

羅朋友道擢高科拜官還崇仁賦此爲別

重溪疊嶂竹交加曾著芒屨踏白沙名勝多年嗟寂寞文章
此日羨才華青雲步武纔重見白屋詩書尚幾家鄉邑相逢
煩告語好敦忠信作生涯

弟與友道才二人故云重見
所以漢期望於來者云

贈趙生

天門一日觀黃榜茅屋三年掩素扉湘帙蠹魚春雨潤練囊
螢火夜光微夢游朔雪雷鴻迹思入南山望鶴飛會倚宮牆
看射策上林初日炫朝衣

訪李真人不遇

退朝花底珮珊珊去訪真人曉出關芳草欲迷行徑古長松
溪護步廊閑蒼龍挾雨得瑤簡白鹿穿雲致玉環如到天壇
看月影定知清露滿人間

賦壺洲

傳聞海上有玄洲曾是安期舊所遊千頃白雲都種玉一杯
弱水不勝舟魚龍夜護黃金鼎鸞鵠晨朝紫綺裘波浪不驚
星斗近步虛聲裏度清秋

次韻朱本初訪李漑之學士不遇

城南城北煖塵飛伐木相求苦未歸吟到碧桃還細雨行尋
芳草又斜暉綺窗綵筆題詩徧斗帳沈香入袖微共載小車
勝上馬重遊莫待曉紅稀

寄趙子敬平章

聞道乘閑入翠微猶愁嵐氣溼人衣道旁野樹飛花盡谿上
春雲作雨歸故舊釣絲輕在手仙人碁局靜忘機赤松曾許
同千載擬向高秋傍鶴飛

仁壽寺僧報更生佛祠前生瑞竹有懷故園三首

聞道故園生瑞竹試從來使問何如蒼筤獨出千叢裏翠節
駢生數尺餘比管可吹丹穴鳳長竿莫釣錦谿魚折筵已向
靈氛卜亦說能歸似兩疏

聞道故園生瑞竹令人歸興滿江千扁舟不畏瞿塘險匹馬
誰云蜀道難杜甫谿頭花匠匠孔明廟裏柏闌珊新堂題作
歸歟字定得臨江把釣竿

聞道故園生瑞竹吾家孫子好歸看佛祠竟日春陰覆先隴
多年莫雨寒門戶淒涼嗟老病鄉關迢遞報平安重來慎勿
勞余夢駟馬橋邊據馬鞍

別國史院鼇峰石

執戟揚郎久不遷，頻年從幸到甘泉。
賜歸特許先三日，作賦時令奏一篇。
翠勺娛人花帶露，貂裘倚馬草橫煙。
殷勤爲謝堂前石，何處來秋共月圓。

謝書巢惠梅花

巢翁遠送梅花樹，正在東風四日前。
紅萼無言餘舊雪，白頭相見又新年。
喜從嘉樹來江雨，憶共香秔上海船。
春夜不眠賓客醉，只畱孤鶴伴清妍。

再用韻簡巢翁

豈無尊酒梅花側，閒道長齋繡佛前。
方閣護雲宜煖日，小車衝雪稱高年。
頗辭閣下金蓮炬，但乞湖中罨畫船。
約取巢翁攜鶴去，鬢毛同白不爭妍。

送王君實御史

頓覺文星闕下稀，旁人猶道此言非。
東風十日京城雪，西道

元詩選

道園學古錄

十六

秀野草堂

三春客子衣鷲滿，輞川君定到鶻啼。
劔閣我思歸千花竝，繞圖書府相待承恩入紫微。

送歐陽元功謁告還瀏陽

曉奉新書進御牀，解纓隨見濯滄浪。
歸鴻不計江雲闊，倦驥空懷野水長。
竹簟暑風魂夢遠，茶煙清晷鬢毛蒼。
籃輿千里

宜春道，投老相求訪石霜。

虞文靖父并齊先生嘗分袂於潭，見歐陽元功所爲文，爲之擊節，絳寫成快親題以寄文靖時文靖爲國子助教，此題前一首云憶昔先君早識賢，手封製作動成編，文游有道與三益，翰墨同朝又十年，蓋紀其實也。

八月十五日傷感

宮車曉送出神州，點點霜華入敝裘。
無復文章通紫禁，空餘涕淚灑清秋。
苑中苜蓿煙光合，塞外蒲萄露氣浮。
最憶御前催草詔，承恩回首幾星周。

送許有孚赴湖廣提舉

奉詔論文祕殿西，才華知合籍金閨。
思親浩蕩江波遠，戀闕

遲回苑樹低望鶴樓前移綵鷁吟詩花底聽黃鸝歸來尚覺
春風早鴈字充庭玉筍齊

賦石竹

積雪初消萼綠華東風吹動絳綃霞龍噓石氣千年潤鶴過
林陰一逕斜刻字欲尋金錯落折旌如織翠交加綺窗坐對
吹笙煖未覺人間歲月賒

奉同吳宗師賦蔡七祖新齋

城南煙樹聽鶯啼石上莓苔覓舊題自有琴心傳內景更將
書帙事幽棲晚來相鶴風生竹雨過籠鶯水滿谿蜀客草玄
成底事蕭條白髮媿青藜

寄來鶴亭主人

德清舊館何時到雨後春泉定滿池綠字久無弘景信紫苔
應長少霞碑數峰煙樹天垂野千頃鷗波雨散絲海內交遊
多老去爲誰谿上放船遲

元詩選

道園學古錄

十一

秀野草堂

卍頁

送張兵部巡視運河

畫橋冰泮動龍舟鴨綠粼粼出御溝使者旌旗穿柳過人家
鳧鴈傍谿浮桃花吹雨春牽纜江水平隄夜唱籌應有餘波
方浩蕩不令歸楫恨淹留

謝吳宗師惠墨

念我衰年不廢書錦囊古墨送幽居明窗塵影丹同熟玄圃
雲英玉不如敢爲文章勝虎豹祇應箋註到蟲魚研磨不盡
人間老傳與兒孫尚有餘

三用韻答巢翁就以奎章賜墨贈之

鄰父長思長史書不辭頻謁惱巢翁居臨池三月玄霜盡對月
千篇白雪如賦敵洛波翔翠羽歌成湘浦媵文魚故分瀘石
松煙色猶是奎章舊賜餘

題著色山圖

江樹重重江水淡，楚王宮殿在山陰。白雲窈窕生春浦，翠黛
嬋娟對晚岑。宋玉少時多諷詠，江淹老去倦登臨。扁舟却上
巴陵去，閑聽孤猿月下吟。

題畫

緝熙殿裏御屏風，零落誰收百歲中。錦樹總含春雨露，畫橋
猶是舊青紅。花開陌上懷歸燕，潮落江頭送去鴻。何似綠波
生太液，絳桃風急綵船東。

城東觀杏花

此詩誤見蔭天錫鴈門集中

明日城東看杏花，丁寧兒子早將車。路從丹鳳樓前過，酒向
金魚館裏賒。綠水滿溝生杜若，煖雲將雨少塵沙。絕勝羊傅
襄陽道，歸騎西風擁鼓笳。

寄海南故將軍

元詩選

道園學古錄

卷

秀野草堂

海上風來五月初，晚涼應上木蘭舟。金盤丹荔生南國，玉椀
清冰出北州。狂客醉時花作陣，美人歌罷月如鉤。期門舊識
將軍面，從獵還披翠羽裘。

次韻宋誠甫學士城南訪病莫歸

騎馬城南覓舊題，飄蕭蓆帽碧雲低。東風花柳過韋曲，落日
兒童唱大隄。繡閣豈無和玉髓，錦囊還有鑄金蹄。歸來吟轉
樓頭月，池冷芙蓉翡翠栖。

題康里子山尚書凝春小隱六韻

羣玉府中香滿袖，凝春亭裏看花開。綵雲近席微風動，紅日
當窗好客來。西海珊瑚階下長，東家胡蝶雪中回。竹溪每聽
尚書履，池煖時分太液杯。鳳珠浮煙金錯落，鸞羣隨水白氈
毳。人間應得函封帖，青李來禽繞舍栽。

次韻杜德常博士萬歲山

秘閣沈沈便殿西頻年立此聽春鷓風搖翠岸新生柳雨泥
銅池舊產芝玉几由來常咫尺衡門此日遂栖遲申生欲去
柴車在杜甫長吟雪鬢垂墨沼遊魚翻宿藻畫檐飛燕冒晴
絲山中竹簟涼如水應共釣天九奏時

次韻宋顯甫

御溝雪融三月初鳧鷖鴻鴈總來居蒲萄水綠可爲酒楊柳
條青堪貫魚池灑天河起箕尾澗漾雲海浮青徐舟前花落
傍飛燕隄上風來溼舞裾翠輦時畱金驪裏錦波不著玉夫
渠臨流宋玉偏能賦莫待東都客問子

燕陳公子宅贈燕學士

落日照大隄花間聞馬嘶城頭鼓角起相送五門西

宣和墨竹寒雀

灑墨寫琅玕淡宮春晝閑蕭條數枝雪不似紇干山

元詩選

道園學古錄

元

秀野草堂
際生

上馬

眼昏身手鈍上馬怕風沙祇好扶藜杖循籬看落花

畫雙蝶

舞罷庭花落池邊看睡鳧無端雙蛺蝶飛上繡羅襦

捕魚圖

網罟日相從天寒澤國空釣竿長倚樹老却渭川翁

題柯敬仲雜畫十首

北苑今仍在南宮奈老何青山解浮動端爲白雲多
雨過蒼苔石雲生野岸泉幽懷春冉冉禊子秀娟娟
鐵石餘生色冰霜作曉妍春雷明日起何處尚龍眠
昔過箕蓄谷鈎衣石角斜擬尋龍作杖拾得上天槎
黃金千瑣甲瑤玉六簾鈎雨送鴛鴦夢煙籠翡翠愁
娟娟生玉潤楚楚作金聲羽扇迎風定羊車過月明

峽口春雲重 江南夜雨多 水淡桃葉渡 風急竹枝歌
平陸蒼龍起 近山生遠煙 前邨三萬頃 明日水平田
莓苔生石路 翠竹自交加 不惜青鞵溼 臨流踏白沙
昨夜採樵去 偶逢三尺枯 山人不到海 不識是珊瑚

題李旼之學士湖上諸亭

錄五

煙蘿境

玉女乘煙霧 松間采薜蘿 飛行了無迹 明月送空歌

金潭雲日

金沙灘上日 潭底見雲行 祇有琴高鯉 時時或作羣

漏舟

春水如天上 秋潭見月中 如何列禦寇 猶欲待冷風

秋水觀

湖濱山影碧 天淨月光空 幸自無波浪 蘋花謾晚風

元詩選

道園學古錄

三十一

秀野草堂

無倪舟

三周華不注 水影浸青天 不上銀河去 空明擊棹還

次韻竹枝歌 荅袁伯長三首

沙禽東去避 網羅蕩舟相 逐如遠何越 山青青越女 白從此
勞人魂夢多

春江風濤苦 欲歸東盡滄 溟南斗低明年白 日百花靜憶爾
琴中烏夜啼

燕姬當爐玉 雪清簫中吹 得鳳凰聲 不及晴江轉 柁鼓洗羞
船頭沙鳥鳴

揚鐵崖西湖竹枝詞載此三詩 謂雖不爲西湖而賦 而其音節與象 可以爲竹枝之則云

木夫容

九月襄王宴渚宮 霓旌翠羽度雲中 滿汀山雨衣裳溼 宋玉
愁多賦未工

水夫容

長洲宮沼醉西施蕩漾蘭舟不自持願奉君王千歲樂一盤
清露玉淋漓

送四川憲使

已歎玄經返墨池復愁國史奉巖祠離鄉遊子歸仍晚獨對
東風惜鬢絲

曹將軍馬

高秋風起玉關西踣鐵歸朝十萬蹄
貌得當時第一匹昭陵
風雨夜聞嘶

馬圖

昔在乾淳撫蜀師賣茶買馬濟時危
鄉人啜茗同觀畫解說
前朝復有誰

王母圖

偷桃小兒癡且奸恃恩無賴更蒙憐
竊翻雷電天公怒風雨
元詩選 道園學古錄 三 秀野草堂 陳章

落花紅九川

黃竹遺墟白雪高空桑戴勝向晨嗅
茂陵多欲非仙器枉賜
金盤五色桃

竹杏沙頭鷓鴣

峽蝶飛來石竹叢羅襦曾試繡紋重
荷花啼鳥銀屏煖卧看
窗間唾碧茸

記夢中詩三首

祝融若紫虛 君率子廉

出海雲霞九色芒金容混漾水中央
向曾賜服玄洲玉今結
蕭臺五鳳章

飛步崔嵬上九宮親題綵筆篆明虹
玉樓臨海連天碧待子
扶桑鶴出籠

失脚漁磯返棹遲幾回石上候來期
老翁巖下諸年少總解
題詩笑鬢絲

錢舜舉折枝夫容

白髮多情憶劒南
秋風溪上看春酣
翦來一尺吳江水
凝比
千花濯錦潭

賦故宋李文襄公植烏石渡舊隱

窈窕幽篁帶薜蘿
青春白日坐蹉跎
試詢烏石江頭水
寧有
微波接汨羅

訪杜弘道長史不值道中偶成

雨浥輕塵道半乾
朝回隨處借花看
牆東千樹垂楊柳
飛絮
時來近馬鞍

聽雨

屏風圍坐鬢毵毵
絳蠟搖光照莫酣
京國多年情盡改
忽聽
春雨憶江南

春雲

元詩選 道園學古錄

三

秀野草堂

春雲漠漠度宮城
樓雪初融水未生
行過御溝成久立
起頭
枝上有流鶯

與趙子期趨閣

日出風生太液波
畫橋千尺彩船過
橋頭柳色淡如許
應是
偏承雨露多

玉堂讀卷雜賦次韻

待漏宮門聽鑰開
袖中進卷總賢才
奏名殿裏千花合
傳勅
階前好雨來

千花覆檻柳垂絲
晝刻傳呼淑景遲
聖主自觀新進策
侍臣
簪筆立多時

院中獨坐

何處他年寄此生
山中江上總關情
無端繞屋長松樹
盡把
風聲作雨聲

題歐陽原功少監家柯敬仲畫

潞陽日日水生波翠袖黃裳晚擢過珠樹月明花婀娜鳳毛
春煖錦婆娑

紹興間臨安士人有賦曲一春長費買花錢日日醉
湖邊玉驄慣識西湖路驕嘶過沽酒樓前紅杏香中
簫鼓綠楊影裏鞦韆晚風十里麗人天花壓鬢雲偏
畫船載得春歸去餘情付湖水湖煙明日重扶殘醉
來尋陌上花鈿思陵見而喜之恨其後疊第五句重
攜殘酒酸寒改曰重扶殘醉因歐陽原功言及此與
陳衆仲尋脞度之歌之一再董此字求書其事因書
之并系以此詩

重扶殘醉西湖上不見春風見畫船頭白故人無在者斷隄
楊柳舞青煙

元詩選

道園學古錄

卷

秀野草堂

八月十五日得旨先歸驛騎在門復召還草詔十七
日至桓州驛題銜

烏桓東望天無際祗有銀蟾出海頭不得吹簫送清夜禁城
鐘鼓度中秋

酬書巢送櫻帚

積雨蒼苔路不分松花盡日落紛紛塵埃滿袖歸來晚誰與
柴門掃白雲

子昂畫

棠梨枝上白頭翁墨色如新最惱公直似故園花石外銅盤
和露寫東風

畫馬二首

蕭條沙苑貳師還苜蓿秋風盡日閑白髮圍人曾習御長鳴
知是憶關山

號國夫人學畫眉宮門催入許先馳春風十里聞蘇澤新賜
金鞍不受騎

題納涼圖

百頃芙蓉水滿隄綺窗只在畫橋西羊車薄莫過湖曲驚起
鴛鴦不竝棲

息齋竹

紫貂蚤解獵圍驂一棹夷猶雪滿簷山雨欲來春樹暗盡將
情思寫江南

題子昂春江聽雨圖

并序

越鳥巢南枝所欲得於江湖之上者甚不多也區區不
余畀覲此慨然

憶昔江湖聽雨眠翩翩歸鴈度春前數株古木依茅舍老去
何年踏釣船

元詩選 道園學古錄

三四

秀野草堂

即流

次韻杜德常典籤秋日西山有感二首

落日龍舟山下回寺門依舊對山開霜凋碧樹煙生草從此
頻傷八月來

每進文章出殿遲日華西轉萬年枝甘泉罷幸揚雄老滿鬢
秋風不受吹

題柯敬仲畫

牽牛引蔓上棠梨上有幽禽夜夜栖自有秋風動疎竹江南
落月不須啼

題蔡端明蘇東坡墨蹟後

東坡墨蹟云天際烏雲合雨重樓前紅日照山明嵩陽道士今何在青眼看人

萬里情此蔡君謨夢中詩也僕在錢塘一日謁陳述古邀余飲堂前小閣中醉上小書一絕君謨真蹟也納納新嬌生眼底便尋舊事上眉尖問君別後

愁多少得似春潮夜夜添又有和云長垂玉筋殘妝臉日爲金釵露指尖萬斛閑愁何日盡一分真態爲誰添二詩皆可稱後詩不知誰作也杭州營

籍周韶多蓄奇茗嘗與君謀鬪勝語又知作詩子容過杭述古欲之語泣求落籍子容曰可作一絕語援筆立成曰隴上巢空歲月驚恐看回首自梳翎

開籠若放雪衣女長念觀音般若經認時有服衣白一坐嗟歎遂落籍同輩皆有時送之二人最善初焚云淡散輕素鶴翎紅移入朱闌便不同應笑西

園香能李強句顏色待春風龍云桃花流水本無塵一落人間
幾度春解珮玉警 酬史直意濯纒還見武陵人固知枝人多慧也

祇今誰是錢塘守頗解湖中宿畫船曉起鬪茶龍井上花開

陌上載嬋娟白樂天蔡君謨陳述
古蘇子瞻皆杭州也

老却眉山長帽翁茶煙輕颺鬢絲風錦囊舊賜龍團在誰為

分泉落月中

三生石上舊精魂解后相逢莫重論縱有繡囊畱別恨已無

明鏡著啼痕

能言學得妙蓮華贏得春風對客誇乞食衲衣渾未老為題

靈塔向金沙

丹丘柯敬仲多著魏晉法書至宋人書殆百十面隨以與人弗畱也他
日獨見此軸在几格間甚怪之及取觀則吾坡翁書蔡君謨夢中詩及

守居閣中舊題也第三詩以為不知何人作其軒轅彌明之流與陳太守放營坡三詩亦屏
翁轍墨流傳至今亦有絲耶卷後多佳紙敬仲求集作詩識其後賦此四首是日試郭岬墨但
目疾轉蒙不復能作字又知年歲後難若此者亦尚
能作否臨楮慨然至順平未二月望日蜀人虞集書

題著色山圖

巫山空翠溼人衣玉笛凌虛韻轉微宋玉多情今老矣閑雲

元詩選 道園學古錄

三五 秀野草堂 天粟

閑雨是耶非

題東坡帖

東坡先生書少陵翁負薪行筆力與辭氣同一高古憶

在江上聞舟人竹枝一首謾識於此

魚復浦前春水生負薪渡江初月明憑郎莫下巫峽去楚王

宮殿在專城

此詩亦見鐵崖
西湖竹枝詞

臘日偶題

舊時燕子尾毵毵重覓新巢冷未堪為報道人歸去也杏花

春雨在江南

題扇與周幹臣

玉壘松花蜜餅香龍珠星顆露盤涼遙知環碧樓中坐翠竹

蒼松夏日長

題周怡臨韓幹明皇出遊圖

以下應制錄

開元盛事何人畫玉冠夫容御天馬從官騎步各有持移仗
華清意閑暇宮袍如錦照青春詔許傳看思古人不知身在
瀛洲上親奉圖書侍紫宸

徽宗畫梨花青禽圖

宿雨初收禁林寂玉斧臨窗看春色蒺藜沙上煖塵飛何處
人間作寒食

趙千里小景

前代王孫不好武拈筆幽窗寫汀渚殘雲野水三百年依舊
松筠溼春雨

韓幹馬

開元沙苑蒺藜秋韓幹新圖總不收天廐眞龍奇骨在故知
臣甫負驪駒

曹霸下槽馬

元詩選 道園學古錄

三六

秀野草堂

櫪下長年飽豆芻誰通馬語識踟躕主恩淡重知何報或者
東封駕鼓車

滕昌祐懷香睡鷺圖

蒼鷺惜毛羽宛宛卧春雨雨餘日照沙上有懷香花懷香不
自獻夢到金鸞殿殿池多躍魚君王方草書

竹林七賢圖

以下歸田業

瞻彼脩竹下臨清流文石偃隄華松蔭丘植表界壤翦茅宅
幽梁度高巘臺隱中洲方牀讀書異宮同休詠歌相聞觴豆
相求或蒔名藥或釣游儵課藝嘉植坐思遠遊濯纓微波看
雲良疇逸而不放儼而自脩泰哉沮溺邈乎巢由按圖以觀
永宜春秋孰若五君遺其故儔糟粕塵世高蹤莊周我懷古
人遜而違憂安得揮絃以招湛浮

題汪華玉所藏蘭亭圖

衡茅負晴旭有客至我門共披會稽圖山水盛續紛衆賢坐
水次飛觴汎云法夷曠各有趣高閑知右軍幽情付後覽陳
迹感前欣悠悠千載來不異更旦昏按穴問神禹望海悲秦
君逝者皆如斯死生固奚云所以鼓瑟人思從童冠羣春服
沂新浴歸歟聊永言撫卷不知老遐思在茲文東南極積水
日莫多浮雲

玉隆畱題

仙真治茲山重阜隱延廣冲奧元氣會運至法靈響與世作
司命神宇廓弘敞及門春雨來玄感副夙仰摩挲晉時樹託
身何蕭爽千載抱微息日月共來往欲爲黃髮期日待紫芝
長上天垂光彩月出江海上故人不可待惆悵理歸鞅

記夢

夢行衡廬間千仞過蒼壁崇高仰神明濶廣下不測雲雨蓄

元詩選 道園學古錄

三七

秀野草堂
隱士

盤礴時至如欲出網緼尚回旋揮霍忽奔逸物怪匿巖穴樓
若俟霹靂黑波汎高樹木葉走崩石升身登玄間縱觀龍變
迹俯視九州野草木有輝澤乃在風雨外手畫素三尺揮豪
極動盪落墨更沈鬱圖成示坐人共笑不可得顧瞻以躡躡
恍惚增歎息因之命肩輿出門聊有適大術何舒舒白鶴從
數客略經幽澗濱便上青松側憑高望遠水雙景蕩虛碧拂
石共客坐芳草藉尻膝忽然聞鐘聲睡覺北窗席
道園外祖楊文仲守衡州井齋
依之時未有子文仲爲禱於軒岳遂生道園文仲夢一牙兵持刺入曰南岳眞人來見
既覺聞兒啼聲因命小字曰衡道園自少時嘗夢遊南岳歷覽其奇勝頗能記憶焉

次韻陳溪山搜履二首

解鳥還上方歸山據枯槁禁足結僧夏陳編謝按討隱几或
過晝疑塵遂忘埽行庭不見人誰或踐生草實由筋力衰無
復馳走好前年當此時嚴名出城早追度龍門水賜見沙領
道鼎湖忽踰年始克罷趨造感君素履詠幽貞可長保番番

茹芝人長歌豈知老

六月乃屢雨良田不憂槁獨念桂林戍觸熱赴南討道路備
攘掠所過淨於埽縛人夜送軍吏卒何草草蠻獠亦人類義
利啓戎好尋原可制亂機要貴及早夜來送者還頗言喝橫
道諸軍四面集同月約皆造誰爲飢渴謀性命安可保藜藿
雖滿槃對之令人老

和陳溪山韻

幽人慎素履古道思獨往瞑目登高臺浮雲不足上丹砂煉
仙骨沈瀼濯神爽遠懷澄江靜耿若孤月朗河漢自傾注山
川逸游想斂迹倦飛翼歸耕故時壤好風從東來空谷感遺
響詔書薦遺逸郡府屬高仰聊持東湖水往助敬亭賞

楚石璩藏主自蔣山歸却欲就叢林閱藏同舟清江
之上賦此贈之

元詩選 道園學古錄

三

秀野草堂

手攜北山雲却上西江水月明洲渚生葉落風不起虛舟不
移棹寒波釣金鯉銀河轉碧落北斗去天尺龍吟匣中劒虎
躍弦上矢殺機誰敢當吹毛豈輕試貝葉啓千函木榻脫雙
履惟應勝鉞觀悠悠度年歲

題蒙菴爲黃石谷賦

東南有高丘下臨萬家邑汪洋浹春潤沃衍盛秋入羣山若
浪波起伏翠重襲靈運好奇險高平罕相及幽人園綺間周
覽度原陞隨山導清泉積石拾層級結菴以蒙名果行信所
執良時一來游朔月九交十門當星斗高隴卧風雨溼一川
燈火歸賓從雜車笠登高媿能賦騰身竦山立

平江開元雪窗光禪師訪予臨川山中其歸也予與
賓客用一雨六月涼中宵大江滿分韻送之不足予

爲繼之而予分得一字

積雪何處高蜀山最苦罕海東極孤絕目送斷鴻一徘徊杪
擢樹宴坐但空室園果墮宿雨當晝從定出八月露水繁石
鉢滿華蜜相會豈無因分牀便淡密

秋山行旅圖

春夏農務急新涼事征遊飯糗旣盈囊治絲亦催裘升高踐
白石降觀索輕舟試問將何之結客趨神州珠光照連乘寶
劍珊瑚鉤乘馬垂首背縱目上高丘策名羽林郎談笑覓封
侯太行何崔嵬日莫摧回輶古木多悲風長途使人愁羸驂
見木末足倦霜雪稠谷口何人耕禾麻正盈疇出門不及里
酒饌相綢繆壯者酣以歌期頤醉而休安知萬里事有此千
歲憂

次韻太朴良友對何仙舟讀書山中見懷之作

得謝荷休澤消搖在巖阿結廬庇風雨焚圃塞藤蘿寒坐古

元詩選

道園學古錄

元

秀野草堂

五七

人書日夕猶詠歌追念少壯日玩愒亦已多兢兢事補塞奈
此遲莫何美人百里內邈若隔山河興懷貽好音緼藉三春
花報言慎芳歲卷石崇巍哉

劉忠肅公之四世孫中書舍人諱震孫之曾孫益之
題其居曰雲松巢予家與劉氏累世之契故爲書忠
肅公文集之首詩三篇并賦此與之

丞相昔遊泰山頂天風浩浩春晝永玉檢微茫不可求但覺
靈霞熟丹鼎白日人間如水流前代衣冠成古丘悠悠憂患
何足計直道千年橫素秋徂徠之松數千尺東連海上莫煙
碧中書偉人如玉立每向南風望東北濁世公子何翩翩却
憶匡廬還謫仙夫容出水耀初日五色光新天爲妍我今僑
居廬阜側西視峩眉歸未得豈無雲錦晚相娛月落終懷雪
山白森森喬木魯東家河間禮樂更光華勿忘先世舊遊處

吾秣爾馬膏其車

空山歌

高空之山聳公宅稚川作圖纔數尺秋天薄雲千仞表春雨
喬林百年物憶昔侍郎鎮成都將佐盈庭賓客趨錦官城外
笳鼓發駟馬橋邊高蓋車先廬舊在小東郭丞相祠前同寂
莫嚴公同訪杜陵家退之亦到淮西幕峩眉嗟峨久不歸江
水娛人秋日暉坐看蓬萊變桑海自古南城天下稀公子親
迎陳氏館我初至撫猶弱冠看君揮翰甚風流豈想重逢鬢
毛換君言中間一再來數見先公胸次開鶯花風雨必求友
水竹園林持酒杯嗟予晚歲始能退寧有文章驚海內平生
不受簡書畏故家高致君應最圖中山色積翠濃雖欲舍子
將焉從蜀人相如最能賦行倚山水歌高空

爲燮玄圖題鰲溪春曉圖

元許選

道園學古錄

早

秀野草堂

夫容山陽萬家邑石嶺戴轍縈紆入溪水西行夜雨浚連邨
桑柘春雲溼昔因荒迥少官府日莫狐兔作人立自從置縣
二百年稍有衣冠更俗習讀書進士比舍間潤屋黃金亦家
給山中白日浮雲多負乘因仍足車笠燮侯世胄國勳舊射
策君門恥浴襲朱衣作監列星宿遠人豈意高軒及援琴不
鼓書牒稀彈缺無魚賓客集繡衣使者停車見黃堂大夫下
牀揖登高望遠送飛鴻攬轡駸駸度原陞人言桐鄉人愛我
我愛桐鄉重於邑畫圖千疊山木稠茂舍蕭條莫忘葺

題馬竹所畫

霜清木落江海空一棹歸來何處翁雙松千歲如鐵石爲爾
回薄旋天風憶昔神龍劍所化夕卧滄波弄明月望中冉冉
雲氣生直接銀河上瓊闕

霍元鎮規模董北苑米南宮父子寫山水雲物殊有

標致見示春江捕魚圖遂賦此

春江聚網萬魚急漁人相謹魚相泣負薪溪山何處樵利害
相乘不相及海鷗冥冥秋影微黃葉江南一棹歸人間得失
兩無迹不廢山水含清暉

同開先南楚悅禪師觀息齋畫竹卷於崇仁普安寺
煜公之禪室蓋煜之師一初本公所藏也因記延祐
甲寅息齋奉詔寫嘉熙殿屏南楚與之同寓慶壽寺
時予同爲太常博士俯仰之間已爲陳迹乃題其後

云

嘉熙殿裏春日長集賢奉詔寫蒼筤邇來二十有五載飄零
殘墨到江鄉匡廬高人昔同住每見揮毫鳳鸞翥木枯石爛
是何年脩竹森森長春雨

題邨田樂圖

元詩選 道園學古錄

望

秀野草堂
天梁

尺素自是高唐物瑩如秋水宜設色何人畫此畎畝間二三
老人若相識茅屋蕭條古樹下農務未殷牛在野或憐鷓鴣
脫籠繫或弄獼猴笑真假老翁政自如兒嬉高髻襁負相扶
持古時粉社祀田祖移饌高亭隨所宜抱瓮初來未貯酒亦
有生鶯宛延首邨優競攜樂具至犬怪雞驚兒拍手拄杖出
門欣見賓雜華滿庭生好春歲時無事得如此擊壤何必非
堯民騎驢過橋殊矍鑠攜具荒陂來赴約定知張果千歲人
游戲人間共盃酌

柳塘野鴨

江南水退秋光淺風柳參差萬絲捲鴛鴦在梁鳧在渚蕩蕩
扁舟去家遠千艘轉海古長策白粲連江動秋色斷蒲折葦
野水闊爛爛明星且將弋翠盤擎露夜淡寒玉色亭亭落月
殘太液池頭黃鵠下夢中曾見畫中看

江參去世二百年翰墨零落多無傳人間幾人寫山水誰能
意在揮毫前昨見石林舊家物春雷疊嶂初破墨我和葉詩
頗豪放三者相望都突兀險危易好平遠難如此千里數尺
間高雲舒卷非散地麗日照耀皆名山我持美酒一斗墨
汁盈盤可濡首江生精神作此山向山呼生當至否高秋銀
漢天無雲帷中冷然來夜分黃茅嶺頭莖蓋頂畫我獨訪淨
丘君

爲汪華玉題所藏長江萬鴉圖

雲巢幽人愛江渚抽思揮毫寫橫素波瀾不驚潦水盡秋氣
晶明絕煙霧征帆去棹不相襲岸曲洲旋總堪賦孤邨城市
僅如蟻百丈牽江直如縷蕭蕭木葉洞庭波歷歷晴川漢陽
樹蒹葭宿鴈天欲霜叢葦寒鴉日云莫就中樓觀何王宮想

元詩選

道園學古錄

里

秀野草堂

見華年貯歌舞丹青倒影駭靈怪粉黛含情怨幽阻青春遊
子愴忘歸白日冷風帳中語人間遺迹何足雷最惜精思墮
塵土郭熙平遠無散地小米蒼茫託天趣銛鋒鏃戟不破墨
刻畫晶熒昔誰苦渤海細書藝文章精絕戈波絕回互南唐
後主萬鴉圖點點晨光動毛羽昔年曾見今日昏雖復逢之
亦難覩汪侯此卷出故家相示摩挲極愁予香奩犀軸見者
稀謾錄餘情示來者

題漁邨圖

黃葉江南何處邨漁翁三兩坐槐根隔谿相就一煙棹老嫗
具炊雙瓦盆霜前漁官未竭澤蟹中抱黃鯉肪白已烹甘瓠
當晨餐更擷寒蔬共萑席垂竿何人無意來晚風落葉何處
聽了無得失動微念况有興亡生遠哀憶昔采芝有園綺猶
被畱侯迫之起莫將名姓落人間隨此橫圖卷秋水

題韓幹畫馬

韓生觀馬十二開時寫一二傳人聞坡翁嘗來伯時宅見此遺迹開衰顏前行如雲塵不動後者追風絕飛鞚昔人能事已可能始覺賞識非虛諷昔觀祕府韓絕少得見龍眠已驚倒使人讀詩如見畫人中豈復生坡老五雲之中天上奇代產名駒天子騎神明尚令後古見莫歎韓生非畫師

題秦虢二夫人承名遊華清宮圖

貴人竝鞚如輕鴻承恩馳入華清宮道途先不止行客策蹇奔趨烏帽風奚囊墮地何足拾豈有篇章浪相及畫史當時妙墨傳光彩流動狂情急君不見白頭拾遺徒步歸明眸皓齒事皆非朝天泥滑袖封事高閣雨餘宮漏稀

玉隆宮所藏宋乾道宸翰雲壑二字

昔者雲歸壑天章自九重日華常映鳳山氣盡成龍俯仰遺陳迹高凌儼德容飄然化春雨結想在高松

元詩選 道園學古錄

四

秀野草堂

亦仁

寄三衢守馬九皋

聞道三衢守年豐郡事稀詩成花覆帽酒列錦成圍鶴髮明春雪貂裘對夕暉扁舟應載客閑聽洞簫歸

寄題汪道士草亭

飛白妙娉婷新題照草亭仙遺相鶴法客借換鶯經霧雨歸懸黍風雲護伏苓遙知春晝永淡坐養黃庭

聞鴈

樓近煖雲溼夜淩聞鴈低聲音燈外盡羽翮月邊迷冉冉白榆上悠悠黃竹西應逢穆王駿春草一長嘶

錢舜舉畫

一樹花如雪清明客未歸坐看黃鳥竝夢作綵雲飛翠袖寒猶薄羊車過絕稀相如能作賦月下卷春衣

山水圖

汎舟桑落浦望見香爐峰野水常欹樹山雲不礙鐘桃源攜
客覓松徑與僧逢爲託荆關輩添予九節筇

題馬竹所畫

老樹依江岸歸舟傍釣竿水花看晚淨風葉識天寒鴈字來
千里魚羹付一餐遠山青可隱日下是長安

送客北門晨登山木閣

晨登山木閣零雨煖於春溪水解畱客梅花偏照人秣香知
酒熟市遠覺民淳此地堪娛老惟愁度水頻

仙遊道士余岫雲爲從珠谿余隱士求得華山下黃
茅岡一曲規作丹室喜而賦之不覺五首

華山東下有茅岡云是毛公舊隱場清露尚餘丹滿白白雲
今許草爲堂冬憑野燒開會隴春託山雷淨石牀從此便爲

元詩選

道園學古錄

四

秀野草堂

千載計洞天先拜紫玄章

茅岡地主古醇儒乞我岡頭作隱居嶺上閑雲從管領澗中
流水聽開除刀耕火種從茲始雨笠風瓢便有餘自古詩人
多會合浮丘毛氏不愁予

石人屹立古仙壇雙澗交流拱一盤臨水種松須匠匠就中
作室要寬安洞經卽日脩真訣玉臼逢春浴舊丹却恐山中
添故事題詩莫與世傳看

仙游辦得茅千束華蓋須分屋數間微咏玉經忘我老謾調
金鼎勝於閑龍雷變化從舒卷鶴露清寒自往還何似綺園
諸老者採芝初不離南山

茅岡初割一溪雲玄契華陽舊隱文謁簡自題香案吏封章
先報大茅君種成和露桃千樹借與摩霄鶴數羣便是宸清
真洞府不煩夢想託紛紜

撫郡天寧明極覺講主陪敬齋監郡奉祠華蓋特有
高咏三讀敬歎僕偶共清游輒復次韻衰退不工聊
資笑粲

三峰宮殿接新橋十月長齋陟翠巖朝步仍垂蒼玉佩登歌
還引紫瓊簫千枝絳蠟連虹貫五色香雲向日飄賴有高人
陪後乘輕清詩句似參寥

秋日同朋游北塔山

歸田多病故人疎好客相逢樂有餘老去淡杯那解飲詩成
大字尚能書門生去上青驄馬道士歸騎赤鯉魚如此餘閑
多樂事誰能七十始懸車

送易用昭

詩成長是倩人書最愛東家織翠裾遠樹斷雲春雨外華星
明月晚涼初滿窗柿葉題都徧短帽梅花畫不如莫向墨池
成久別鷺羣還欲謝崇虛

元詩選道園學古錄

聖

秀野草堂
際生

集自郡城歸溪山翁寄詩并和申字韻垂教依韻再
呈殊媿遲拙

莫春長日雨兼風買得江船未及東出郭故人邀杜老輟耕
田父訝龐公謾從修禊忘溪曲何用安車徧洛中旦起紫芝
行復長詠歸先與謝崆峒
待客花陰午過申茶香榆火一時新千竿嫩綠搖輕暑數萼
餘紅墜晚春坐憶雲林行道迹夢游仙島意生身連根分種
如冰雪來向清池對玉真

己卯臘八日雪爲魏伯亮賦

官橋柳外雪飛綿客舍樽前急管絃僧粥曉分驚臘日獵圍
晨出憶殘年白頭長與青山對華屋誰爲翠黛憐惟有寒梅
能老大獨將清艷向江天

某與胡伯友書問疏闊稍久因楚石藏主待謁翹仰
高誼賦寄此詩

喬木千章萬壑秋使君清興在危樓星沈夜水神魚化霜落
寒汀宿鴈畱紅袖烏絲酣楚客畫屏銀燭看吳鉤不知冑著
枯藤杖采采芙蓉涉遠洲

贈楚石藏主謁饒心道六有先生

不識南塘第幾橋翠樓華屋上岑巖古文獨許揚雄識幽興
誰爲杜甫邀伐木春聲生澗谷涉江秋影蕩蘭苔散花如雨
攜雙履解與高人話寂寥

縉山張君榮字仲華來丞撫之崇仁歷兩政六年心
平氣順上下相安如一日雖有遠役重勞亦無闕事
甚可稱也予之閑居相愛如故舊每懷扈從東道往
來縉山道中見其風土之勝民俗之美未嘗不談道
元詩選 道園學古錄 四共 秀野草堂
以爲樂於其受代調官京師因記之以詩而與之別
明年進秩南來觀舊治父老兒童相迎於東門之外
又當歌此以爲一笑之歡也

昔從時巡出縉山翠畦綠樹畫圖間驅車百折龍門險載筆
千峰虎帳閑麥粉勸嘗銀縷熟梁炊持獻玉漿還道旁父老
應常好爲說鄉風一破顏

送撫郡經歷海朝宗調官

館閣論思拜命新風雲近接屬車塵受釐宣室多清夜奏賦
甘泉是莫春雨過落花行處少日移高樹坐來頻知君此日
行吟思驄馬封章又避人

東坡墨竹

扁舟憶上浣花溪風雨橫江萬竹低石室歸來秋似水峨眉
相對醉如泥春雷翻石蛟龍起夕照穿林鳥雀栖二老何年

重會面爲揮濃墨寫婁迷

白雲間上人度夏

白雲長傍太湖飛忽向西江度釣磯彭澤小龍邀共飯潮陽
遷客憶畱衣笻因春雨朝朝喫橘待秋霜顛顛肥我自本名
無所住經函松下共柴扉

荅甘允從寄海東白約

海國練衣雪色明寄將千里見高情著隨野鶴渾相稱行近
沙鷗亦不驚江露滿船歌醉起爐煙攜袖憶詩成秋風遊子
偏愁予誰采芙蓉共晚晴

孫宰金碧山水

昔代香山避暑宮中天積翠立夫容雲生金水三春柳露滴
銀牀五粒松飛瀑橋長通窈窕斷隄人倦立從容舊時行處
今看畫煙雨樓臺晚更濃

元詩選

道園學古錄

四七

秀野草堂

不仁

甲戌四月十七日至臨川冲雲寺祝聖壽齋罷爲賦

此詩

郭西寺門雙石頭水檻相對林塘幽白花過雨落松暝黃鳥
隔溪鳴麥秋衰朽虛蒙宣室問淹遲實愛小山畱爲貪佛日
同僧話滿袖天香念舊游

蜀人鐫夢良效楊補之掀蓬圖

錦屏山下花如錦却愛清江野水邊放筆豈能無直幹掀蓬
方欲鬪清妍最憐半面軟歌扇更笑輕身障舞筵君看上林
千樹雪繁枝何處獨娟娟

荅錢翼之

吳郡名書盛有唐流傳風致到錢郎閉門三月梨花雨徧寫
千林柿葉霜容看舊題驚歲月僧將新句度江鄉莫愁茅舍
淹畱久秋菊春蘭各自芳

柯敬仲畫古木疎篁

不見丹丘四五年幽篁古木更蒼然
蒹葭霜露風連海翡翠翠蘭苔
月在川憶昔畫圖天上作每題詩句
世間傳前邨溪雪誰高卧亦有晴虹
貫夜船

李伯宗錄詩

老去逢春祇謾吟敢煩綵筆爲追尋
玉堂天上成塵夢茅舍山中稱野心
萬里雲霄歸鳥盡孤邨風雨落花溪
文章傳世知何用空使高情慨古今

閩憲克莊以故舊託文公五世孫明仲遠徵鄙文老
退遺棄散逸荷伯宗用昭止善浩淵子昂至善及余
表姪孫陳誼子兄子豐仲弟之壻賈熙用昭之從子
大年等十餘人寒冬連旬日夜錄之得五十卷亦已
勞矣賦此爲謝

元詩選 道園學古錄

吳

秀野草堂

老去斯文付寂寥寒枝枯甲一遺蜩
虛言自歎真何補好友相求不憚遙
敗篋塵埃煩數子破窗燈火每連宵
書成明日尋梅去共看春風轉斗杓

題汪華玉子昂蘭石二首

海內出珊瑚枝撐碧月孤鮫人拾翠羽
泣露得明珠參差不可吹紉佩寄遠道
遂令如石心歲晚永相好

春妍帶雪圖

玉茗深宮裏春妍帶雪殘可憐五色羽
相竝不知寒題饒世英所藏錢舜舉四季花木

海棠

睡起多情思依稀見太真一枝紅淚溼
似憶故宮春

黃蜀葵

花萼立清晨鶯黃向日新金杯承玉露
偏醉蜀鄉人

芙蓉

丹霞覆苑洲公子夜來遊終宴清露冷折花登彩舟

家茶

萬木老空山花開綠萼間素妝風雪裏不作少年顏

題饒世英所藏孤鶴圖

海風吹月憶危巢清夜梳翎雪墮坳仙客不知猶是畫每聽

長唳向松梢

贈朱萬初二首

珥貂鳴珮入明光新墨初成進御牀草野小臣春夢短猶懷

染翰侍君王

天曆己巳天~~定~~中外安天子始作奎章閣於宮廷之西親御翰墨時禁公在初康里公于山皆近侍閣下以朱萬初所製墨進大稱旨

得祿食藝文之館其名籍甚

延閣晨趨接佩聲又紆朱紱向江城丹心要似東陽水釀作

官壺徹底清

朱萬初以詩文直長以年終勞恩賞出佐帥幕南海轉承東陽東陽文物之區俗第以各酒歸之豈其山川之盛哉韓文公議亦不負余余負丞

元詩選 道園學古錄

四元

秀野草堂 天泉

今承凡邑之風俗教命刑獄科賦無不得言言之當無不可行在乎其人而已萬初勉之

雪後偶成

曉來殘雪在陂陀遠似羊羣或似鷺憶踏春泥看柳色駢裘

貂帽度冰河

自贊題白雲求陳可復所寫像

歸來江上一身輕野服初成拄杖行祇好白雲相伴住天台

廬阜聽松聲

子昂竹

憶昔吳興寫竹枝滿堂賓客動秋思諸公老去風流盡相對

茶煙颺鬢絲

八駿圖

瑤池積雪與天平西極空聞八駿名玉殿重來人世換蕭蕭

首蒼漢宮城

中秋前偶賦四首

一室蕭然絕敵麇，桂香初發自先知。
已無熱惱仍無夢，坐到空林月落時。

空林月落大如盤，雞犬無聲曉氣寒。
童子擬謀朝一食，玉杯盛得露溥溥。

一杯濃露滑如飴，灌溉清涼可療飢。
畢力石田嗟已晚，空山何處采靈芝。

采芝不覺過前山，偶荅樵歌莫却還。
人影自行殘照外，雨雲先入翠微間。

次韻荅魯子暈參政二首

海風吹雨散晨曦，紈扇高堂兩鬢絲。
想見東南賓客盛，臨江驪酒看潮時。

病鶴前年下玉京，空巢聊寄一毛輕。
白雲千載悠悠外，自照元詩選道園學古錄

卷

秀野草堂

寒溪野水清

玉龍圖

貝闕澄澄海月生，水晶簾影接空明。
鮫綃翦得霓裳就，却擁冰髯上太清。

贈閔白雲

白雲東去久經春，每想飛鴻到水濱。
幾箇遮山松樹子，憑君灑雨洗埃塵。

無題

貝闕珠宮夜不眠，露華浩浩月娟娟。
不應又作人間夢，窈窕吹簫度碧煙。

聞機杼

唧啞機杼隔林幽，夢覺江湖憶舊遊。
滿地月明涼似水，數聲柔櫓過揚州。

溪橋踏雪

萬竹孤亭積雪明，衝寒先到寄高情。過橋不是尋常客，共聽空山裂帛聲。

賦范德機詩後

玉堂妙筆交游盡，投老江南隔死生。最憶崖州相憶處，華星孤月海波清。

送程以文兼簡揭曼碩

故人不肯宿山家，半夜驅車踏月華。寄語旁人休大笑，詩成端的向誰誇。

至正改元辛巳寒食日示弟及諸子姪

江山信美非吾土，飄泊樓遲近百年。山舍墓田同水曲，不堪夢覺聽啼鶉。

癸酉歲晚雷上方觀三首

燈前自了讀殘經，風入疎簾月入櫺。坐到夜深誰是伴，數枝梅萼一銅瓶。

元詩選道園學古錄

五

秀野草堂
際生

偶行幽徑豈尋春，忽見叢蘭紫茁新。幸自林深可終日，莫將香引路行人。

山中積雪到簷端，獨對篝燈坐夜闌。不是梅花心似鐵，如何禁得許多寒。

田舍

晨昏車馬亂雲煙，花下追遊亦偶然。百舌無聲春亦去，蕭蕭田舍日高眠。

別變玄圃後重寄

郭西山路有寒梅，想見臨行首重回。夜聽雨聲知水長，滿船明月幾時開。

古檜

根到澗泉石作身疎疎香葉不知春海波不動天風遠千歲
寒蛟作老人

學古錄公于自編定好事者別輯公詩曰翰林珠玉其從孫堪處
蒐訪得古律詩七百四十餘篇曰道園遺藁以補前藁之所未備

萬戶張公廟堂詩

并序

以下遺藁

大德辛丑昭勇大將軍河南征行萬戶鎮通州張公以
其兵從征緬死之通人作廟以祀公三十年間朝之公
卿大夫士能爲文章者莫不爲之有所製作秦定丁卯
公子御史亦俾予賦之集以爲征緬事始末在朝諸君
子則知之矣通州僻在江海之際其人何自知之況久
遠乎且不著夫狂夫首禍之故成宗皇帝聖明卒致其
罪則公所以不冒墮其構陷必甲冑以死之意亦終不
白於通人之將來也故稍原其始而道之庶其有考也

詩曰

於赫世皇竝用豪傑一定宇內縻厥戈甲旣久旣安成宗繼

元詩選 道園遺藁

五

秀野草堂

之祖功莫加道在守持狂夫興謀以動相國曰昔祖宗成尚
戰克萬方悉來史皆前能我獨無名曷稱繼承蠢彼西南翳
叢負固聚落八百各統女婦人強善驕馬具競豪豢豕于牢
黃金飾槽取而有之富可足用赫平功多以世智勇相臣以
聞天子曰嘻有是言哉汝其試之狂謀旣售諫言不入旣賊
軍實弓鉞仍戢餽饟啓行萬里騷然飢危蹈毒未戰已捐番
番名將天子爪士鎮于江澣天子所使狂夫忌之承制驅之
詎思國謀徒逞厥私將軍慨言死我臣職可陷者身不陷吾
直見制鄙庸豈我名兇心知無還况冀立功與其矯誣死彼
狂手孰與奮擊不喪吾守孤旅轉戰身入不回殺僇旣多身
卒死之三軍失聲萬士喪氣孰明公心君門萬重裹革東歸
遙遙江壩部曲候迎悲風旆纏民懷其忠士感其義虎奮鷹
揚如見其至卜廟得吉東際海神來受之有永無壞狂夫

辱國天子震怒立呼狂豎斬以大斧狂罪則誅死事奈何哀
封哀榮百世不磨豈惟不磨元嗣御史既有兄弟又多孫子
奕奕勳門秩秩良材天之報忠豈有涯哉

金人出塞圖

海風吹沙如捲濤高爲陘磧淡爲壕築壘其上嚴周遭名王
專居氣振豪肉食湏飲田爲遨八月草白風颼颼馬食草實
輕骨毛加弦試弓復置橐今日不樂心怪怪什什伍伍呼其
曹銀黃兔鶻明繡袍鷓鴣小管隨鳴靴背孤向虛出北泉海
東之鷲王不驕錦鞞金鍬紅絨條按習久蓄思一超是時晶
清天翳絕鴛鴦東來雲帖帖去地萬勿天一瞥離婁屬望日
力竭微如聞音鷲一掣束身直上不回折遂使孤飛一片雪
頃刻平蕪灑毛血爭誇得雋頓足悅挂兔懸狼何足說旌旗
先歸向城闕落日悲風起著兩肩煙塵滿城鼓微咽大酋要王
具甘歡王亦欣然沃焦熱闕支出迎騎小驢琵琶兩姬紅顏
頰歌舞迭進醉燭滅穹廬斜轉攪毵

題花鳥圖

一作吳中女
子畫花鳥歌

吳中女兒顏色好洗面看花花爲俏調朱弄粉不自施寫作
窗間雪衣鳥綠窗沈沈春晝遲半生心事花鳥知花殘鳥去
人不歸細雨梅酸愁畫眉

此詩元音乾坤清氣俱
作處集體要作揭後斯

次韻馬伯庸少監四首

仍歲從巡幸山川識重臨講幃來濟濟馳道止駸駸五月衣
裘薄諸生坐席浚歸耕何待老莫問二疏金

移蹕宮城曙煙花繞閣重來王俱屬籍稱使不傳烽賜席還
親問囊書更手封恐煩宣室召眠日轉蒼龍

臣甫多愁思長歌拜杜鵑鑿崖通閣道積水放樓船惆悵霜

橫野棲遲雪滿顛經行看宿草碧色自年年

太平知永日漸老惜芳晨論說憐孤學推揚負相臣退思堂
感慨拜賜每逡巡郊藪多閑地餘生託鳳麟

奉別阿魯灰東泉學士遊甌越

憶昔同經幄春明下玉除挂冠俄去國連舸總盛書
筍脯嘗紅稻蓴羹斫白魚莫言江海遠咫尺玉堂盧

題秋山圖

峰迴畱淩隱天清襲素袍棲身斷人蹟游目送鴻毛
樹挂栖厓鷲藤懸飲子猿龍眠石澗冷虎撼樹根牢
木客吟時共山樵奕處遭浮雲過水盡孤月挾霜高
羽使來三島胎仙舞九臯左招玉斧飲右攬赤松遨
空色收寥廓虛聲起繹騷彈琴遺古散載酒棹輕舸
遂向圖中見誰能世外逃乘槎幾月一作日至一泛九秋壽

送朱生南歸一作送朱仁卿

元詩選 道園遺藁

五

秀野草堂

喜一作羨子南歸盱水上經過爲我問臨川幾家橘柚霜垂屋何處蒹葭月滿船應有交游憐遠道試從父老說豐年寒機早晚成春服一一平安報日邊

歸蜀

我到成都住五日駟馬橋下春水生過江相送荷主意還鄉不畱非我情鷓鴣輕篋下溪足鸚鵡小窗呼客名賴得郛筒酒易醉夜浚衝雨漢州城

自仁壽廻成都

還鄉思速去鄉遲王事相縻敢後期里父畱看題壁字山僧打送捨田碑胡桃筇竹南方要盧橘枇杷上國知此日君親俱在望徘徊三顧欲何之

送韓伯高僉憲蒞西

正月樓船過大江海風吹雨灑船窗雲消虹蜺橫山閣潮落

龍鬣遊石缸閣下諫書誰第一濟南名士舊無雙湖陰暑退
多魚鳥應勝愁吟對怒瀧

寄福建僉憲馬叔惠

荔子枝頭火齊紅高堂紈扇坐薰風湘筠簟冷魚波合海柏
梁淡燕雨通絡緯豈知秋袂薄屢屢長憶曉餐同禁城來看
花如錦誰道清霜解惱公

端午節飲客與趙伯高

龍沙冰井夏初融簪筆長隨避暑宮蠟燭煙輕畱賈誼銅盤
露冷賜揚雄南邨久病思求艾北客多情問轉蓬忽聽滿船
歌白苧翻疑昔夢倚春鴻

周昉畫美人圖

鳥上雲生日轉欄海風吹面暮寒尖春明玉色遺蘇澤夜定
珠光入鏡奩織得鴛鴦成一作綠皺教成鸚鵡啄紅甜試令鼓

元詩選道園遺藁

玉

秀野草堂

印真

瑟應無語目斷歸帆思未收

一作

費無隱丹室

碧雲雙引樹重重除却丹經戶牖空一徑綠陰三月雨數聲
啼鳥百花風年淡不記栽桃客夜靜長畱賣藥翁幾度到來
渾不語獨依秋色數歸鴻

賦雪洲

江上經年憶雪多長洲化作玉坡陀舊時射虎迷躡石薄莫
歸漁認擁蓑河伯作宮龍獻舜湘靈遺珮鳳停梭鳧鷖容與
江花發更待春來生水波

挽文山丞相

徒把金戈挽落暉南冠無奈北風吹子房本爲韓仇出諸葛
寧知漢祚移雲暗鼎湖龍去遠月明華表鶴歸遲不須更上
新亭望大不如前灑淚時

楊鐵崖撰武初不赴名詩子房本爲韓仇出諸葛寧
關全用此詩解外雜詩集所載一本云商

上為儲君出黃石終期孺子來豈盡崖窟知彼用前人之非後乃自改耶
鐵崖詩有全篇韓冬郎者英雄欺人不可以訓儻因此詩而并及之

贈道士

神室誰開自洞微紫煙爲戶玉爲扉
春容淡薄胎仙舞夜景虛明
脉望飛繞指風雷龍睡醒滿囊雲錦
虎馱歸猶嫌長物煩聞見更上高臺一振衣

贈無塵道人

雲霧爲衣月作裳天壇獨自禮虛皇
龍收古劍沈秋水鶴識神丹起夜光
金井有聲惟墜露玉階無色乍凝霜
無端下界松風動又欲飄然上鳳凰

玉華山

何處清江擁玉華手題名榜寄仙家
光凝石殿千年雪影動銀河八月槎
藏藥寶函騰玉氣說詩瑤席散天葩
奎章閣吏無能賦得似新官蔡少霞

王庶山水

蜀人偏愛蜀江山圖畫蒼茫咫尺間
駟馬橋邊車蓋合百花潭上釣舟閑
亦知杜甫貧能賦應歎揚雄老不還
花重錦官難得見杜鵑啼處雨班班

畫虎圖贈真一先生

獵獵霜風木葉乾月明曾過越王山
青龍久待蟠仙鼎赤豹相呼守帝關
終歲采芝茅阜曲豐年收穀杏林間
誰家稚子能爲御長與桃椎共往還

滕王閣

城頭高閣插蒼茫百尺闌干背夕陽
秋雨魚龍非故物春風蛟蝶是何王
帆檣急急來彭蠡車蓋童童出豫章
燈火夜歸湖上路隔籬呼酒說干將

京師秋夜

屈竹撼秋聲天寒夢不成如何今夜月偏照客窗明

王朋梅東涼亭圖延祐中奉勅所作草也

灤水東流紫霧開千門萬戶起崔嵬坡陀草色如波浪長是
鑾輿六月來

丁卯禮部考試次韻二首

憶昔坡頭接錦袍淡堂披卷効微勞三年重得同清夜宮燭
風簾見月高

袍鵠鏘鏘赴曉闈分廬陳藝別東西憑教紅杏休開徹早晚
開關蹋雪泥

東家四時詞四首

臨流洗硯見長身白苧寬衣短葛巾紈扇自題新得句水亭
分送倚闌人

摩挲舊賜碾龍團紫磨無聲玉井寒鸚鵡不知誰是客學人

三万六

元詩選 道園遺藁

五上

秀野草堂
印玉

言語近闌干

澄波千頃擁高鬟手折芙蓉月下還解憶高堂風露冷袖衣
先送碧雲山

賀雪宮門上表歸貂裘猶帶六花飛海南新送收香鳥轉覺

清寒入翠帷

贈傅與礪

水玉空青不易求蘭苕翡翠擅清秋才情豈是人間少不到
高唐夢未休

洪厓橋

澄江如練碧悠悠一色蘆花覆遠洲無盡春天歸鴈急月明
寒影不曾留

題張希孟凝雲石

海口不盈握隤然如委雲危岑集遠思虛竇棲微熏天高泰

華斷日出香爐分几研襲清潤文章互細縵潛雷起神谷震
驚天上聞亟視恐無及化為九龍文

朱秀之杞菊軒

高軒何所植杞菊交根枝紫實既秋熟黃花亦晚滋嘉名信
共愛何以療予飢此邦號富庶士賈志懷資蕭條山石閒誰
復見惇嫠遺脫兼并餘惟剝無完肌縱彼百畝受豈得安耘
籽種此頃步內庶無征奪思採擷勿違節烹茗貴有宜三咽
可千歲逍遙奉天隨

某游吳中因省墓山間頗見田野有可念因贊
高軒之樂而及之庶觀風者之有采而知之者

送豫章熊太古兼寄蘇伯脩參政

豫章有家學禮樂不見收為養不擇祿淒涼向炎州攬結桂
樹枝誰為玉雪謀十年一再見我老君白頭古劒光陸離繫
以珊瑚鉤激昂文史閒未媿班馬儔蘇君天下士定價琳琅
球江漢方渺然為我觀素秋長吟以相送明月在高樓

五方四九

元詩選 道園遺藁

五六

秀野草堂

李伯時九歌圖

太乙神君號東皇玉質要妙含和陽生生烝始通微茫綿綿
蒸空神中央浮英上羅文天章覆冒下滿谷與阬旁塞無閒
靈無方靈來乘柔往乘剛湘君夫人鎮相望清溫靜好非淫
傷司命元老元氣昌手執藜杖色老蒼歷劫壽命不可量少
君之壽同其長離無異體合有常出入萬化終不亡晶明發
晨上搏桑海天赫赫真金芒質鍊不滅長垂光河源混流
湯湯伯也坐視無迎將千古萬古何堂堂彼幽為厲為強梁
朝狸莫豹方鷗張精魂熠耀志意荒招之不反巫無良屈生
作歌沈九湘世人傳聲罕尋詳祝融仙子調玄黃九神出圖
百怪藏不信請視虞公章

送呂教授還臨川

并序

古者仕不出其國五十里百里而已入仕王朝才千里

而近無父兄妻子墳墓屋宅之別而有祿食之羨車服之華焉豈不便適人情乎哉今國家奄有宇宙仕者視南文胡易若東西家然則彼出入驅馳不越乎州閭黨術之閒者不亦隘乎呂君仲謙世居臨川之南山木鬱茂田毛易長仰事其親俯育其妻子何嘗有意於遠游哉一旦用薦書得爲遼東學官隨牒以行且萬里冬裘不足以禦寒蔬腸不勝其恆肉雖志氣不變然情能無少違乎僕願畱之館中而不可歸其宜也故作詩以送之

黃金作臺畱好客好客不畱秋月白東風吹雪滿衣襟却賦

長歌送行客一作色遼東之山醫巫閭六月五月雪不除昨朝遣

使降香去五尺冰上行飛車一作飛行車知君江上慣舟楫快馬如

龍亦徒設東取來時一卷一作書還向江波對一作手明月我本蜀

人隨水來結屋與子相鄰隈白髮京塵不歸去臨風相送興

一作空悠哉

城南春曉圖

天台先生有山癖卧起無山朝不食幾年騎馬聽朝雞磊砢諸峰拄臂臆陳生受意不受辭竟拈秃筆爲掃之旣安樓觀對奇石復著梁棧橫清漪游吾舊游釣吾釣隔林彷彿聞幽鳥瓊臺何處無桃花此是城南莫春曉夜來天子傳詔呼先生直上鑿坡趨盤盤廻復一萬里無限好山并好水如從鳥上見陳生畫寫歸來畫堂裏

金馬圖

人負金馬睡於馬上

賈胡自騎千金馬解囊小憩荒城下平原無樹起秋風夢到陰山雪橫野太平疆宇大無外外戶連城無閉夜不然安有獨行人懷寶安眠如畫者

天馬之來大宛國漢帝心馳渥洼域貳師兵甲費如山毛骨
權奇不多得世祖開基肇太平昔日大宛俱拱北如雲之馬
西北來飛控驚塵遍南陌養年浚生息蕃卽今詔刷無遺
迹青絲絡頭千萬輩戢戢駢頭死槽櫪一程瘠毒一程愁比
到燕山肥者瘠吾觀天廐十二開五花成隊春斑斑監官喂
養盛芻豆年年騎去居庸關聖朝誰信多盜賊却慮騎氣藏
凶奸駑駘盡從天上去驥驪豈得畱人閒漢人南人窘徒步
道路相從俱厚顏我今已是倦游者東家寒驢何必借布韉
青鞵取次行正喜不遭官長罵鄉里健兒弓弩手詔許征鞍
常穩跨嶺南烽火亂者誰何事至今猶梗化君不見漢文皇
帝承平時千里之馬將安之又不見項王一騎烏江渡到頭
不識陰陵路

元詩選 道園遺藁

六十一

秀野草堂

次韻葉賓月山居十首

錄四

冰泮溪流碧雲生鳥嶼紅輕陰殘夢裏遠樹亂愁中鷗外兼
晴絮鷺邊共晚風地偏山氣近霏靄溼房櫳
露冷天光逼溪澄夜影圓水花含窈窕山吹縱清緜爲覓洪
崖侶重尋赤舄船翻愁孤鶴外廻互萬山連
綠瑣依松潤細簾亂蘚斑吹笙花下散飛燕雨中還有客歸
謀酒無言卧看山春禽忽相喚淡樹兩關關
風日宜芳歲煙霞樂燕居坐浚閑看弈燭冷靜修書臘醞紅
生玉春盤綠間蔬但須門有客不問食無魚

酬崔御史送熊掌

熊掌來東國分甘到老夫鸞刀寒斷節翠釜煖柔膚兔脫中
山醢魚藏丙穴腴藜腸渾未厭玉食恐時須

代祀西嶽蒼袁伯長王繼學馬伯庸三學士二首

紫禁沈沈曙色低奉祠羣使已班齊承恩歸院迷煙樹乘傳
開關蹋雪泥蹀躞共憐騎苑馬逶迤不若聽朝雞山川有事
寧辭遠只尺成都是國西

棧道年年葺舊摧已將平易履崔嵬經行關輔圖中見夢戀
鄉山馬上來諸葛精神明日相如情思冷於灰重思親舍
猶南國願託江波去却回此題袁伯長首唱而諸君和之足以見一時館閣
時矣集中所載諸公倡和之什雖不必盡工而各
諸臣風采袁虞王馬方駕並驅此正有元極盛之
存之以備參考如此題及上京雜咏等類是也

張道士蜀山圖

碧玉參天是蜀山舊曾飛度歷孱顏松風上接空歌外蘿月
長懸合景閒試劔丹崖秋隼疾濯纓清澗夜龍閑君家虛靖
歸來日冉冉蓬壺爲憶還

從兄德觀父與集同出榮州府君宋亡隱居不仕而
歿集來吳門省墓從外親臨叩韓氏得兄遺蹟有云

元詩選

道園遺藁

李

秀野草堂

甲玉

我因國破家何在君爲脣亡齒亦寒不知爲誰作也
撫誦不覺流涕因足成一章并發其幽潛之意云

我因國破家何在君爲脣亡齒亦寒南渡豈殊唐社稷中原
不改漢衣冠溫溫雨氣吞殘鏹泯泯江潮擊壞欄萬里不歸
天浩蕩滄波隨意把漁竿

興慶宮朝退次韻袁伯長見貽是日上加尊號禮成
告謝集卽東出奉祠齋宮

翠蓋重重寶扇斜從官穿柳散慈鴉過宮路遠紆天步上壽
杯淡閣雨花玉貫兩虹通象錦衣成五綵鍊雲霞奉祠東出
蓬萊道春水鳧鷖踏漢槎

和李秋谷平章小車詩

雪晴宮草隱晴沙相國朝天試帝車班馬晝移溫室樹鳴鸞
晨度掖垣花奉帷每命賢俱載趣駕頻煩使至家此日龍門

誰執御擁經正履侍金華

游岡子原呈王學士

岡子原頭春色濃
小車晨出看東風
雨餘林潤人鳥好
日煖沙平我馬同
西引峰巒來座上
東瞻樓閣起天中
詠歸莫作
恩恩晚儻解相逢
擊壤翁

次韻寄元復初

黃梁夢覺人千里
白璧歸來月一缸
尊酒幾時忘北海
東書無路到東窗
卧龍宛宛冰生壑
飛鶴翩翩雪灑江
無限心期
總寥落
秋風煙樹引歸幢

羅若川畫松

莫春多雨晝冥冥
羅生畫松當素屏
老蛟化為劍氣黑
白鶴下啄苔痕青
傳來日莫自篝火
夢入幽巖尋茯苓
不遇胡僧露雙脚
石函自了讀殘經

四
八

元詩選 道園遺藁

空

秀野草堂

送胡士恭

十年京國擅才華
宰相頻招載後車
太液蒼涼黃鵠羽
玄都爛熳碧桃花
三清風露仙人館
萬里煙塵野老家
拂拭舊題如隔世
華星明漢望歸槎

舟泊安和阮宅次黃志高韻

十月東歸下石瀧
羣公促膝共輕艘
蕭雲故宅多喬木
阮籍清樽對暮江
方駕官來良馬五
尺書先寄鯉魚雙
欲求淡隱何山曲
雪竹霜筠共一窗

賦文子方家篔簹亭竹影

數箇篔簹一小亭
南窗承日印寒青
水晶簾裏珊瑚樹
雲母屏閒翡翠翎
却愛微風動蕭瑟
翻疑薄莫倚娉婷
憑君縱有鷺溪絹
莫與空花結定形

舟次湖口

江沙如雪水無聲舟倚蒹葭鴈不驚霜氣隔篷纜數尺斗杓
插地已三更拋書枕畔憐兒子看劒燈前慨友生尚有乘桴
無限意催人搖櫓轉江城

聶司空畫扇

客來山雨鳴礮客去山翁醉眠花外晴雲靄靄竹邊秋月娟
娟

青山白雲圖

獨向山中訪隱君行窮千澗水云云仙家更在空青外只許
人間禮白雲

寄澄湛堂法師

月中桂子落巖阿想有林間閱具多特足地神衣拂石獻珠
天女鞦韆波香因結願畱龍受水爲烹茶喚虎馱寄到竹西
無孔笛吹成動地太平歌

元詩選 道園遺藁

卷三

秀野草堂

送戴真人歸越

戴先生日飲五斗醉不得再飲一石不盲眠昨從桃源來兩
袖攜風煙長安道上小兒女拍手攔道呼神仙馬如游龍花
如雨蹴踏春秋作朝暮東方不作窗間戲上帝還令海邊去
海邊玉虹夜不收貝宮珠闕皆蛟蚪芝田玉樹久相待天上
老仙那肯畱戴先生鑑湖之水三千丈不可以鑑可以釀明
朝亦脫錦袍去與汝酣歌釣船上

田汝成西湖志餘云虞伯生際遇文宗置奎章閣爲學士順帝爲明宗子文宗忌之遠
竄海南詔書有曰明宗在北之時自以爲非其子伯生筆也文宗晏駕寧宗立八月崩
國人迎順帝立之伯生時在江西詔以皮繩縛腰馬尾鑿眼夾兩馬間速捕至大都嫉
之嘗爲十七字詩曰自謂非其子如今作天子傳語老鑿子請死至則以文宗程改詔藁
呈順帝覽之曰此我家事豈由爾書生耶遂得釋兩日由是喪明按元史伯生在文宗朝
中丞趙世安嘗以集病目就醫爲請幼君如大臣用至大故事召諸老臣赴上都議政
集在召列馬祖常使人告之曰御史有言乃謝病
歸無馬尾鑿眼之事釋史流傳恐未足以徵信也

楊推官載

載字仲弘建之浦城人後徙家於杭博涉羣書年四十不仕戶部賈國英數薦於朝以布衣召爲翰林國史院編修官與修武宗實錄調海船萬戶府照磨延祐初以科目取士首應詔登進士第授饒州路同知浮梁州事遷寧國路總管府推官卒初吳興趙魏公孟頫在翰林得載所爲文極推重之由是文名隱然動京師凡所撰述人多傳誦史稱其文章一以氣爲主而於詩尤有法度自其詩出一洗宋季之陋云臨江范亨父序其詩曰仲弘天稟曠達氣象宏朗開口論議直視千古每大衆廣集占紙命辭放睨橫放盡意所止衆方拘拘已獨坦坦衆方紆餘已獨馳駿馬之長坂而無畱行要一代之傑作也又曰皇慶初仲弘與余偕爲史官每同舍下直

元詩選

仲弘集

秀野草堂

君甫

回翔畱署或至見月月盡繼燭相語刻苦澹泊寒暑不易者惟余一二人耳虞文靖公與仲弘同在京師每載酒詣仲弘問作詩之法焉仲弘酒旣酣盡爲傾倒他日見文靖詩歎曰此非伯生不能作也仲弘與虞范齊各其相與切磋如此嘗謂學者曰詩當取材於漢魏而音節則以唐爲宗又言用功二十餘年始能會諸法而得其一二故當時之論詩法者以仲弘稱首

雪軒

北風海上來大雪何壯哉上下九萬里洗淨無纖埃君家十二樓軒窗洞然開吹笙擊鳴鼓呼賓與銜杯名言落四座大笑聲如雷舉頭望長空高興驚冥鴻仙人五六輩飛下白雲中粲粲明珠袍相從萬玉童問君何所事未就丹鼎功翩然却攜手共入蓬萊宮

巨鼇奮其首戴山出海中神人擇所處共構金銀宮凭高開
戶牖屈曲互相通女仙七十二顏色如花紅一一執樂器奏
曲殊未終世傳桃源圖共徵彭澤翁此本出異士雕刻尤精
工天地極廣大爲地當不同我願學仙道積久乃有功鍊形
去滓穢五色浮虛空一朝乘風去浩然入無窮

次韻景遠學士立春日二首

大雪入歲莫其非爲有年漉漉始彌旬父老怨苦寒平旦上
馬去重裘忽如單况彼牛衣子束縵噓微煙賴有固窮節猶
念及古先

人事重名實趨向盡百端丈夫負雄氣動欲追古賢於意少
不愜自放江海邊登高望八極雲氣生我前萬事何足問所
須惟酒錢

元詩選

仲弘集

二

秀野堂

送淳安徐教諭之任

握手出南城眷眷從此辭蒼茫寒江色日莫浮雲滋大舟挾
雙櫓輕若駟馬馳淳安衆才彥茲遲得師資擊鼓會高堂帷
帳春風吹執經列座下質問無畱疑平生五車書少出胷中
奇歛然聽佳譽庶用懌我思

太古雪爲楊友直賦

往時天大風能吹華山裂墜此一卷石或云太古雪粵自開
闢初雲氣所凝結已經六萬歲變化同熾喋望之色正白表
裏共澄澈塵土不能浣光采耀日月願君勿愛此持以獻金
闕回中避暑時持用消暑熱

借虞伯生魏雄卿魏池燕集分韻得閣字

侯家有貴客置酒燕池閣溽暑方盛極風雨俄大作移榻相
簾蕩蒲荷紛偃薄亂叫失蛙鼃回翔迷鶴鶴街流汗穢盡竇

湧波濤惡喧聲劇降殺神氣欣洗濯趣歡爭酬酢戲笑雜歌
罌益弛劔珮嚴未厭觥籌錯調燮維理得滲漉宜施博和澤
布原野溼煙散城郭嘉蔬已舊舊良苗常濯濯吾徒家食餘
豫有豐稔樂

題金壇宋氏自怡軒

白雲生何許萌芽自山石厥初僅毫末須臾大充斥蔓延塞
虛空日月爲昏匿或時爲霖雨庶類蒙潤澤或隨飄風散起
滅竟無迹相緣千萬變發色黑青赤畸人飭棟宇遠俗喜幽
闌開軒納高曠撫翫自怡澤人情慕富貴驅逐不暫息轉盼
失故常在己何所得上下數千載往事猶歷歷於焉服聖訓
無用苦沈溺昔年陶隱居常作帝王容桂冠神武門作詩寫
曾臆超然處物外可謂貞且白何以企若人鞠躬修道德

澗松爲丁師善作

元詩選 仲弘集

三

秀野草堂

君甫

澗松高百尺磊落多大節連根抱危石古色黑如鐵隆冬方
冱寒山中積霜雪蘿蕙悉枯死蒼崖猶凍裂此時唯老幹峭
直不摧折國匠求美材瞻望歎奇絕險阻不可致旣作復中
輟我願驅六丁操斧墮嶺嶒得此棟梁材持以獻天闕

劉將軍詩

交趾小蠻夸去國將萬里土產無異物其人狀如鬼溼熱生
瘴氣疾者無不死天兵雖南征棄之良有以往年鄂州省綬
靖失其理交馳赤白囊來告犯邊鄙遣人覘虛實在廷孰可
使矯矯劉將軍一旦備行李有才兼文武不但善弧矢淡入
險惡地限敵纔一水介者數百人視之若螻蟻移文至其國
詰問事終始指摘中利害文辭更淡美報書禮甚恭敵邑何
敢爾疆吏爭怨隙構煽乃爲此賄賂却勿受足以振綱紀威
聲聞遠方一邊禍爲弭國家方全盛武備不可弛如此將帥

才宜歌宿衛士

古木詩

大木生何許乃在泰山隈泰山崖石裂怒水響如雷浸潤長膏液根株日以培縱歷千百載霜雪不能摧長安天子詔欲築九層臺臺上構宮殿青雲共徘徊匠氏走海內博求棟梁材萬夫治道路揮斧重林開大器當大用小器易剪裁有如豪俊士蹤迹困塵埃適可厚自養毋爲興歎哀

題文丞相書梅堂

大厦就傾覆難以一木支惟公抱忠義挺然出天資死既得所處自顧乃不疑惻愴大江南名與日月垂我行見遺墨再拜墮涕洟名堂有濠意亦唯歲寒枝可知平昔心慷慨非一時峩峩著棟宇昭昭示民知勿使風雨敗永慰千古思

塞上曲

元詩選

仲弘集

四

秀野草堂

沙塞何窅窅樹短百草長大河屈曲流不復辨四方驅車日將夕黑雲隱長岡人馬俱飢疲解鞍飲寒塘張坐逐平地擊火燒烏羊桐酪過醇酎搖艷盈杯觴旣醉歌鳴嗚頓蹋如驚狂月從天外來耿耿流素光悲風動寥廓拂面吹胡霜白鴈中夜飛參差自成行一箭落霜羽挾弓負豪強中情無畱滯千載能鷹揚

偶題

叢生園中草蔚蔚媚幽姿乘時各敷榮皓色被綠枝似有微香發秋風輒吹之入人襟袖中亦復可憐茲詰朝步荒畦莖葉稍離披飄零卽已矣霜露不爾私榮悴旣有時小大何異而幸愛七尺軀天道不可誣

夢讀退之詩頗奇詭已覺記其大旨作此篇

自聞蓬萊山大林夾長巒上生癭藤蘿下生荆榛管仰不見

天日藏蓄霧雨寒仙聖常所處沮洳亦少乾雖云誇鳳凰出入傷羽翰哀音起空洞令人鼻準酸我欲訴上帝爲施鐵鑿鑽琢落石側裂化爲千丈磐瓊樓與玉殿玲瓏相通寬日月交戶牖光射青琅玕而我從吾師來遊樂且般呼吸養元氣華腴生肺肝萬劫永不死如循環無端竊爲仙聖慮炳然心若丹上帝如許我致此亦何難

雪後次韻鄭集之

雪後登高望江山信奇哉重岡起且伏相連白皚皚水官方謝事雲氣霽然開六龍翻滄海赤日從中來萬物將蠢動忽如登春臺木行味正酸含菱先屬梅天時亦相應初昏占斗魁遨遊自茲始入林踐蒼苔西湖青鼎澗西山高崔嵬長松更千載老枝多折摧名僧剋精舍靜謐依巖隈伊予實放士正可誅蒿萊情淡惟痛飲毋吝發新醅家人欲求我但見白雲堆機心無自作可使絕嫌猜君辭如泉涌我醉如山頽卜居同里巷時時得追陪爲瓶或先罄此恥當及壘大雅歌治世其音不宜哀有倡必有和愧我非長才美哉春雪篇雲漢共昭回

次劉師魯韻

三年客塞上日夜懷舊丘飢來迫我去何暇爲遠謀四顧無一親此身如羈囚悲風動沙漠回首令人愁道路已漫漫歲月復悠悠丈夫四方志至此何所求買船發河上河水亦南流攜鉏理荒圃吾疾日已瘳飛鴈至江訥北風天始涼是時禾黍登斯人亦少康皇天降厚德胡爲私一方燕趙及齊魯人飢或相戕奈何有積廩如陵復如岡生非肉食者此憂心甚長亟謀樹皋壤翦茅覆小堂我志亦易豐歲祀有特羊

元詩選

仲弘集

五

秀野草堂

四頁

竝海無山林莽莽皆平疇君家擇地利卽此營菟裘雜樹作
藩屏青紅間綢繆其中植橘柚擁蔽枝葉稠盛夏開白華朱
實懸高秋飛霜虐萬物寒風助颼颼凌晨察變候策杖巡維
陬是何黃金多暴露宜藏收採摘資衆力轉輸及他州子長
傳貨殖謂此同列侯上充國家賦下貽筐筥謀千縑可坐致
何必龍陽洲

次韻袁伯長

盤盤海底石竝樹青琅玕至陽生至陰龍宮常苦寒揚光炫
朝彩吐氣蒸微瀾根株歷千載莫測勞悴端端如巢居子草
木皮衣冠超然去人羣取友蹄與翰日誦黃帝言浩歎淚闌
干奈何天下治必以雲爲官佩劔黃金環咀丹白玉盤自聞
至人德積熟生肺肝黃塵日莫起對面不相看三山在何處
使我師王韓聊歌紫芝曲倚君清夜彈

元詩選 仲弘集

六

秀野草堂

題屏風畫商山四老人

飛雪灑遙野衝波蕩無垠蟠蟠山谷間居此四老人下爲民
庶師上作王家賓清風眇何許馳想寂莫濱

遣興偶作

春蔬茂前畦蓂蓂有顏色珍禽叫溪樹過耳亦一適用是易
吾慮毋爲自襲積放浪天地間無今亦無昔古人得意處相
與元不隔如何故人心未照我曾臆徵言及織芥實出左右
力豈憚沒係躡人生且爲客

書懷寄杜原父二首

吾生何爲者穉年志頗高神仙與功名壯思躍秋濤中宵豈
無寐悲甚幾欲號後來失所養百數患難逃竭力奉甘旨出
入身甚勞舊書益遺忘九牛存一毛稍後與人事忍情如忍
刀旦夕自惟念未足非兒曹常欲力道德屢失迷所操區區

習蠹簡對案夜焚膏儻然有所得中心樂陶陶忽如從古人
握手共遊遨攜持亦何事庶用娛蓬蒿追思作詠歌示之必
賢豪丈夫生世間毋論賤與貧夙發多意氣往往惟任真松
栢生高岡挺然固出羣不爲霜雪厄不爲風雨春得時可行
道節義亦足伸吾生託下土所識凡幾人窮交獨相慰笑語
亦復親

遙望山下雲旦起迷羣岫老鶴巢其中縹緲標末構長鳴對
秋月鳴罷復俛唼散入墟落間聞者莫能究顧惟雲外客娛
心飲醇酌於此何如哉吾亦有所邁往來常泛舟滄流浙江
上是時秋風高濤水日夕壯瞬息踰百里猛捷莫可狀倚船
縱觀久力可騎鯨况顧謂吾友言爲樂頗豪放斟酌尊中酒
懷抱益虛曠常從山中遊實愛巖谷幽長松蔭泉水四時清
如秋佇立輒良久忽欲忘其儔吾聞古來人山居多名流此

元詩選

仲弘集

七

秀野草堂
陳章

語或可信市朝安得畱

贈執中允上人

南山多白雲澗漫塞崖谷中有龐良叟寂莫卧林屋前門樹
高松後戶植幽竹孤風相纏繞波濤驚蕩沃梵文五千卷誦
說盡精熟時時發清唱鏗鏘擊金玉伊余走海內一見輒歎
服願言從之遊澹泊心自足

次韻詔卿壬寅元日又三日聞游人頗盛之作

堂堂宵雨過粟粟曉寒仍獻歲人同得東郊事復興杜門疑
我拙有句愛君能且驗臨階草從今日漸增

寄劉師魯

想君遊宦處正值洞庭湖落日波濤壯晴天島嶼孤舟航通
漢沔風物覽衡巫天下文章弊非君孰起予

贈吾子行

春雨連城闇春雲映戶多長衢方淖淖小水亦風波抱獨能
如此思君可若何便當乘興去著屣一相過

東陽十題 錄六

焦桐

只作全生計唯存半死心芻蕘猶不置斤斧重相尋遂使熤
焦釜誰爲愛古琴有材不足恃愁絕念知音

蠹簡

往古韋編在何年始汗青蠹蟲濑宅科斗少成形泯滅陪
秦火搜羅出漢廷斯文天未喪不敢望全經

塵鏡

收藏無寶匣歎息網絲懸孰使明爲暗如觀醜勝妍玉臺終
寂寂金鵲尚翩翩政訝開元日虛將盛事傳

廢檠

二尺書檠在如今久弃捐魚膏雖有焰蠹簡獨無緣牆下借
遺礫窗間帶舊煙却觀提挈處辛苦悔當年

敗裘

寂莫牛衣子能無敝緼袍塵埃須浣濯蟻蝨費爬搔意味存
雞肋寒涼視馬毛千金旣銷鑠猶聽朔風號

卧鐘

漢殿經焚後喁然卧草中雕幾牙板廢鏽澀土花蒙追蠡難
陳力華鯨不奏功待賢初設簾想見古人風

送屠存博

君往金陵郡於予亦有聞海環平野盡山出大江分未召元
司馬誰憐鄭廣文自今師道立章薦必紛紛

渡江寄俞仲連

舟濟大江濱中流日欲曛鹵翻沙際雪潮落渡頭雲鯨躍常

知候鴻飛不亂羣頗思論勝槩把酒莫如君

奉題伯父雙峰樵隱四首

山出雙峰秀溪流一派清土風存禮讓人事省將迎路逐高
低過田隨早晚耕家林有如此南望每關情
石樹盤根瘦沙溪激浪清竹間看犢卧木末見人行穡事常
分力樵歌輒和聲從來攜杖處不礙白雲生
山曲兩三家相過路不賒對門開竹徑臨水種梅花酒熟畱
人醉詩成任客誇時時談舊事相看鬢垂華
草滿三春綠山畱萬古青呼兒欣解意應俗憚勞形採菌敲
寒木收魚照夜汀祇應老崖谷束帶尚論經

送方韶父先輩遊五湖

蕭蕭垂素髮渺渺泛滄波過眼江山好離家日月多詩名終
不朽世事復如何一往五湖上蒼茫問釣蓑

元詩選

仲弘集

九

秀野草堂
顧明

和張仲實之吳興舟行雜詠

水程通百里雲樹隔千層鶴髮歡相見龍門羨獨登文辭毋
乃壯楫杓尚能勝仰止情何極吾爲附驥蠅

寄題羅氏別業

門前臨白徑長日少人行野樹重重暗溪流脉脉清山形元
不斷雲氣自相縈已似龐公隱何時重入城

次韻江行四首

潮頭終歲白沙腹有時畱利涉他州柁終更古戍天依臨
海樹風作滿江波亦有投竿意還聽孺子歌
藜羹真我食薜荔亦吾衣養性隨時足全生徇物非秋蓬猶
未定風樹莫相違謾作煙霞想曾無羽翼飛

路僻行來好天清望極遐白魚翻急浪黃犢卧晴沙柳吐千
條葉梅殘幾樹花佳辰從此數歷歷看韶華

子胥因諫戮茲事幾經秋顧爾忠難捨于今憤不休天風吹地轉海水入江流欲問鴟夷處茫然使我愁

送孫大方歸朝元宮二首

高卧林泉表超然謝世紛空山鳴白雨古石繫蒼雲不作夔龍伍甘從鹿豕羣都門遊宦客回首總慚君
爲樓因地勢四面盡青山路落秋城外河流曉樹間鴈飛雲
莫莫龍現雨珊瑚建木光華盛何時共折攀

題信州先天觀圖二首

高林蹇翠氣虛谷散虹光道士多騎虎仙人自牧羊澗泉通地遠山嶺際天長戴子文爲記流傳示不忘
四圍山不斷狀若碧芙蓉谷遠含風細崖潑下露濃茂林藏
虎豹陰洞伏蛟龍恍惚神人降浮空羽蓋重

次韻引浚儀公題蘭竹卷子

元詩選 仲弘集

十

秀野草堂

樹蕙連叢竹祗應族類同相依巖石畔併入畫圖中勁葉凝清露危梢倚碧空諒非高世士此意固難通

惠崇古木寒鴉

江上秋雲薄寒鴉散亂飛未明常競噪向晚復爭歸似怯霜威重仍嫌樹影稀老僧修止觀寫物固精微

送林季羽入京宿衛

青雲自致身磊落見斯人卷袞辭蒼麓垂纓侍紫宸漏殘珠閣曉香煖玉爐春儻厭承明事歸來衣錦新

送徐義父入京

幽燕向日邊裘馬去翩翩磧迴沙如雪河窮浪入天上書雙闕下待詔五門前壯節多奇遇無煩媿往賢

中秋

攬雲憑結構步月上林皋不記金尊竭頻瞻玉宇高神清存

夜氣天闊數秋毫百尺樓如在何煩卧汝曹

送王元禮歸平城

燕趙多奇士遺風有固然射雕猶絕藝屠狗亦名賢形勢威
天下風流號北邊送君歸此地亦欲奮吾鞭

題青田葉叔至野清堂

爲堂殊顯敞在野興尤濃
水流千折青山繞百重樹麻行
柿柿蒔木倚童童相對漁樵話終朝亦罕逢

送張宣撫使嶺南

奉使入蠻煙終軍始妙年
抗旌辭朔野擊楫渡湘川
翠竹侵巖際黃茅盡海邊
狼荒非善地爲戒莫雷連

送李侍郎使安南

九秋天色晚萬里送君行
馬首塞雲起腰閒寶劍橫
奉揚天子命慰荅遠人情
直渡蠻江水炎氛一日清

元詩選

仲弘集

十二

秀野草堂
高元

送吳清叔

驛路程雖遠帆風勢甚道
青山隨岸去白水滿江流
牢落添新恨繁華憶舊遊
只今歸去好把釣卽槎頭

次韻夏仲勉

不喜爲文富長憂得酒慳
尊罍堆案上筆硯棄牆間
有傳追王績無書繼賈山
貴人能慢士往見亦胡顏

冬至次韻張宣撫二首

北去關河遠南歸歲月長
屠龍雖有技相馬獨無方
雲水連天暗霜蕪滿地荒
客遊應未已塵土在衣裳
瀛海無消息冥冥鳥道長
已驚雙鬢短更待兩瞳方
落日依平嶂洪河入大荒
憂來那可得揮淚欲沾裳

酬吾子行

耿耿思朋舊悠悠涉歲華
旣依秦大姓方問魯東家
雅道將

誰與新詩政自誇，祇今能會合不憚路途賒。

贈周景遠學士

胡易回元氣，人才起俊流。聲華當翰苑，文采冠中州。振珮趨臺閣，抽毫侍冕旒。人傳鸚鵡賦，家有鸛鷖裘。式觀黼宮立，共惟祀典修。一朝虞或缺，六器俾旁求。俎豆俄成列，蘋蘩遂可羞。中朝方有道，下士實同休。已及歸鴻候，姑爲食蟹謀。朋簪多繾綣，使節少淹留。曉日花間酒，春風柳下舟。篇章微品藻，山水媿清幽。鄭璞曾先辱，隋珠不暗投。考槃雖自引，闕觀亦吾憂。簡冊銷長日，蓬蒿憚凜秋。論高非縱誕，興遠託賡酬。尚憶駒千里，胡能貉一丘。何當把君袂，相逐馭風遊。

壽杜尊師

澹蕩風雲氣，沈雄虎豹姿。繇來天下士，絕異里中兒。苦縣常栽李，商山舊采芝。不當卿相位，猶可帝王師。始有中車獲，俄

元詩選

仲弘集

十三

秀野草堂

蒙仄席，知賢才。方竝用，讒說遽相欺。身負將巍冠，龍鱗敢逆批。變通俱合道，舒卷各乘時。菜室煙霞秘，還丹日月遲。願公長住世，須作後天期。

春雪次陳元之韻

寒氣何悽慘，春空正杳冥。東皇收橐籥，北帝駕軫混。沌包三極續，紛走百靈散。珠分的鑠擊，玉碎瓏玲始。試朝藏日俄，疑晝隕星危。橋無客渡曠，野少人經百。涕疑奔瀨孤，撐沒峻吟林。荒顛凍雀崖，滑墮哀猿袞。袞隨風舞颺，颺雜雨零遺。蹤初得免，匿種詎憂螟。眇昧傾農室，歌謠徹帝庭。陽春將布德，品類各成形。捉筆題新句，持杯酌舊醞。今朝須痛飲，醉卧不須醒。

送張仲實之宜興

南渡邦初造，西山將獨賢。立功何赫赫，流慶尚綿綿。報國橫

戈數登壇授鉞專風雲方際會江海固周旋控險千鈞弩臨危七寶鞭忠誠浚足仗智勇實兼全自返高橋役端持有府權兵威終抗敵人力可回天甲第無踰者諸孫固穎然初生同燕領有美自蟬娟善學聞當代能詩起妙年衛公猶故物鄭老竟寒瓊矯矯青雲器冷冷白雪絃同遊雖未達自視已無前政事兼畱意時髦孰比肩知機無轉石縱辨若奔川特達羣公薦酸寒衆目憐姑爲文學掾會覓孝廉船必見公侯復無論雨露偏秋風鵬鸚健萬里正翩翩

送丘子正之海鹽州教授

有美區中彥由來志不羣舟航了吳越裘馬向燕雲才思庾開府風流王右軍得時宜玉筍稽古賸香芸果拔英髦穎邁收翰墨勳諸公希宦達半世有辛勤奔走空皮骨躋攀不寸分夏侯何地芥郢匠實風斤嗟我慚鷗鷺棲山似鹿麕偶來詢故老因得友多聞湖舫曾秋雨河橋幾夕曛過從方不散慘別亦奚云俎豆班侯泮鹽絺薄海濱未論虞廩米聊樂魯宮芹此日顏應抗之人德已薰化爐新鼓樂學殖重耜耘行矣穿黃落歸歟守白紛贈言將底事努力在斯文

士開燕岳氏溪堂有溪山新月上江海故人同之句

邀予及張仲實曹克明同足成之

置酒秋風裏憑闌野色中溪山新月上江海故人同縱浪情何極畱連燕未終三鱸來上客五馬會羣公積水輪清氣微霞銜近空將昏林尚白及早稻先紅極論追遐古豪情念困窮尚觀儀秩秩未遂樂融融才著當朝傑文誇命世雄數君今日選宜爾集南宮

次韻黃子久喜晴三十韻呈注知府

霞彩晨張錦蟾光夕挂鉤陰霾雖盡解淫潦豈全收震動邀

遊興還聞倡和謳容追舊賞歷歷破新愁騎氣城邊縱龍
光海際浮艷妝來士女盛服擬王侯在藻羣魚躍依林白鳥
啾河流交不斷山勢轉相繆物理歸含毓人情釋怨尤娛娛
從老穉燕樂逐朋儔幄帟分郊次幃帷擁道周聯翩馳畫舫
噉噉累朱樓貿易通遐壤繁華壓大州聚廬千井富接棟萬
家稠已成增周仍催沒下流嘉蔬連隙地宿麥福高丘曹
事虞多廢昏徒戢過求醜恩方竝育和氣與同游期會朝先
往追隨莫不休露華開的的風葉振颼颼拾芥非無日登禾
卽有秋朝家期少試鄰郡固難侔共美光華著還矜德業修
在廷爭進薦當宁免垂憂玉漏傳臺角金尊出殿頭秉心存
正道造膝待嘉謀履直恆如矢防偏或類舟第誇繙竹簡不
省計牙籌善對慚鳴鶴能歌塊飯牛過情蒙許與彌月爲淹
留

元詩選 仲弘集

十四

秀野草堂

再用韻贈黃子久

自惟明似鏡何用曲如鉤未獲唐臣薦徒遭漢吏收悠然安
性命復此縱歌謳石父能無辱虞卿卽有愁歸田終寂寂行
世且浮浮不假儕羣彥真堪客五侯高人求款洽末俗避喧
啾藜杖常他適繩樞每自繆與人殊用舍在己寡愆尤濟濟
違班列俛俛遠匹儔能詩齊杜甫分道徧莊周達飲千鍾酒
高登百尺樓艱危仍蜀道畱滯復荊州鶴度煙霄闊龍吟霧
雨稠東行觀海島西逝涉江流自擬需于血何期渙有丘古
書嘗歷覽大藥豈難求撫事吟梁父馳田賦遠遊堂名希莫
莫亭扁效休休檻日吟東濟窗風背北颼鳴琴消永晝吹律
效清秋雅俗居然別仙凡迴不侔多聞踰束皙善對蓮楊修
儘有匡時略寧無切己憂塵埃滾滅迹霜雪暗盈頭始見神
龜夢終營狡兔謀雪埋東郭履月滿太湖舟急景誰推轂流

年孰唱籌凌波乘赤鯉望氣候青牛好結飛霞佩胡爲淹此
雷

寄王繼學二十韻

聖主敷皇極元臣建上台虛心求俊乂削迹去姦回拜命超
凡品知君秉大材淳風隨日播公道應時開負鼎資烹飪操
刀貴剗裁銛鋒行肯綮異味合鹽梅廟議常參洩朝班復共
陪艱難須仗助豁達遠嫌猜遺佚聞風起英豪接踵來經綸
非董賈辭藻亦鄒枚在野思羅致盈庭想輟推旣將龍作友
惡假鳩爲媒走也今畱此公平可念哉執竿猶海上扶耒卽
巖隈自守幽人意寧虞俗子吟舊遊辭玉府故事憶金臺落
魄江湖阻蒼茫歲月催丹心徒耿介素髮已毳毳勿謂交如
水能忘恥及壘飛黃當駕馭猶足異駑駘

送完者都同知

元詩選 仲弘集

十五

秀野草堂

來游天子學藉甚有聲華論事依三策藏書至五車姓名題
鴈塔譜牒記龍沙自可編青竹兼宜縮白麻文工金有價貌
美玉無瑕興盡方豪飲篇終不浪誇豈惟吟芍藥曾是賦蒹
葭事莫分難易人須辨正邪月中初折桂天上始乘槎勿待
秋風起宮門聽鼓撾

贈郭集賢

衣冠趨近地藻翰集羣賢給事黃門裏抽毫黼座前佩龜金
作紐賜馬玉爲鞭御酒傾壺滿宮花插帽偏清光依日月逸
思繞風煙記憶踰三篋吟哦過百篇自惟叨侍從不敢廢周
旋秋著隨車獵寒當襍被眠蘇瓌才旣敏陸贄寵尤專自爾
紆皇眷於馬理化絃詞臣方進用才大畢騰騫可念如揚子
蕭蕭獨草玄

寄周御史二十韻

同游河北後共抵浙西初獨倚知心舊翻成會面疎三年仍
契闊萬里更吹噓小子無奇氣先生有過譽見稱司馬賦求
授夏侯書倉卒排歸計淹留著寓居已非與俊逸猶是主癩
疽名士多親我諸公或請予駕言將采芑卽事欲連茹顧爾
傷流矢居然恨倚閭驚心聞杜宇過眼易蟾蜍忽召抽金匱
俄徵論石渠文章殊賈馬謀略匪嚴徐薄技終難效窮愁只
自如尚矜存弊履不肯曳長裾與作棲梁燕寧爲呼轍魚儀
形長日想懷抱幾時攄奏疏聞當宁抽毫待直廬烏臺絃旣
改鼇禁席仍虛馬首何繇見分光興有餘

雲山圖爲茅山劉宗師作

長江千萬里奔浪薄高雲龍現誰能觀猿啼不可聞迂迴因
地勢昭晰應天文劍氣秋如洗珠光夜欲焚連峰俄筍迸斷
岸復瓜分句曲臨東極巖頭有隱君

元詩選 仲弘集

十六

秀野草堂

題康里氏家譜

國受輿圖廣家傳譜牒詳馳聲繇鴈塞拓迹至狼荒轉戰踰
千里來降盡一方奮戈回白日列戟耀清霜破竹收城邑分
茅賜土疆弟兄皆勁悍父祖各雄強相印仍兼綰兵符更迭
藏排衙開萬弩納笏過三牀已及書宗祏還宜紀太常後人
能繼紹千載有輝光

贈魏虛舟少府

西蜀文章伯東吳閩閩家族傳貞觀舊躅繼信陵遐雅度人
難測高名衆共誇爲楨材不小韞櫝玉無瑕鳴鳳占諧吉乘
龍偶契嘉三牀邀納笏萬弩護排衙世賞官仍及朝參寵復
加天顏垂眷顧地肺侈光華緩步方鳴玉高情欲泛槎翻然
歸翠麓姑爾奉黃麻彭澤還栽柳河陽不種花投閑銷日月
訪古略煙霞臚蟻常開宴春魚每看義興來恆放逸賓從任

喧譁閣靜寒珠箔窗虛閱綠紗琴彈多古雅詩就輒妍跨願
作梁間燕徒慚井底蛙執鞭曾莫劬抱瑟敢長嗟戀戀情終
在悠悠道苦賒春風吹去旆翹首又天涯

送丘子正之海鹽

珠生滄海底玉韞碧山中夜氣交明月陽精現白虹有賢兼
重價當代振英風好學由天性能書至國工知名傳冀北作
賦擬河東始欲徵揚子旋聞薦褚公陰符難獨美遺教實爭
雄絕藝雖宜進奇才自不同交游傾上國掄選屬南宮鄧禹
官初試匡衡對漫通海邦終寂寞學館尚穹崇已注千人錄
當成五典功星辰皆在水渤澥信浮空把酒歡何限乘槎興
不窮文章趨浩瀚物態入牢籠子必登芸閣吾方守桂叢索
居彌寡陋荒業孰磨礪弗獲披雲霧惟思對華嵩知音期郭
泰流俗易王充江海從茲逝飄飄任短蓬一作

元詩選 仲弘集

十七

秀野草堂
印堯

送朱仲山歲貢入京

昭代陶淳化多方出異材鳴岐聞鳳鳥清道服龍媒養素稠
山僻觀奇載籍該爲珍如寶璧奮蹟起蒿萊未展垂綸趣初
承勸駕催羔羊填委巷駟馬踐輕埃戰藝鋒無敵搜賢網正
恢上書追偃樂作賦竝鄒枚奮發眞從此游觀亦壯哉雲霄
千萬里瞻望重徘徊

招真觀圖

欲學無爲道來居小有天精神消物怪采色變風煙恬憺知
天德虛無象帝先高風何特達古迹尚流傳地涉鴻荒表山
開混沌前谷幽疑鬼聚峰巧類人鑄疊起三重閣分流百道
泉巖穿雷虎迹石冷逗蛟涎放浪曾無日遨遊未有年古經
披覽罷毛骨爲醒然

寄沈少微金華山隱居

巖前通細路嶺外接危峰梯磴踰千級煙霞過萬重綠崖收
異筴步壑數長松隔屋號朱虎當窗現黑龍薺蘭爭酷烈桃
李角鮮穠隱士多相過仙人庶可逢第能安性命何患改顏
容煉鼎丹砂熟傾壺白酒醲微茫追絕響瀟灑振孤蹤鄉里
宜同好他年必子從

送侯尊師歸蜀

北上關河遠南歸歲月賒飄飄攜短劔杳杳泛靈槎別岸秋
濤掩前山曉霧遮欲攀青桂樹先採白蘋花天道元無極浮
生卽有涯舉杯吞夜月引袖拂晨霞獨跨冲天鶴能追赴壑
蛇祇應投老去長日煉丹砂

春晚喜晴

積雨俄經月新晴始見春蒼苔侵別墅綠水過比鄰性僻居
宜遠身閑景易親無詩掛世累有酒縱天真循圃花粘履憑
闌柳拂巾歌呼從穉子談笑或嘉賓漸喜漁樵狎仍欣鳥雀
馴幽情延薄莫浩思集清晨養拙元非病爲文敢自珍杜門
緣底事作計懶隨人

次韻虞彥高遊陽明洞

憶昔神禹奠九州茲山會計功始休諸侯玉帛渺何許但見
萬水從東流衣冠永閉陽明洞夜聞鬼哭巖之幽珠宮貝闕
號龍瑞天造地設非人謀槎牙怪樹凍不死化作千丈蒼玉
虬丹洞呀然仙人掌裂翠峰巧矣蛾眉修梅梁飛去鐵鎖斷往
往雷雨生靈湫軒轅緜緜神極秘怪海上笙鶴時相投平生閉
門讀史謳子乃揆穴先吾遊明當挾子期汗漫題詩更在最
上頭不妨山水樂吾樂豈有飢溺憂民憂故家喬木尚可求
有子有孫百世畱卧橫玉簫泛歸舟吹散萬斛江南愁

建炎白馬南渡時循王以身佩安危疏恩治第壯與衛縮板
栽榦繇偏裨下錡江城但沙鹵往夷赤山取焦土帳前親兵
力如虎一日連雲興百堵引錐試之鐵石堅長城在此勢屹
然上功幕府分金錢謹聲如雷動地傳爾來瞬息逾百年高
崖爲谷驚推遷華堂寂莫散文礎喬木慘淡棲寒煙我入荒
園訪遺古所見惟存丈尋許廢壞終嗟麋鹿游飄零不記商
羊舞王孫欲言淚如雨爲言王孫毋自苦子孫再世隳門戶
英公尚及觀房杜如君百不一二數人生富貴當自取况有
長才文武公侯之後必復初好把家聲繼其祖

題山石猿鳥圖

萬卷堆中昏欲睡忽見畫圖醒我意眼前崖谷起嗟峨便似
著身遊此地榎榘櫨櫟大百圍奔泉透石辟歷飛玄猿孤峙
憩美蔭下視白鳥娛清暉昔聞虞舜狩南嶽君子相隨化猿

元詩選

仲弘集

十九

秀野草堂
天渠

鶴往時此輩猶爾爲慨想雲林真可樂拔劔斫山山骨露山
鬼呶嚶安敢怒祇今踊躍歸去來莫愁無覓誅茅處

李伯時畫浴馬圖

古稱難畫莫如馬近朝惟數李伯時不至天閑觀帝服如此
骨相何由知頭類渴鳥尖插耳竟度流沙輕萬里圉人牽浴
恆凜然復恐化龍奔入水貧居里巷無馬騎徒步出入多傷
悲大脛薄蹄何足願退立道旁塵滿面

題王起宗畫松巖圖

雲起重巖鬱凌亂長松落落樹直榦若人於此結茅屋爽氣
飄然拂霄漢艤舟之子何逍遙從者偃僂攜一瓢山中無日
不開暇跋涉相顧凌風飈始知王宰用意高使人觀圖鄙吝
消世間未必有此景塗抹變幻憑秋毫丹青遊戲固足樂收
絕視聽搜冥冥向來爲政殊不惡乃爾曾中有丘壑

題華岳江城圖

華岳能詩世有名學畫丹青亦豪放此圖似寫安慶城雉堞樓臺儼相向北風將至江面黑千艘萬艘爭避匿滄溟涌溢水倒流南嶽動搖天柱側蛟龍戲落秋潭底素練平鋪八千里時清好作釣魚翁閑弄輕舟煙霧裏

神馬歌次韻陳元之

神馬來自崑崙西有足未始行沙泥朝趨欲出飛鳥上夕逝直與奔星齊綠髮半散插雙耳赤汗交流攢四蹄風神秀猛陘天地豈顧燕蔡并渠黎時時牽浴臨清溪對人誇殺黃須奚玉沙之禾中芻秣不嚙隄頭枯草稊與君側耳聽長嘶凡馬不聞生馱馱

古劍歌爲吳真人作

閑閑真人藏古劍敬之如神不敢忽賓客時來求一觀輒有悲風起倉卒人言此是金鐵精良工煅煉久始成動搖天地合變化摩蕩日月含光精昔年有蛟起江中口吐烈焰燒長空下民昏溺上帝怒雷電往擊皆無功嘗持此劍斬蛟首流血滔滔浸廬阜傳記傳聞時既久不意世間今尚有吾過下里多惡氛魍魎魑魅能食人請君爲我絕此怪一洗宇宙長清新

題趙千里山水扇面歌

公子丹青藝絕倫喜畫江山上紈扇祗今好事購千金四幅相連成一卷春流漠漠如江湖飛煙著樹相有無嵐光注射翻長虛白玉盤漫青珊瑚追隨流俗轉蕭疎對此便欲山林居旗亭花發酒須沽舟行爲致雙提壺抱琴之子來相須醉歸不省何人扶旁有飛泉出巖隙掣電飛霜相盪激蛟龍不受鯢桓食但見垂綸古盤石人生萬事無根柢出處行藏須

早計一丘一壑儻如斯便可束書從此逝君不見鄭子真躬耕谷口垂千春毫芒世利能沒身汝胡齷齪爲庸人

題秋雨長吟圖

雨暗秋天黑如墨窮居茅屋出不得終日長吟復短吟吟罷令人轉悽惻飢猿抱樹屈肘病鶴拖泥垂兩翼何當策杖過溪頭要看南山新翠色

竹樹圖

荆棘蒙籠迷竹樹亂堆古石蒼苔護縱獵青郊懷舊路躍馬重岡追狡兔箭翎落地無尋處

題溫日觀葡萄

老禪嗜酒醉不醒強坐虛欄寫清影興來擲筆意茫然落葉滿庭秋月冷醉中捉筆兩眼花倚檐架子欹復斜翠藤盤屈那可辨但見滿紙生龍蛇

題墨竹

元詩選 仲弘集

王

秀野草堂
題明

嶰谷陰寒石如鐵二龍僵立露骨節春雷動地萬物活畏汝飛騰衝石裂攢青聚綠生巖幽海濤聲引風颭颭年年三伏林下卧白晝惻惻如淡秋

以上二首刻本
分作絕句誤

宗陽宮望月分韻得聲字

老君臺上涼如水坐看冰輪轉二更大地山河微有影九天風露寂無聲蛟龍竝起承金榜鸞鳳雙飛載玉笙不信弱流三萬里此身今夕到蓬瀛

仲弘詩前輩以宗陽宮望月一首爲絕唱

次韻錢唐懷古四首

江湖清濁自天開鴻鴈鳧鷖與往來黃道星辰環太乙紫雲宮殿擁蓬萊論文競奏王褒頌獻壽浚傾阿母杯九域輿圖今混一百年耆舊獨興哀

斜界鉤陳通大道中分魏闕對層巒雲生殿上金鑪暗露下

庭前五井寒江漢飛龍俄宵宵滄溟泛鷓竟漫漫中天會合
寧非數坐見蒼生奠枕安

山回禁籞入雲長無復陳兵衛兩廂千石金鐘埋野草萬年
珠樹落秋霜龍文不徙陽人聚鳥篆終降軹道旁九市塵埃
來袞袞一江波浪去茫茫

化人宮闕被層阿棟宇高低若湧波翠石文章書日月寶珠
光燄燭山河空桑說法黃龍聽貝葉緇經白馬駢誰謂一無
超衆有只今塵土重來過

題豐樂樓

崢嶸飛構壓名邦西望平湖東望江氣合重玄蒙沆漑標存
九域奠洪龐朝來散霧縈朱棋夜後流星透碧窗倚徧闌干
愁目眩飛鳶旋轉故雙雙

水樂洞

元詩選 仲弘集

五

秀野草堂

石林求路轉磬牙來訪香巖大士家雨過門前生薤葉風行
隴上落松花懸崖滴水鳴金磬激澗流泉走玉砂欲適山林
去城市久知寂莫勝紛華

題拱北樓

殷地鼓鞞迎日出倚天梁棟與雲浮北瞻帝闕三千里南控
臣藩二百州江海無波沈罔象旌旗垂野駐貔貅鸞迴麗榜
多波意繡袞于今有魏牟

次韻羅雲叔紅梅

玉人中酒帶芳華盡壓東風百種花襟被冬浚裁異錦篝燈
夜永障輕紗纖蕤露沁蜂腰蠟密藥雲蒸鶴頂砂爲問閩風
何處在相期高舉籟晨霞

紀夢

海上垂綸有幾年平居何事夢朝天蒼龍觀闕東風裏黃道

星辰北斗邊治世祇今逢五百前程如此隔三千揚雄解奏
甘泉賦應有聲名達帝前

次韻陳子仁黃河二首

禹功疏鑿過憂勤海內山川自此分元氣渾淪通地脉孤光
迢遞貫天文母金伏礫秋逾盛陰火藏淵夜不焚多少魚龍
爭變化總歸西北會風雲

一作萬里窮源何日
遂片帆西上破留雲

陰陽爲沴黃河溢北度艱難擁萬艘齊楚百城防雉堞淮沂
千里避鴻濤耕鋤已失天時正流徙爭依地勢高此日朝廷
憂水患須明利害策賢豪

望海

海門東望浩漫漫風颶無時縱惡湍黑霧漲天陰氣盛滄波
衝日曉光寒豈無方士求靈藥亦有幽人把釣竿搖蕩星槎
如可馭別離塵土亦何難

元詩選 仲弘集

秀野草堂

送羅雲叔歸山中

黃石山原風物幽賤子往年曾一遊舊行樞柘已成逕新藝
禾麻應滿疇馮衍能忘白首歎謝安須爲蒼生憂餘杭溪上
明日發愁殺楊花吹客舟

畱別京師

囊衣託載道傍車人事息息欲徂風雨四更雞亂叫關河
千里鴈相呼蕪菁散漫根猶美桑柘蕭條葉漸枯却向一作上高
丘重回首五雲繚一作飛繞帝王都

簡浙東萬戶蕭伯善

擇帥中軍自古難獨分符節守藩翰夜鳴鼓角溪山靜曉豎
旌旗雨雪乾不待埽門知魏勃豈須彈劍識馮驩祇令四海
無征戰萬卷詩書好厭觀

贈同院諸公

詔編國史有程期正是諸郎僂直時虎士守門宮杳杳雜人
傳箭漏遲遲窗閒夜雨銷銀燭城上春雲壓綵旗才大各稱
天下選書成當繼古人爲

玉堂夜直

直廬歲晏動羈情朔雪將飛覺夜明金井轆轤哀響絕玉階
甌甃斷紋生薛花莫辨浴牆迹松葉時聞委砌聲媿以不才
同制作諸公此日負高名

寄維揚賈侯

經國長才世豈多羣邪嫉正奈公何氣蒸雲霧藏喬嶽聲轉
滄溟放大河遠迹江湖猶棄絕驚心歲月屢消磨鷗鵬自有
垂天翼肯逐飛鴻入網羅

寄康大夫

遙想瞻帷出郭時先驅十里走旌旗青山落日蒼茫暗白水
秋風慘淡悲勁矢每隨前隊發清笳偏逐後行吹荊州未覺
風流遠縱飲還應到習池

寄袁伯長

幾年簪筆侍明光直取才華補衛郎祀事悉稽周典禮頌聲
須假漢文章雲垂迴野鳴鞘遠月滿高城下漏長校獵合祛
尤盛事願聞作賦擬長楊

東湖四景爲大尹本齋王侯賦四首

朝來千騎出城闌爲向東湖踏早春素練纂林雲氣薄明珠
穿草露華新山花獻笑開簷畔海鳥忘機戲水濱記取當年
賢太守及時爲樂與斯民

夏月湖中爽氣多南風疊疊捲長波漁人舟楫衝蘋藻遊女
衣裳擘芰荷膾切銀絲嘗美味腔傳金縷換新歌使君用意
仍淡遠卽此光華豈減磨

暫停塵蓋擁輕舟。此日湖山屬莫秋。采采黃花登几案，離離紅樹散汀洲。傾壺浮斝杯頻竭，下箸鮮鱗網乍收。莫向錢唐誇往事，白蘇未許擅風流。

雲氣低藏十萬家，東湖飛雪又交加。玉禾舊布仙山種，瓊樹新開帝所花。別浦移舟聞過鴈，高樓凭檻見歸鴉。侯門似有相如客，賸賦篇章與世誇。

卽事

禁城曉色清如水，高下樓臺錦繡中。千樹好花連上苑，百壺美酒出深宮。珍禽競集高林霧，寶馬爭嘶橫岸風。人物此時俱盛極，兩都絕勝漢西東。

次韻伯長待制

揮鞭遠過御溝斜，出院時時見暮鴉。已入玉堂同視草，還趨瓊砌共觀花。獸爐香繞窗前霧，蠟炬光搖帳底霞。此去天津

元詩選 仲弘集

玉

秀野草堂
丁貞

元不隔何須八月泛靈槎

送薛玄卿歸龍虎山

金門詔下羽人歸，欲向山中採薜薇。琥珀懸崖松樹老，琅玕倚澗竹根稀。高巖蓄雨星辰溼，古石懸雲逕路微。養性可無軒冕累，遊塵元不浣仙衣。

春雨

濛濛春雨暗重城，莽若山林雲氣生。駕過東朝霑羽蓋，仗移前殿溼霓旌。蒼松密掩巖頭鶴，翠柳深藏谷口鶯。明日不愁花爛熳，新晴陌上有人行。

題火涉不花同知畫像

堂堂玉立照青春，昭代由來重世臣。帶納掖庭聯衛士，分符江徼總編民。鷗鷺裘煖鳴鞭疾，翡翠簾深翦燭頻。州縣三年姑少試，驅馳休厭屬車塵。

次韻黃子久中見贈

解組歸來學種園樓遲聊復守衡門徒憐郿隴開金穴欲效
寒溪注石尊世故無涯方擾擾人生如夢竟昏昏何時再會
吳江上共泛扁舟醉瓦盆

懷錢唐故人簡應中父

幾年流滯客京師每憶江邊話別離落魄已甘心似鐵蹉跎
無奈鬢成絲草玄思苦無人問彈缺歌長只自悲滿目寒雲
飛去盡倚筇獨立更多時

寄吏部張尚書

復喜清朝用大賢玉音俄對廣庭宣姚崇已託君臣契李泌
終操將相權此日經綸須展布他時簡冊要流傳淵明有待
公田米可念江湖久棄捐

題謝疊山遺墨

元詩選 仲弘集

三

秀野草堂

荆南失守見亡形太歲徒聞忌丙丁羸老扣心天藐藐鬼神
號哭夜冥冥忠臣效死招烏合烈婦捐生報雉經辭氣凜然
遺墨在再三尋繹淚雙零

寄題成都萬竹軒爲李仲淵作

君家種竹蜀江旁高與蠶崖勢頡頏已樹旌旗分部曲更鳴
琴瑟應宮商蛟龍併逐波濤化虎豹曾因霧雨藏兄弟至今
俱宦達未應開逕接求羊

送范德機

往歲從君直禁林相於道義最情浚有愁併許詩頌和已醉
寧辭酒屢斟漏下秋宵何杳杳窗開晴晝自陰陰當時話別
雖怱遽祇使離憂攪客心

雷江阻風寄池陽通守周南翁

繫舟江岸隱蒲蘆坐聽高師制疾徐巨浪駕空龍出没猛風

吹樹鳥謹呼詩題短札難頻寄酒滿長餅已屢沽輦道沙乾
宜竝馬問君何日宦京都

點義倉卽事

南來受命佐爲州喜遇豐年暫出遊過嶺崎嶇尋道路上山
磽确治田疇修藤挂樹龍蛇走怪石攢溪鴈鷺浮賦役已寬
詞訴簡素餐無補謾優悠

再次韻張秋泉真人碧桃

一枝如玉照芳春幾度憑闌欲帶人翠被夜寒愁灑淚珠簾
月冷怕傷神劉郎陌上栽仍舊王母池邊賞又新不是梨花
飄雪樹望中清絕更無倫

寓長春道院春雨卽事呈鄭尊師二首

南榮相距數尋間滿地春泥隔往還夜雨暗添籬脚水曉雲
濃揜樹頭山修篁夾徑宜增植細草侵階莫謾剛世慮紛然
無止極敢求大藥駐衰顏

元詩選

仲弘集

七

秀野草堂

高元

客遊無賴阻重陰院落蕭條逕術淡數畝林塘觀不厭一窗
風雨坐相侵靈蚪尚有蟠泥迹老驥寧無越塊心多謝西家
賢太守相招樂飲費千金

題沈君湖山春曉圖詩卷

地運沙隄接畫橋東風楊柳暗長條鶯隨玉笛聲偏巧馬受
金羈氣益驕舞榭歌臺臨道路佛宮仙館入雲霄西湖春色
年年好底事詩翁歎寂寥

舟次池陽借通守周南翁燕表姪陳和卿家席上贈

歌者

故人相見話綢繆三日江干繫客舟高燕未闌明月上艷歌
初轉彩雲畱光搖崖蠟寧知夜字寫邊鴻已報秋底事尊前

能盡醉爲伊眉展翠眉愁

贈惠山聖長老

道人卓錫向名山，路絕巖頭未易攀。
海上潮來風浩浩，洞中雲出雨潺潺。
松栢直起參天碧，苔蘚旁行匝地斑。
藉甚後人蒙法施，有如流水注蒼巒。

贈孫思順

天涯相遇兩相知，對榻清談玉屑霏。
芳草謾隨愁共長，青春不與客同歸。
薰風池館蛙聲老，落日簾櫳燕子飛。
南浦他年重到日，湖山應識謝玄暉。

此詩風雅作趙子昂體要作楊仲弘

寄曹雲西

羨君卜宅遠紛龐，長把絲綸釣大江。
秔稻色枯雲慘慘，芰荷聲急雨淙淙。
消磨歲月書千卷，傲睨乾坤酒一缸。
甫里當年遺帙在，交鋒那肯豎幡降。

送戴尊師入越

元詩選

仲弘集

天

秀野草堂

躍馬年年塞北遊，春風此日送歸舟。
山中樹老飛玄鶴，江上莎長卧白鷗。
欲與謝公同隱逸，肯容賀老獨風流。
山陰道士如相見，沽取邛醪醉未休。

此詩元音體要俱誤作趙孟頫松雪集中不載

賦飛鴻送胡則大

年年客裏見飛鴻，成陣成行上碧空。
杳杳江湖尋故侶，蕭蕭蘆葦下新叢。
翱翔已出雲霄上，飲啄寧來沼沚中。
今日似君歸去好，扁舟一夜起東風。

次韻蕭君用

崔嵬出水翠雲浮，舁轎拖舟豈厭遊。
澶漫渠河方涉夏，蕭條竹樹已迎秋。
銜杯興盡人先醉，舞劍歌長客易愁。
八月江湖翻渤海，長竿更約與君投。

遣興

庭樹號蟬日已涼，寒雲橫鴈夜何長。
扶書萬里干明主，仗劍

三年別故鄉西北諸山連朔漠東南衆水隔荆揚淹留不去
慚蘇子莫遣貂裘厭雪霜

湖上

秋郊縱步却驂驪勝事能多許客參如雪萬家收早稻未霜
千樹著黃柑鼉鳴海上潮先湧猿叫山前霧欲合放浪漁樵
元有處使人猶愛住江南

偕汪侯宴舟中

中流畫鷁獨翱翔暫勒鳴騶駐岸旁風引錦帆衝野色波隨
蘭棹泛晴光草涵宿潤珠璣滑麥漲春雲餅餌香何事乘槎
之海上問津從此達天潢

莫春遊西湖北山

愁耳偏工著雨聲好懷長恐負山行未辭花事駸駸盛正喜
湖光淡淡晴倦憩客猶勤訪寺幽棲吾欲厭歸城綠疇桑麥
盤櫻筍因憶離家恰歲更

元詩選 仲弘集

三九

秀野堂

題胡伯衡飛雲圖

未應時命固相違千里遨遊久不歸已占龍頭承紫詔更勸
馬首賜朱衣塵沙客路牽愁遠泉石家鄉入夢稀日夜思親
心更切滄浪悵望白雲飛

吳山晚眺

山椒翬構四垂寬上相旌旗會覽觀傍近江湖天廣大上連
星斗地清寒龍宮永鎖函書闕鳳嶺重嗟苑樹殘此際獨無
雲蔽日正宜翹首望長安

遣興

門前高柳綠紛紛戀靄留煙晝不分雨砌芳菲晴後見風窗
言語靜中聞桐花可作鳳凰食竹葉還成虎豹文但使此心
無外慕卜居何用絕人羣

夏夜對月

暑天煩倦唯酣寢薄莫登樓起宿痾簟報新秋涼意早窗開
永夜月明多不眠孤鶴頻驚叫好事流螢屢見過安得泛舟
江海上坐觀冰鏡落滄波

題高尚書竹石

矯龍疑蒼筠踞虎肖白石儻乘風雲會變化那可測

題墨竹爲鄭尊師

風味旣澹泊顏色不斌媚孤生崖谷間有此凌雲氣

客中卽事四首

漸覺星星兩鬢皤推愁不去奈愁何客中忘却春光度驚見
前林嫩竹多

終朝矻矻坐書帷春去春來總不知怪得山禽如有意隔窗
撩亂踏花枝

元詩選 仲弘集

三

秀野草堂
韻所

幾日懸懸雨不休客窗孤迥使人愁杜鵑啼切知何處坐對
雲山萬木稠

美木千章繞故宮如煙如霧塞虛空路衝南北山岡斷披拂
能來萬里風

悼鄰妓二首

西子湖邊楊柳花隨風飄泊到天涯青春遇著歸來燕銜入

當年王謝家

此一首體要
作揭奚斯談

一種腰肢分外妍雙眉畫作月娟娟春風吹破襄王夢行雨
行雲若箇邊

二詩鐵崖採入西湖竹枝詞序云我朝詞人
能變宋季之陋者稱仲弘爲首而范處欽之

沙鴈

漠漠寒煙樹影微一行沙鴈背人飛江南江北秋將盡客子
如今猶未歸

扇上竹

種竹何須種萬竿一枝分影亦檀欒秋宵更受風披拂聽取清聲入夢寒

次韻康子山舍人二首

兼旬風雨氣寒涼院落幽澆草木長却喜今年多夏果碧苞丹實滿林香

欲賞秋花色已涼碧雲散盡楚天長姮娥舊種無多樹何故人間有此香

到京師

城雪初消薺菜生角門澆巷少人行桺梢聽得黃鸝語此是春來第一聲

送人二首

客路逢春雪乍消眼前愁思轉相撩垂楊染作黃金色舞徧東風萬萬條

元詩選 仲弘集

三

秀野草堂

天崇

金溝河上始通流海子橋邊繫客舟却到江南春水漲拍天波浪泛輕鷗

畫竹石

林前怪石起參差篁竹叢浚使客疑如過瀟湘江上路鷓鴣啼罷日西時

宿浚儀公湖亭三首

夜宿湖亭水氣涼四更風露溼衣裳空濛霧重前山暗屋角斜明是月光

兩兩三三白鳥飛背人斜去落漁磯雨餘不遣濃雲散猶向前山擁翠微

幾年鄉夢隔江湖此日登臨興不孤小艇欲行無遠近不愁歸醉要人扶

題十二紅卷子

碧桃枝上有珍禽調舌交交聽好音畫出江南春意思明年
攜酒共追尋

喜晴

樓外斜陽放晚晴街衢前後聽歡聲迴舟更倚南風順千里
青山照眼明

紀夢二首

四面青山擁翠微樓臺相向闢天扉夜闌每作遊仙夢月滿
瓊田萬鶴飛

紛紛鸞鶴滿虛空耳畔如聞度海風直上雲霄千萬里此身
飛入紫微宮

用韻送德陽入越爲贊督

輕霞薄霧詰朝晴岸柳江梅著樹明更向若耶溪上聽旁人
歌唱盡春聲

次韻雪

研光帽子舞山花吹落曾城萬勿斜安得颺輪爲我駕一時
飛到列仙家

陽關圖

咸陽西距玉門關萬里征人憚往還此別尊前須盡醉相逢
俱是鬢毛斑

喜晴

檐外喧喧雀報晴夕陽猶照小窗明迴舟更倚南風順要聽
田家打麥聲

范經歷序

樽字亭父一字德機臨江清江人家貧早孤刻苦爲文章人罕知者年三十六辭家北遊賣卜燕市薦爲左衛教授遷翰林院編修官出爲嶺海廉訪司照磨歷轉江湖湖東遷充翰林應奉改閩海道知事移疾歸徙家新喻百丈山天曆二年授湖南嶺北廉訪經歷親老不赴其明年以母喪哀毀卒年五十九德機癯然清寒若不勝衣而持身廉正爲文雄健追慕先漢古詩尤好爲歌行工近體藹然見忠臣孝子之情焉吳文正嘗以東漢諸君子擬之人稱文白先生所著有燕然藁東方藁海康藁豫章藁侯官藁江夏藁百丈藁總十二卷揭曼碩序之以爲虞伯生稱德機如唐臨晉帖則終未逼真改評之曰范德機詩如秋空行雲晴雷捲雨縱橫變化出入無朕又如空山道者辟穀學仙瘦骨峻嶒神氣自若又如豪鷹掠野獨鶴叫羣四顧無一人碧萬里差可彷彿耳德機詩學廬陵楊中伯允得其骨郡人傳若金與彌得其神皆有盛名於時歐陽原功曰宋東都時黃太史號江西詩派南渡後楊廷秀好爲新體宋末劉曾孟出於廬陵而詩又一變我元延祐以來彌文日盛京師諸名公一去宋金季世之弊而趨於雅正於是西江之士亦各棄其舊習焉蓋以德機與曼碩爲之倡也

送張鍊師歸武當山

張君瀛洲人來作武當客始來武當時祇著謝公屐弟子百數輩稍稍來服役誅茅立萬柱空中現金碧辛苦三十年夜卧不側席以之律鬼神故亦如短墨元年踰冬旱失火燒四國野谷方焦燉六月幾旬赤朝廷亦不愛犧牲與圭璧僵巫

暨億史歌舞無消息君時待詔來公卿初不識一朝傳天語
問以濟旱策君云臣鄙愚造化非所測陰陽有開閉此實智
者責公卿復致辭物生今孔棘已勅京兆尹取足輸粟帛此
如解倒懸祀事惟所擇君聞猶固讓心實內憂惕飛章白玉
闕瀝膽殫悃悞臣實才淺黜臣實學迂塞臣有一寸心願輔
后皇德后皇本愛民民今旱爲厄或者罪有由皇亦重開釋
祈謝各有方呪禁各有式上堂薦明水下堂考金石夜分請
命旣昧爽大施設爲壇東市門經紀法靈冊庭中玄武旗飄
飄墨黍一作水黑君臨一揮手怒髮上霄直指麾東方龍卷水東
海側指麾西方龍卷水略西極北南暨中央各以方率職某
日某甲子漏下五十刻我在壇上伺不得忤區畫豐隆與飛
廉列缺與辟歷汝將汝風馳汝遣汝雷擊汝雲馮勿漓汝雨
必三尺汝不從誓言不畏上帝勅至期果響答動盪七日澤

元詩選

德機集

秀野草堂

常時人所難君若不以力公卿奏天子是必有褒錫可以寵
號名可以蕃服禡君曰天子聖卿從誠所格臣敢貪天功況
乃歸計迫昨得山中書至自青溪宅向來百弟子遲歸在朝
夕噉時冬序半霜下木葉積明當課斬伐結構西巖壁山田
晚報熟芝朮及採摘獼猿長如人夜夜盜柿栗隄防苟不豫
六氣盡蝨賊公家事旣已私事容棄擲方知用世士遺世等
糠粃所過如虛空焉知去畱迹我持一瓢酒欲以贈遠色歲
莫不見君悵望空中翻

奉同元學士以落月滿屋梁猶疑照顏色爲韻賦贈

鄧提舉之官江浙一首

青天青如石星辰何磊落適見北斗高忽復滯郊郭感此流
電驚行邁孰爲樂況值杪秋令清商動涼幕芳燕候朋親驅
車背河朔登高望四野下田畢新獲於時不同賞惆悵睇雲

岳古人有云然未契重交託託契自有初相晞在結髮請持
交龍鏡比似空際月昔月三五盈今夜三五缺月盈自有時
後君采薇蕨采薇陟崇岡空筐不易滿季女懷朝飢日下光
纂纂豈無機杼思十旬義一澣含悽就經緯意長絲緒短路
逢相識親要入鮫人館泣下仍成珠更苦哀歌緩緩歌浮雲
停急歌流水促水流亦有宗雲散復成族踽踽行路子離居
振羣肅會合寧無期載感時運速晨風懷苑林玄鳥辭華屋
明發念飛蓬秋聲浙江曲浙河名山水在昔最餘杭浩浩負
海區地絕川無梁執玉夸禹會帶甲宣吳疆慨彼仁義都風
俗殊興亡未代綴繁會周衢沸絲簧聞之虛廟闕斷雨生蛩
蟹幸及九域一四民

一作海

樂時康游歷須慎重勿用多頌傷矧

茲握新命出布堯文章雖當日月遠足昭雲漢光凄其金氣
厲嘉實方斂藏楊柳卧枉浦蒹葭委嚴霜物情各有歸我獨

元詩選

德機集

三

秀野草堂

甘典

不得將仰視雲中鴈肅肅俱南翔雲鴈明天中回首顧齊州
沙嶼重綿互竟復少遲畱欲知鳴鴈心黍稻非終謀視彼羣
飛者矢心良不猶不猶將謂何豈復不如茲明年擇聖蹈既
往無復疑譬之騁蹄駒昂藏養雲姿下乘歲百駕逸足誠歸
誰伯樂偶竝世當受知者知長鳴待儔侶首路復安之所之
在東南斷水列風嶠至人遺吏隱出處惠兼妙干莫居匣中
千年逸神耀一朝持入手未言心相照照之千里外如在咫
尺間明夜夢見君怡怡越河關惜去不須更念來亦循環古
時岐路人何用涕潛潛景巖草木斷虎豹啼空山方冰先春
水野飯維清灣買鰻斲魚鮮甫謝金鸞班此行竟遂媁亦慰
親友顏天日埽煙岫日夕飛禽還山中桂樹多庶爲故人攀
攀花貽遠道洵美道中輒若復無相忘報之雙白髯美人如
芙蓉偏浦無相識舊交日已違新交當日得各自有殷勤初

不在容色俯水愧遊鱗仰空慚飛翼眷言執手地歲莫霜霰
迫踟躑復踟躑悽惻重悽惻

貽李述魯種編脩

悲風動日夜游子絕河山一別十年流四方幾時還憶子旅
江外過余撫林蕭曉色竹庵霽春容杏闌珊瑚陽坡鳴赤雞陰
館來白鷗文義相剖析宴歌亦循環吳星逐夢變楚月帶愁
彎自來燕薊中相望漢沔閒初傳教下郡或道釣清灣起居
雖未悉聲聞已難攀明聖御八極震驚折羣姦登賢彌制斷
進士嚴刊剛倒澤起游泳搜空集翻翻斯時麟見郊絕世驥
在閑豈期脫布衣復得聯朝班始疑迹異方卒見意俱閔惟
此冰雪壺近當雲霧關紀載竹帛藏潤色絲綸頒儲才藏地
闕抽思刮天慳固當讓俊逸焉得委疎頑物化豈堪玩仙栖
庶可扳寤寐在靈嶽徬徨愧塵寰碧草蒙澗吐青霞冠雲鬢
長生願不負竟往事無艱常聞羽人言頗落俗士顏早伐九
節杖倚之聽潺湲

元詩選

德機集

四

秀野草堂

蒙恩供奉翰林未行改佐閩幕自豐城便道取疾絲
撫過旰與郡守薩侯會約尋麻源不果明日別旰

暫遠雲霞觀却希山水音珠星聯極下霹月動江濤始集寶
氣亭復趨金晶岑馬飲樹連澗猿啼風滿林揚瀾思汗漫睇
嶺寫嶽峯輟權更垂釣推書時弄琴石門生夕景麻源籠曉
陰是郡遇賢守佳致契幽尋樽俎迫清好絃歌彰古心郡中
宜鳳集泓下或龍吟頗愧塵務逼還爲旅病侵一行混吏軌
千載負國瓊卽往事莫究於茲念方澗姑山如有意遂許一
登臨

由海昏入武寧道中

登高勢欲墜踰險心始領戒想適其恆經過何由騁洩雲行

崦杉零露浥澗茗玄蟬振山淒白鷺團沙整久盼歸舟近況
懷垂釣永豈不畏嚴程無因攪流景煙霞蘊至樂歲月啓澗
省百丈有幽期眷茲心耿耿

九日報熊敬輿

羸疾卧江濟承恩慰高秋木落鴈階淨天朗氣暄柔便了晨
光中授我雙螭蟬呼童敬薦之風味宜南州憶昔客燕薊白
雲從方舟於時見此物千錢三十頭打黃試新羹爛醉天市
樓一日食一百更爲明旦謀三日困暴下傳笑諸公侯此邦
誠罕見初出一作市愈難求矧當浮萸日傾道俗如流厚價得兩
螯持之比琳球物有少爲貴感事重綢繆奈何雷同者政復
多優游欲折黃金花報君向滄洲此花苦未發少待歲寒酬

贈安西王提舉別

車聲何軋軋去我亦翩翩借問車中人幾時到秦川秦疆數

元詩選

德機集

五

秀野草堂

天泉

千里西與雲棧連行人秣馬過猿啼上青天長安古帝州宅
土腴不偏聞君答平昔宦游祇晏眠十齡涉文史十五懷家
擅二十學壯游五十綴朝聯奉常老掌故今已二十年功業
晚何就蕭蕭髮垂肩天子念逢掖錫官頗靜便紫衣縮黑綬
此是車中緣飄飄上都門白馬錦連乾舉案招青山孟光老
猶賢大兒坐車軒小兒調馬鞭中兒又絕好國語荷珠圓旦
夕俟君至買舍清渭孺此皆足慰意日食官俸錢俸錢足養
親親自有圭田人生慕富貴富貴翻受憐不有鐘鼎食亦無
膏火煎前日三市事目擊心凜然當時氣凌人不得呵烏鳶
觀君浩蕩去萬事當棄捐孔子不西行及河軌再旋今君涉
河流西路方縣縣終南與嵩華是中多神仙仙掌出浮雲上
有三峰蓮真人玉拄杖挂在明月弦便當往從之吸月升太
玄金鼎交龍虎使我神貌堅奈何二三月百憂集離筵空花

如錦機野色相交鮮楊花亂愁思萬條散青煙我不酌美酒
敬讓故人先搥碎琥珀盃獨灑春風前春風澹無言徒以別
慮牽別亦無所慮所慮應當宣願及相思時中腸鬱糾纏爲
吹雙紫燕銜書到君邊矯矯蕭蕭徵君珠貝藏龍淵一別如列
星隨天夜移躔鳳有五色瑞時下岐山巔請君問起居歸來
定何年

宿夏莊

陰晴知何如開戶月滿地主家種長榆竟夕薰風至半生朝
市蹤頗負山林意及茲登覽餘亦復纏世累疎籬臨大道嘶
馬駭童稚衆卧復離披躊躇獨無寐江山轉寥寥星斗亦聯
綴丈夫十載間豈獨鉛槧事

贈方永叔往教重慶路

汲水得明月倒影上青天客行三十年未識蜀月圓中宵夢

元詩選

德機集

六

秀野草堂

巴蜀秣馬辭燕服成都雖云遠未到意已足遠意不可期宿
夕宛見之雲迷飛鳥道雨急卧龍祠干戈何草草祇說渝州
好但得渝州官甘就渝州老渝州古雄城彭君舊建旌至今
江石上猶有古時名豪傑世已矣空城俯流水復有江東人
來教渝州士方侯天機深大雅託遺音沈潛萬夫敵脫略五
湖心翩然別我往長揖仙人掌疾風吹大旗落日明斜舫卽
此少相知相知長恨思巫山桂樹發折寄定何時

送吳真人持詔寧親

垂楊十二門旦旦羅鳴騶千騎萬騎中孰是違世儔美哉吳
夫子脫灑住丹丘氣涵羣象動思與萬物周天馬出名駒逸
態橫九州自從下地走但飲星河流明月落中江倒影射斗
牛飄然持玉節去犯蒼山稠紫鳳把細華逶迤仙巖陬遂經
三茅岑已登閣峰頭還家拜封君玉冊珊瑚鉤笑問游子衣

不獨五色優門縣朱雀於坐擁金明裘開筵泥芳醴魚觴進
庶羞承顏開淑訓慰爾道路修爾歸奉天子萬歲更千秋番
君大國壽賀老清湖愁煙水三萬頃宮袍在扁舟荷花合古
渡此處不夷猶雲錦雙鴛鴦悠悠戲汀洲東風長年來揚我
闌檻幽白馬絡金羈奈此甚盛休儂家閣峰下霞竹敷稻疇
鶴集偃松雪青雲互綢繆自從于戈餘川岳秋蕭騷骨肉倚
四海風雲擾吟謳聞君復此去浩蕩懷今遊罷酒黃鸝鳴高
花艷城樓良辰難能別嘉會易爲酬至樂夫子行子行無滯
畱

散步還南軒

幸自塵鞅絕起游欲何之江遠夕氣澄開軒納新詩莎雞振
陽砌蠨蛸結陰池珊瑚修木靜宛宛好風遲一作馳桃杏競秋園
旋隨時草萋寧不悅生植肅殺乃其宜于斯見發育及淩霜

元詩選

德機集

七

秀野草堂

甲北

露思嵇康本達節竟受薄俗嗤慢哉東方生嘲哈得吾師

度澤過關山

單車度大澤有似游梁山初飛鴈鶩徒辱在葭葦間季冬陰
風盛雨霰紛紛珊念我離大府行役何時還朝臨昌邑浦夕
指番禺灣衝泥赴農邨老屋夜不關然薪設供帳風味猶百
蠻蒸烘溼衣裳徒御相迴環極知道路難猶念奔走艱傳餐
逮明燭飢渴未容慳春和理稅駕且以慰衰顏

古干將

矍矍古干將經世不再見豐城匣已空龍亦久當變百怪日
夜出思爾一斷割裝佩美紛紛不爾真百鍊又恐百怪飛翻
著他人身麒麟或失所題題氣益神不如且淡藏慎勿干星
辰我歌干將行庶爲君子陳

和答楊茂才

始我南山居與子共朝夕服事子尊君德義謫夙昔焉知二十載萬變如頃刻漁釣負平生浩蕩隨所適進慚負官義退愧尋幽迹而此山水間時勤問消息夜淡款巖扃蘿月在屋翼清言溢前聞子學日有力世好將未忘相資庶有得

二杏 甲寅

北鄰杏一株身作龍盤擎直上青天中虛空高結花南鄰杏更好枝幹相交加三月二月時市地堆紅霞自我來京城寄居諸公家其地僻且阻茂樹繞窗紗亦有桃與李盛節爭豪奢雖富無可人紛紛亂如麻晚遇此二杏突兀超塵沙嘗時好客來立旆遙咨嗟欲去復顧戀往往至日斜我昔直詞館羸馬道路賒晨往昏黑歸無由領其嘉今我已投散終日猶枯杳朝莫出見之百市虛簷牙而我又將去何緣報繁葩誓言將適南郡辟地江之涯種此一萬樹漫漫被荒遐花成實給食收拾歲盈車此事亦易集但恐君疑誇

谷口散暑

谷口月未上漁火出橫塘門前面稻畦毒暍雜風篁童艸弄山墅今茲白髮長新歸稍結構日俟江海涼琴書散衡宇藥物布滿牀謝告未緣衰以疾不得將維時仲夏半織女當西堂常恐梧桐樹落莎雞戒衣裳平生荷未志經歲失豐穰此行庶無負海內膺時康

登石城驛亭

南游未是謫北行不當歸今旦陟崇岡飄飄風吹衣始我在京時雙闕凝秋暉別來守窮海故國音書稀竊祿滋愧負何時親柴扉胡不依白日去卽能如飛驛樓俯平川其下白雲圍雨餘足稻梁可以信豐饑去去道路遠王事母稽違

饒國吳氏晚香堂

大江秋似練，楚樹落清曉。巖際不逢人，翩翩數歸鳥。饒君庭
宇靜澗水，黃花繞爛錦。照天朗繁錢，承露小何當。鶉鳩鳴誤
識春事了，焉知歲寒姿。獨立西風表，乾坤有清氣。欲未易
少搖落，莫春期美人煙霧杳。

將赴江淞大府校進士試會疾止建安驛上後山東
眺郡城作十二韻

青雲建安郡，人物故鍾秀。承旭開芳樹，凌虛列遙岫。溪聲涌
夜長，石角吐秋瘦。漁沙府圖讖，仙室川浸漚。征塵汨炎毒，服
事彌奔奏。淡淡鴻鵠舉，蒼鷹隼候。山英茗在淪，館飯菰登
豆。勤渠相國誼，忝竊大夫後。顧惟論賢能，奚取推寡陋。吾欲
救五丁，雷電激宇宙。疾飛移萬壑，及此洗昏疚。起爲梅子真
南崖埽丹白。

八月十五日公堂讌別作

元詩選

德機集

九

秀野草堂

卮虎

悠悠我行邁，去此粵山端。遲明駐征車，爰盡公堂歡。開顏俯
城郭，簫鼓集儀鸞。謂欲戒醉飲，重此良辰難。關門集會府僚
友，竝征鞍。更辭無別語，但祝長加餐。役者四五人，相從出林
巒。亦復路傍泣，豈獨殊肺肝。况我離慈母，朝莫偵平安。送行
各如許，焉得不辛酸。

秋日海康齋居

吟事久已落，茲晨遇高秋。泠泠空中籟，襲我書帷幽。如何寒
暑疾，徑與大江流。江流不復轉，歲月已還周。遊子去京華，邈
在天盡頭。胡鴈不踰嶺，眷眷非良謀。排雲挹飛觀，金爵露光
浮。在遠心所仰，胡爲滯滄洲。茅屋足花草，洵美難久留。苟能
一吾志，斯道將何憂。

曉出西郊

自春已及夏，歲籥寤中更。平旦西郊道，始聞啼鳥聲。川晴樹

氣嘉夕露枝條盈西峰近在眼白雲夾路生一從違夙昔好
懷鬱難并未知高世意忽復何以營屠狗與漁釣俱足成大
名卓哉箕穎客使我抱溪誠

登西山頂還方澗作

弱質有貞向依依在物表謬當城闕隘放意窮昏曉晨興理
良轡啓途慮已悄悄白日滿澗阿林虛答鳴鳥幽尋晚適遇頗
覺知者擾俛仰古人迹達生未爲少緬彼高翔禽凌空自鷲
矯

秋江釣月

秋江明似鏡月色靜更好之子罷琴來蘿徑初尚早衆峰更
滅沒橫笛隔幽島我船爾棹歌絲綸蕩浮藻潛魚却寒餌宿
鴈起夜縞離離不可招白露下煙草高風桐廬士俊業渭川
老同是釣魚人那應不同道把酒酌清輝如何答穹昊

元詩選

德機集

十

秀野草堂

郡中卽事十二韻

僭耳九州外邈然在南荒周回數千里大海以爲壘古來非
人居禽獸相伏藏自從中世來貢賦登明堂其或失撫馭山
藪更陸梁聚則成蜂螳散卽驅牛羊高結舞大鹵上衣不備
裳殺戮乃酬勸誅之仁者傷吾嘗七八月持節泛滄浪一句
錄郡獄詢事考纖芒問之守郡人莫識爲治方但見西風多
靡宇秋蕪長聖哲戒忠信勿謂不足行及茲蠻貊邦始見斯
道臧

清江楊登云文白先生詩性情所宗一
以少陵爲歸海外諸作杜之悲壯也

出甘蔗州

清雨氣候變移船孤石灘已行千里餘始驗初冬寒暫解霧
露毒稍知江山寬新人異言語故事同憂歡思昔夏后氏封
建天南端伯業起句踐世遠子孫殫無諸佐大業遂作漢王
官身受閩君策白日海澄瀾至今崇臺上列戟絢衣冠古來

樹名節於此事常難惟有精英在青霄明羽翰

晚登南樓眺烏石九仙方山諸峰

自來閩中郡僑寓公宇偏身病縻服餌單居日如年憲署歷
三試愚庸寡所宣茲行臨辟道黽勉以周旋日夕登高臺遙
盼四山川山川亦云美宜與萬念捐慈幃隔江關穉子日媚
媚連夜夢新堂嬉戲在我前祿食無寸補遠遊何當還東風
號陰澤此土候氣先草木相衰榮已復爭碧鮮思及方春時
買船向邵延長歌蕩暄景吹笛玉臺煙行止欽聖訓義著良
象篇此豈不在人虛心以勉旃

四月八日訪閩粵王無諸古城遂至蓮花峰下僧寺

寺乃唐王審知祠

維夏氣清宴原藪樹龍蔥上弦適休暇游詠紫煙中石澗演
新流山苗含惠風肥芋膚隱白崇榴葉張紅撫節警代謝未

元詩選 德機集

十

秀野草堂

歸憂心忡承官妙政術但覺祿養豐句稽困日月始得如游
驄觀省職何補庶望裨至公遺丘隱莎草廢剝在空濛而祝
塵境事斯理固有終

數日毒熱喜雨適立秋先三日也

夏末始炎毒沈憂坐匡牀起行無所之登高睇遐荒問昔西
風歸颿颿向何方往還不可期賴得天道常聖主御大曆故
可稽明堂粲粲白駱駝茲晨郊路長念我伏遷次江海葉再
黃旅懷抱焦火思濯寒冰鄉忽來浮蒼雨爽氣吹衣裳稻田
已就獲晚種待新秧微軀亦易持但願蒸黎康

新雨階除花藥倍茂田里生意懷之欣然情至有述

簡諸作

久旱埃霧集閑居寡高情微雨夜來至滿庭花藥生長年憂
里術退坐若無營偶攜一榼酒得喚故人傾念彼吐隸便勞

生在耦耕薦饑苟不熟何以供王程幸天沛時澤食息日已寧繕性衡門下寒飢無足驚

苦熱懷楚下

苦熱不可極念此西南風誰云灝氣遠乃在庭戶中我家百丈下井上雙梧桐向夕集歸鳥未秋足鳴蛩自從別家來江海信不通宛宛維桑思願從孤征鴻夜夢白髮親歡笑攜稚童倚門望子歸未歸憂忡忡東臬無良田何以待歲豐盛年將稱意無爲學轉蓬

明月幾回滿

明月幾回滿待君君未歸中庭步芳草蝴蝶上人衣誰念同袍者閑居與願違

蒼山感秋

蒼山秋意長池館靜而闕雨止修竹間流螢夜淡至皇羲世

元詩選

德機集

十二

秀野草堂

卅九

云遠雅頌日凋弊舉手過頽波誰識作者志烏啼魯東門泗水不染袂後去三十年直可肩聖知機關繫風化詞語特細事月落閉虛簾坐夢太古帝揚眉頽玉色盡發養生秘勿謂仙學一作學希難此道可立致葉世奇草木子云昔危太朴與德機同晚步德機得雨止二句喜甚慨而曰語大幽殆類鬼作

酬申屠子迪

碧月出海底挂在青天中美人如明珠滄波思無窮身非千歲蓬欲逐萬里風願因紈素衣託向孤征鴻

筠州東都遇雨

高林展夏綠杲日轉城岡四國金石流忽見飛雨涼飄飄西北風亦復至我傍我行初涉旬去意已徬徨親交苦滯畱川陸互一作調阻長遠行雖有命期至詎能忘宵分睇南星命僕戒川航豈無他方願且及顧舊鄉舊鄉寧非懷吾生未渠央

秋生洲渚靜露下蒲荷晚忽憶釣魚時人家楚鄉遠

絕句三首

障擁芙蓉競燈隨擗柳移繁星臨迴野疎雨過高池
江上打魚船有頭那無尾與卿相見時不望如魚水
鄉路西州是延平那向東片帆儂會使祇是怕隨風

看東亭新筍

問竹何年有親曾共歲寒昨傳新筍發扶杖繞林看

蘄州城下晚泊與土人語及西方事平有喜而作

野闊秋無際天空夕始涼漁船下浦急奮火入雲長洲遠懷
鸚鵡山危指鳳凰戍人新斂甲垂老幸時康

黃州道中

徑轉山仍掩沙移圃自成蒹葭連水白楊柳蔭門清無復論
餘事真堪了此生眼中陳仲子九鼎一豪輕

元詩選

德機集

十三

秀野草堂

卯仁

百丈山中夜坐聞謹思將還憶甲寅入南中正此日

也十二月二十三日四首

近得雷州信遙聞弟姪來江山淹遠望天地保疏材鄉爲魚
羹起今寧馬豆猜殘年有心事未定著一作寒灰

欲雪翻成雨何天恰吝情似緣春在近故與月爭明谷樹行
行暝川雲冉冉輕往年當此夕孤棹適南征

斜谷驚風合空階墜雷鳴燈昏時作暈漏遠不傳更但得林
閒趣何須谷口名是誰超物外不用計浮生

客行身萬里家在地中分爵命優臣子江湖遠聖君夜瞻龍
鳳氣歲出虎狼羣舊故無消息低回瘴海雲

壬戌秋錄囚晚行寧州道中追錄

曉發高平鎮前旌路未分小橋煙外過流水月中聞虎豹宜
多隱豺狼不可羣居人敵炎暑報有竹連雲

引兒灣晚泊

席壓波心正舟移岸脚斜夕陽明細霧秋樹擁荒葭問道獨
如夢懷京却勝家客愁不自整更苦莫啼鴉

九日諸生攜酒至城東看菊

楚楚臨階菊重陽特地開慰人良有意報汝媿無才巷杵聞
雞發鄰鷓送蟹來采英吾欲寄悵望倚江臺

晚過孔奉常舍下

滄江一萬里書信近如何向莫客懷薄及秋鄉夢多故人相
慰藉竝舍數經過但願長無事彤庭接珮珂

贈別李教授亭赴五羊先往餘饒觀省

行色動西風鄉心去住同諸生五嶺外之子大江東且羨還
家鶴無愁度海鴻若逢天上使書記莫怱怱

王繼學晚過舍下翌日惠詩兩章用韻答貺

錄一

元詩選

德機集

十四

秀野草堂

平生病太史淺陋曹邦自足封函谷聊須壘受降黃鍾知
和寡白騁動成雙天外誰招得清風滿八窗

和二章已而徵者適至戲用韻爲再疊云

久客歲云莫悠悠念異邦病因詩暫愈愁爲酒先降屋隱疎
篁半城依老樹雙晨朝有好鳥命我隔東窗

登南城樓

樓倚晴空外登臨延賞心微風孤鴈過落日萬蟬吟客路侵
齊樹鄉愁接楚砧爲詢宮外筑流水似哀琴

寒食後百丈山夜坐

已新寒食火更近莫天鐘花片隨風滅柴扉帶月重以閑酬
宦達將病抵心慵本不從耕稼臨江愧老農

伎閣延望

伎閣延江望清尊息坐彈風雞猶戒曙雲鴈每辭寒莫使晨

歌廢聊思飽食安百年會有故終不媿儒冠

題秋山圖

我愛秋景好自緣秋氣清江空石露骨木落風無聲偶向畫
中見猶如雲外行祇疑豺與虎無地得縱橫

貴州

離思久不愜幽情晚添天宜明月獨山與宿雲兼蛩語通
支柱蛛絲映卷簾若無光霽在何以破朱炎

發橫浦之永淳縣

急漿開屨漲孤尊已夕陽水光排峽靜洲勢背城長太史才
無敵將軍義不忘感傷今歲月淹泊媿滄浪

題吳生雨吟圖還寄清江皮野

江雨四時昏故人家遠邨如何一見面還又兩忘言老樹經
鉸淚空花斷鴈魂由來前日畫妙手出吳門

元詩選

德機集

十五

秀野草堂

高元

東齋秋雨後花藥具有生意

田園雖尚遠未肯放婁涼藥就籬成蔓花因徑作行豈惟延
晚趣自足信年芳頗敬鄰人婦驅雞不過牆

晚興

古寺山重掩平田縣對門鷓鴣藏白晝蟋蟀破黃昏貝賈多
通市諸偷每近邨殷勤省風俗慷慨動心魂

晚上南山觀燒

渡口向寥闕夕暉生翠屏隨風初繞電翳霧忽如星鳥獸蒸
宜遁柴扉照不扃閩都春始過雨洗合重青

京下思歸

黃落薊門秋飄飄在遠游不眠聞戍鼓多病憶歸舟甘雨從
昏過繁星達曙流鄉逢徐孺子萬口薄南州

期出東郊不果却暮便河間橋詣張道人蒼尋故舊

作

却欲東郊去還尋北渚來江翻垂木動風過雜花迴
道迷朱轂虛空見紫臺世氛渾不奈憶得是蓬萊

和李漑之園居雜詠四首

書劔上青霄鄉關雨雪遙年華侵水竹客思墮山苗會想商
巖綺將從鄭里橋文詞誠小伎祇比俗情饒
豈是幽棲地飛騰亦未量城根分鼠壤池面合魚梁名久喧
郎署歌時感女桑畏卿音調苦疇復貴相忘
圃色依簾障天光切戶庭草生連夜雨花落徧池星未遂翔
寥廓真堪托晦冥逢時須紫燕得意拂青萍
丹柰花初結朱櫻子半成寢興因物變筋力與年增燕拂承
塵去蜂隨曳杖行王泉幾千仞好在翠如傾

種瓠

元詩選

德機集

十六

秀野草堂

或言種瓠蔓長必翦其標乃實予齋所種因樹爲
架蔓緣不已果多虛花欲去之慮傷其凌霄之意
因賦五言爲之解嘲云

豈是階庭物支離亦自奇已殊凡草蔓綴得好花枝帶雨寧
無實凌霄必有爲啾啾羣鳥雀從汝踏多時

秋後瓠果成一實輪囷可愛余嘉其晚成而不羣

荅賦云

嘉瓠吾所愛孤高更可人不虛種植意終繫發生神有葉誠
藏用無容豈識真明年應見汝衆子亦輪囷

寄李彥謙御史

古燕城下路柳樹落西枝每到重來處長憐欲別時鶻飛平
照急鷗集遠煙遲此去秦州什應須寄我知

盧師東谷懷城中諸友

郭闈遽如許淹留空復情天遙一鶴上山合百蟲鳴異俗嗟
何適冥棲得此生平居二三子今夜隔重城

離席合賦贈南劍教授盛復之之官

首路向朱夏出關猶到官麥收風漲暑梅熟雨留寒氣候隨
方異才名自古難豈容賢若爾教授老江干

遣懷

柳影侵門暗桃枝亞竹高年淡詩竝進春在酒爭豪吏隱嗟
何擇行藏信所遭斯文如未喪端合付吾曹

贈李提舉之官豫章

公孫閣下士多似魯諸生昨者聞高誼茲行起盛名文亭南
斗近征旆北風輕余亦懷鄉郡今猶滯帝城關河驚半面雪
霏念孤征芳宴絲簧咽新詩錦繡成長途心果怯令節眼增
明渺渺飢鷹度嗷嗷旅鸛鳴露凝秋浦白雲散夕堂清是物
關流動何階計合并會須縈桂楫相共啜蓴羹徐孺亭前水
困之幸寄聲

元詩選

德機集

十七

秀野草堂

卅頁

立春日和王翰林

北斗紅雲上西城皓雪邊歲華今若此宦味故依然節糶荒
冬後寒驅夾日先樓臺通帝極井落散人煙登眺臨無際歡
娛信有年客情關外地農事庾陰田只有傷絃促那能效展
穿幾時歸櫟社盡日接芳筵寶鼎昇平瑞金旛淡蕩妍透迤
朱鳳集瀟灑白鷗眠遠業嗟何就高明賴必傳道雖沾世用
意漫逐時遷顧遇煩頻數欣榮頗倍千江湖萬里興爛熳百
花前

寄福建杜廉訪使君

臬府羣工表言官百世公君王資稷高臺閣起黃龔吳越聯
閩服蠻夸偃漢風九州諸道右一柱衆一作萬流中虎豹精神肅

豺狼道路通青冥行勁銳白日貫精忠斧繡揚秋隼泉阿達
夜蛩壺冰元自潔瘴雨不勞空賤子嗟何幸微心誓盡躬望
來方切切告別匪恩恩祇爲文科重尤慚祖餞隆客魂消海
鵠病骨瘦溪蟲謬敢辭王事私嘗泣老翁髮緣思母白顏每
應人紅儻使彝倫薄其如祿養豐以茲三徑撫猶獲二天蒙
上幕刑雖簡滄洲道未窮且將心萬壘寫入嶧陽桐

送菊

卧病高秋留海浦明日重陽更風雨杜門不出長蒼苔令我
天涯心獨苦籬角黃花親手栽近節如何獨未開含芳闕采
亮有以使君昨莫徵詩來凌晨試遣霜根送畚土雖微甚珍
重極知無意競秋光往一作任作橫窗歲寒供憶我初客天子都
西垣植此常千株結花年年應吹帽始信南邦事盡殊願得
封培自今日何間朱厓萬家室秋香端不負乾坤但噲簫管

元詩選

德機集

十八

秀野草堂

亂儔匹歸去來今雖得歸念歸政自莫輕違他日采英林下
酌誰向清霜望翠微

閩州歌

閩州土俗戶不分生子數歲學繡文圍紉坐肆雜男女誰問
小年曾識君古來夜行斯秉燭今者衢路走紛紛那更誅求
使者急鞭箠一作答一似雞羊羣古來閩閩佩箴管今者女工徵
六軍雖復太平少征戰設有備豫將何云去年居作匠五千
耗費府藏猶煙雲官胥掎克常十八況以鳩斂奪耕耘祇今
棄置半不用民勞竟是誰歡忻歲歲條章省煩費幸且不省
無方殷吾虞在上儉且勤後王猶復錦繡焚豈有夔龍讓姚

宋不言忍使憂心熏觀風自是使者職作歌雖遠天應聞閩俗

高取良家子爲繡工無別尤德亨文爲閩海道知事作
歌一篇述其弊廉訪使以上閩皆罷遣之其弊遂革

淡宮佳人白日長夜感蟋蟀鳴中房起視河漢心回皇雲鬢
籠鬆分作行清水如天收素練翠蛾帶月杵玄霜轆轤無繩
金井悄邊頭不見梧桐黃裁縫熨帖坐在牀載玄載黃公子
裳製成不遠煩寄將但見寒暑彫三光身體甚適平時康君
不見古來邊庭士雪壓關河征戰多拆盡衣裘淚如水

題李白郎官湖

當時郎官奉使出咸京仙人千里來相迎畫船吹笛弄綠水
何意芳洲遺舊名唐祠蕪沒知何代惟有東流水長在黎侯
獨起梁棟之材一作彷彿雲中昔軒蓋南飛越鳥北飛鴻今古悠
悠去住同富貴何如一盃酒愁來無地醉西風大別山高幾
千尺隔城正與祠相值青猿夜抱月光啼挂在東湖之石壁
黎侯本在斗南家枕戈猶自憶煙霞擬將身報天子不負
曾中書五車昨者相逢玉闕下別來幾日秋瀟灑黃葉當頭
亂打人門前繫著青驄馬君今歸去釣晴湖我亦明年辭帝
都若過湖邊定相見爲問仙人安穩無

王氏能遠樓

游莫羨天池鵬歸莫問遼東鶴人生萬事須自爲跬步江山
卽寥廓請君得酒勿少畱爲我痛酌王家能遠之高樓醉捧
勾吳匣中劔斫斷千秋萬古愁滄溟朝旭射燕甸桑枝正搭
虛窗面崑崙池上碧桃花舞盡東風千萬片千萬片落誰家
願傾海水溢流霞寄謝尊前望鄉客底須惆悵惜天涯

錢舜舉畫馬歌

錢君畫人勝畫馬安得名馳妙天下青雲隱約見龍紋有意
軒昂駛華夏圍官山立頰而髯朱衣黑帶高帽尖問渠掌握
詎有此牽控寧知人女嫌君不見才士受束縛往往因之縱

杏葉黃

杏葉黃天雨霜穹窿攜日照八荒回光照見白玉堂堂中美
人雙鳴璫中宵抱被直西廂忠君愛親兩不忘奈何零露沾
衣裳清曉樓頭見征鴈不如謝官歸故鄉

侏儒行

君不見東方朔長九尺餘不如侏儒長三尺朝捧一囊錢夕
竟飽死復何益死者不可作飢者食有餘堂堂之軀天所命
生之短者續則悲嗟哉世之人羨彼侏儒復何爲

轆轤怨

門前水揚聲似雨幽人當窗碧絃語東里征夫去不歸一雙
蛾眉鏡中舞年年井上攀轆轤勞心只恐秋葵枯他家種得
長生草梅花落盡青青好

掘塚歌

元詩選 德機集 三十一 秀野草堂
昨日舊塚掘今朝新塚成塚前兩翁仲送舊還迎新舊魂未
出新魂入舊魂還對新魂泣舊魂丁寧語新魂好地不用多
子孫子孫繇繇如不絕曾孫不掘玄孫掘我今掘矣良可悲
不知君掘又何時

望瀛海一首送危太樸之四明兼簡廉訪鄧使君翰

林袁侍講

危君英妙年獨往志千載天馬出名駒空行見風采昨日銜
書到空谷甚欲畱之不能待九月開帆指四明要逐高秋望
瀛海海水上接天漫漫世人不知此別難當君夷猶碧嶼日
是我對月永夕猿狖啼青巒江樹葉飛天雨霜江上吳歎思
斷腸窈窕徐家兒與女却望蓬萊如故鄉君行却向三山望
雲霧軒窗六鼇上東方雖樂不可以久畱歸獻仙公白雲唱
西過錢唐遇順風爲拜湖南持斧翁會稽學士卧雲鳥朱絃

流水鳴孤桐道我寄語莫怱怱送君有情亦如海海水有盡
別意無終窮

至日行

長安夜半通明光羣公冠佩列鴈行秦壇三成樂萬舞布衣
類得齊鳴璫小官需次祇自賤當日再拜謝日長多少朱門
圍艷質何當起視東方白

奉觀許尊府遺墨

奉常許君玉色立手抱父書紅錦襲紛茫蜀令九霄神扶摘
郢州千首溼鍾張雖云世已遠任趙未可肩相及葉滿天地
雨聲急我縱覽之重於邑却憶風雷昨夜顛萬壑起盡蛟龍
蟄不然尺素尋常耳何日一作得蕭蕭百靈集草堂驚怪不敢雷
至寶豈復能輕酬還君子孫世善收扁舟歸弄江一作湖湖秋

夜上烏巖

元詩選 德機集

王

秀野草堂

扁舟夜傍烏巖宿一作樓然火上巖尋古祠老巫輟睡啓神戶牽

幌請官窺漢儀漢家將軍利於鶻征行往往皆良奇當時光

武皇帝聖舉以善馭皆周知將軍再出定窮粵忠義耿耿光

精垂不然夷祀已千載何定一作得至今歌舞之高縣銅鼓五獸

缺以手摩拂增淡悲蜈蚣宵行蛛網結不識欵書何歲時庭

中蕉葉照石面猛虎出谷靈風吹澤魚導從吏扶掖欲畱頗

復懼浚危登臨有容動必戒況此星露景倭遲獨立蒼茫問

橫浦明日江山勞夢思

古杉行

丹陵觀有古杉屹如雙闕當雲門云是鍾君之手植君去此
樹餘空邨尾搖翡翠梢八表根結蛇蛟行九原幽邊豈無鬼
神護浚處直形天地恩一方拆裂引穿溜猶是百年燒火痕
蒼皮樹裏漸欲合始知草木有道存或云下有丹火伏四時

地底皆春溫神還復壯此其驗疑是自此無傳喧平生政坐
嗜奇古來看適值寒冬昏長歌沈思遠其下夜半月高松露
繁飄飄葉縣鳧鳥影牢落豐城龍劒魂何當喚起博物者共
騎黃鵠凌昆崙

題皮野逸亭

方丈新亭隱叢篠下有長風蔭清沼林間白日漏遊絲空外
青煙送飛鳥人生百歲今半之更百千歲將奚爲麻姑自是
好風骨按行蓬島歸何時

張明德經歷松石圖

張君畫手天下奇往者京城曾見之濟南參議最博雅每爲
送酒題長詩滾山大澤生喬松緘封寄我章江濱問君安得
致此本吏檟政類麒麟羈又費臨川百日假不爾能事何能
施澗阿無人白石爛飛泉但見下連漪老夫對此神慘惻况
近歲寒霜霰垂高齋展玩意未已便欲共赴青雲期搔首絃
歌白駒操悠悠四海將誰知

懷舊游贈別杜君還益津

往與羽人曾結滄洲期醉騎鯨魚躍天池北走幽都摩碣石
所歷至今皆見之澤國波光秋激灩津亭月色曉參差山夾
疎鐘和雪度樓樓斷角引霜吹蘭園坐送流鶯亂華觀行聞
住鶴悲別來幾度斜陽裏平曲風煙勞夢思安得狂心化爲
浪去隨流水到天涯偶向燕城逢杜子爲我立馬歡相持自
言家在碣石西石西易水清淪漪易州風帆日日至佳人何
事重來遲重來易遲去易遠便欲從君川路返歲年冉冉思
無限詩成鴈過雲濤晚

小孤行

小孤有石如虎蹲西望屹作長江門洪濤萬古就繩墨雖有

勁勢不敢奔大哉禹功悉經理何必有志今能存大者爲綱
小者紀不徒百谷知王尊靈祠正在石壁下我來適值秋風
昏明朝東行弔碣石更與尋河問九源

贈李山人

平生慕事華蓋君四海孤蹤隨白雲峨眉山人住盱水駐馬
重逢帝城裏別來相問意悠悠北走南飛又幾秋昔向貴溪
尋講鼓又從薊郡攬征裘展圖示我青山屋山在盱城小江
曲東風日日蕩人歸明發行歌載黃鵠憶昔上帝勅游華子
岡中道勒回俗駕賓炎方是行儻或如私願華子岡頭定相
見麻姑應解索題詩碧桃花發報人知

己未行

二年六月己未胡京城五更大地作卧者顛衣起若吹起者
環庭眩相愕室宇無波上下搖乾坤有位東西却自我南來

元詩選 德機集

三

秀野草堂
天渠

觀再震初震依微不今若昨朝展席坐堂上耽玩圖書靜無
覺堂下羣兒又驚報方饌饗人喪杯勺櫛者倉皇下牀榻門
屋鏗鏘振鈴鐸祇今猶自騰妖訛且莫殊言共郭郭大家夜
卧張穹廬小家露坐瞻星落焉知怪變不可屢安巢盡有一作
南飛鵲昔聞上帝憂瀛洲親勅巨鼇十二頭特爲羣臣舉首
戴萬古不與水東流豈其九州亦類此此事或誕或有由上
帝甚神吾甚愚戴者勿動心優游

奉酬段御史登岳陽樓之作時分理盜賊至海康

誰能手鋪湘水平剗却君山看洞庭昔人已騎黃鶴去樓前
亂芷春蘭青豈知繡衣後千載遠違鳳闕來江城憑高弔古
落日紫領客置酒開雲屏酒酣筆賦新句薄海傳誦令人
驚憶我初游白玉京與君聯步趨承明手宣皇猷敷帝績濟
濟學士如登瀛一行竟墮萬里外回首滄浪思濯纓守官區

區事無補惟有白髮欺人生
牂柯水外萬竹底四時鳥語
煙邊鳴忽忽此地復相見恍
如幽夢求仙靈中宵秣馬不
遑暇君又北鄉予南征如茲
後會復何日念之使我雙涕
零宮中聖人總四溟所過海
岳須澄清鐵冠峨峨望天下
青霄快展皆修程由來豺虎
伏仁獸況有鷹隼當秋橫明
夜相思隔雲鳥月落高臺聞
笛聲

送蕭二十兄

東郊蕭條生事微
使馬日日趁朝歸
黑頭游宦吐梁肉
青眼高人歌蔽薇
儂家旅食強甘苦
何物俗流輕是非
百歲乾坤消屐屨
三江風浪隔庭桺
根臘雪春猶凍
沙上晴雲煖更飛
昔擬此時具吳榜
送行何故不沾衣

奉和李監丞醉贈羽人之作

自從墮地愛名山
五岳尋真去不還
青山無津度日月
旦莫

元詩選 德機集

五言

秀野草堂

御風一作行其間
九江西來赴海門
中有道路古來難
笑談解入蛟蜃腹
脫此命與松喬班
吾嘗左揖三茅君
右手直接高飛翰
至今空濛偃翠蓋
望雲懷我雙佩環
君從茅山來
青衣白霓裳
肝膽出古劍
剗裁光甚揚
玄元皇帝雲與仍
李武昭王嵩之孫
稱世舉德朝
未央偶吹龍笛過
九市共君斟酌
北斗傍浪傳
北斗不可挹
酌之昨以白玉觴
百觴未已已復醉
援此織女天機
章舉頭目送南飛
鴻我自滯雷君遠
翔眇眇美人絳珠
宮絃白雪兮歌清
風浮萍流水相遭
逢何獨不在岐路
中何獨不在岐路
中相思昨夜春釭
紅

社日

丘鄰雨止散青煙
白叟相違已隔年
忽遣大兒三角結
打門來覓社神錢

五月二十六夜宿松林蘭若

白沙寨下接飛霞行至招提日已斜睡覺忽聞山寨語不知
今夕離吾家

發湖口

已過匡廬却向西片帆猶逐暮雲迷路長正是思親節取次
驚猿莫浪啼

潯陽

露下天高灘月明行人西指武昌城扁舟未到心先到卧聽
潯陽譙鼓聲

以瓊扇一握奉致黃明府

拾得炎州月一團殷勤持贈比琅玕情知已是秋風後畱作
明年九夏寒

鍾陵夜宿聞鐘

中年江海夢靈皇夜半聞鐘似上陽一百八聲猶未已更兼
雲外鴈啼霜

元奇選

德機集

十五

秀野草堂

印頁

日晏

昨日相期早出邨今朝日晏未開門可人一夜東風雨綠遍
天街舊草痕

院中夜直

此身只似到南州莎草寒雞一片秋後夜玉堂誰上直料應
少睡更多愁

離揚州

孤篷如磨遶汀沙葉滿平湖藕未花回首竹西亭漸遠一江
煙雨酒旗斜

過三合驛

一春歸計又蹉跎窮粵風光奈病何總有青山千萬疊行人
長少鷓鴣多

江上古祠

老樹昂藏倚岸隈，祠靈經歲鎖蒼苔。豚蹄卮酒能多少，便一作但有羣鴉旦莫來。

湖面

湖面春深煖氣勻，青蕪未隕一作損已知春。沙灣散駐張魚客，葦室時驚射鴈人。

北山谷中老父

無多林屋冠青山，長子成孫鬢未斑。問我鄉原何處是，半生江海未知還。

渡端州峽

櫂郎得便泝清流，忽報舟前曉霧收。蠻語酬人翻自苦，好山不敢問何州。

正月二十四日至寶圭驛，是北流縣。自此遵陸，指鬱

元詩選

德機集

王夫

秀野草堂

林矣

遠辭京闕碧雲端，泝盡夷江未到官。回鴈峰南更千里，是行誰爲報平安。

得樟樹鎮便寄家書

商船夜說指江西，欲托音書未忍題。收拾鄉心都在紙，兩聲杜宇傍人啼。

臨高阻雨

恐傾南海成秋雨，急喚西風作晚涼。淨埽黎山須見骨，莫令楚客屢回腸。

安定縣

島上晴雲滅復生，誰家吹笛海天明。縣堂曉起西風急，半是溪黎夜雨聲。

至富屯

承恩千里出江鄉，轉歷三關道路長。
黃葉霧開山市集，見人息鴈憶橫塘。

遊南臺閩粵王廟

海角釣龍人杳杳，雲間待鴈路迢迢。
若爲借得山頭石，每到高秋坐看潮。

池館夜坐聽雨

更聲隨雨動，譙門頗似聽泉宿。
楚原客裏青燈如骨肉，獨能相待向黃昏。

懷京下親友

海上經年思殺人，絕憐京國舊文親。
過江唯有傳柑使，寄得書回是莫春。

寓書

欲寫鄉書寄故園，行人已遠意空存。
舉頭却見南來鴈，箇箇

元詩選 德機集

十七

秀野草堂

顧明

隨春度塞門

憶得

憶得佳人白紵詞，幾將天外數歸期。
自從落盡庭前樹，夜夜秋聲總不知。

贈郭判官

慈烏夜夜向人啼，幾度紗窗兔魄低。
自有平安三百字，無因却寄大江西。

卧病

朝來忽見樹藏霞，碧草春邊徑路斜。
佳客不來春雨盡，山禽啄徧小桃花。

清明日畱西山

離家六度見清明，知是何時出帝京。
今日登臨倍惆悵，好山多似豫章城。

西谷訪人不遇

出郭幽人晚未歸，青天咫尺見何稀。
一年祇有春晴好，多事楊花學雪飛。

春日 upper 平坡寺

蘿逕陰陰近百層，金輿記是昔人登。
山僧苦避尋詩者，牢閉柴門喚不應。

章義門送人還南城觀臺

郊原平晚綠萋萋，獨上高臺意轉迷。
古樹鳴蟬城下路，送人長憶向安西。

懷臨江寓居

石霜峰北淦西頭，寄住林塘數畝幽。
比及到家猶是客，對人強自說鄉愁。

清明日

元詩選 德機集

十一

秀野草堂

旅庖欲禁自無煙，酒裏中原熟食天。
不分小桃紅似火，爲人兒女照鞦韆。

絕句

幽人不出戶，長開看盡春風長。
綠苔多謝有情雙，燕子暫時飛去又飛來。

題松雪圖

傍人不識歲寒松，憐殺溪山大雪封。
待得化爲東海水，青天白日睡蒼龍。

贈熊處士還山房 并序

廬山中有山房，宋李尚書公擇藏書處。
今廢矣。海昏李氏爲其先作書堂於建昌州，亦曰山房，并祀尚書焉。蓋有慕廬山者矣。聞熊修業是間，故作此記之。

尚書舊隱在匡廬，亂後傳聞宅已墟。
祠宇祇今誰薦鞠，鬼神

猶自護遺書石泉宛宛輸池細川樹茫茫映日疎不識海昏
熊處士冥棲消息近何如

送馬掾遷湖南

聞君暫與故交違去逐西風落葉飛看劍未成今夕會拏舟
定復幾時歸雲開帝子黃陵廟月過將軍赤壁磯事業還須
各努力收名卽用繡爲衣

贈李宣使

故園雲卧四三年府署依然念子賢莫爲馳驅傷遠道但將
忠孝感皇天湖南政譽聞爭薦日下絲綸佇近傳爲報津頭
黃菊藥明當照我上江船

四月十六日詣東華門奉迎香輿

天香曉報出宮城已辨隅頭合樂迎黃鳥低斜衝隊過紫驪
疎蕩著班行百王盛祀無遺典萬乘浚居有至情失喜悵一作

元詩選 德機集

元

秀野草堂
卯貞

傳湯沐賜禮官識姓未知名

至夏莊懷平坡舊遊

平坡谷前桃花花年時著屐到君家祇今可買惟邨酒無復
能來試石茶簾幙高高通紫燕溪流款款伏青蛇同遊昨有
虞公子却爲盧郎得浪誇

送梁知事之婺州

皓月青雲若箇邊送行恨不共吳船新官浙下皆名郡舊宅
山東有賜田禮樂固應張盛代簿書勿用歎流年經時不見
曹員外今日因君重惘然

追和盧修撰張平章園亭觀花飲

白藕花邊香已秋西郊風物野亭幽未須短杖扶持病且遣
孤尊斷送愁紫氣近連飛鳳闕青山遙隔釣魚舟勝遊縱在
招要外猶解因詩頌醉侯

秋日集詠奉和潘李二使君浦編修諸公八首

古薊城邊白露零，秋聲不任旅人聽。差差乳燕朝辭舍，嘒嘒高鴻莫過庭。以病酬閑翻自惡，將愁抵醉祇難醒。何人解擬匡廬賦，千仞岡頭瀑瀉瓴。

生也無涯死有涯，拋書幾擬問南華。要知立志非多事，但使成言自一家。寒樹接天霜映鶻，溼蕪滿地雨生蛙。相過儻遂攜尊酒，檢按牆東野菊花。

迴無江左管夷吾，誰復能稱晉宋書。運本關天聊爾耳，力能蓋世復奚歟。百年草草雲龍地，四海悠悠法象廬。曾向鍾山酌芳草，至今心死及菑畬。

流落移家白帝都，低頭媿盡馬相如。題橋一字終何益，一作補賣

賦千金竟或無風。月長畱前輩詠塵沙，滿載古人書。此身泛寄空江上，已異當時舊鬢鬚。

元奇選 德機集

三

秀野草堂

潘公牆角樹連庭，曾是笙簧晝夜聽。門巷祇今埋糞壤，輪蹄自昔走雷霆。長因午睡思茶竈，却爲朝吟款竹扃。若續濟南名士錄，莫令憔悴鵲湖亭。

李侯高朗若空晴，議論詩書滿腹撐。期仙舟應少便偶，分宮硯亦多情蠻。荒異俗中年歷，河漢頰秋向夕傾。此去暫煩南郡守，旗旄勿用野人驚。

浦君高價本璠璣，多幸蒹葭得所於。學道初輕千里驥，收功直到九州魚。詩揆飯顆尤難測，賦擬蘭陵定不虛。月月西垣更夜直，還應共我惜居諸。

秋入江山錦繡開，白雲紅葉盡詩才。句成底用三年得，槎在應須八月回。自是每爲浮客累，非關不受故人催。憑將寄語詞林老，風雨重陽又近來。

送白无咎太守之郡

瀟灑中書舊省郎排雲曾攬舜衣裳一麾况復守名郡萬事
不如歸故鄉馬首漸違燕闕雨鴈聲欲度晉城霜漢廷擇相
皆良吏蚤奉潘輿謁建章

奉同陳應奉訪友人不遇

翰林小暇出西城京國餘秋晚更明鷗度折磯心已熟馬逢
危石眼偏生疾風稍定樓臺色微照猶含鼓角聲會合何因
得惆悵潛夫祇媿未潛名

寄別倪大同

知君久住玉真壇日與飛仙弄紫環從此便令行地縮逢誰
不說上天難鶴邊紅日浮觴送馬首青山抱檄看相好何因
不相別寄詩應到莫雲端

將赴雷陽送羅提舉之任廣東

松滋暫泊薊門船復指番禺一作昂路幾千葉荊香淡和酒露枕

元詩選 德機集

三

秀野草堂
君甫

檜葉暗煮鹽煙齊人舊算無遺策漢史新藏有賸錢莫爲遐
荒心力怠珠一作崖更在海南邊

休日出郊

歇馬高林煙霧開感今懷古獨登臺遷臣逐客皆前輩暮長
即官盡上才放浪已聞窮九域飛騰終合近三台謝公自有
青雲屐且與從容步紫苔

寄友人

繡衣行部直南州幕府英名蚤歲收如此一臺兼二妙令人
萬里破千愁枕榔葉暗潮聲莫薛荔花懸岳影秋此去三湘
寧久住近天須應壘書求

題黃隱君秋江釣月圖

舊識先生隱者流偶因圖畫想滄洲斷雲滿路碧窗晚明月
何年青嶂秋世故風塵雙短屐生涯天地一扁舟何由白石

空磯畔招得人間萬戶侯

寄上甘肅吳右丞

塞上孤鷹白雪毛，塞門風物靜蕭騷。
黃河西去從天下，秦華東來拔地高。
枸杞莫將如薏苡，醍醐足飲勝蒲萄。
遙瞻圭袞還朝日，正屬江湖心緒勞。

九月十九日京東門與董右軍諸公別至通州還寄

在京朋遊

一作舊

臨分強顏作笑言，上馬慟哭投煙邨。
十年總仗舊交力，萬里獨懷明主恩。
南極下頭星象少，東風近便一作處柳梅繁。
時人祇怪丹砂令，一作於曾以虛名細討論。

山齋

山齋朝雨竹光勻，茶竈催添石火新。
對語黃鸝真不俗，飛來白鷺淨無鄰。
辭榮豈敢要時論，賞靜猶應愧古人。
報道林河春漲起，少須重理舊絲綸。

元詩選

德機集

三

秀野草堂

傅之經歷謁告還湘中未語別而宵征翌日與僚友
追送生居亭中二首

美人歸思落滄波，昨者論心肯重過。
寒盡極知春意在，夜淡無奈月明何。
海隅雖暫違霜暮，天上應須接玉珂。
如此才賢移病去，瘴煙端的爲誰多。

北風盡日破南溟，行路經年倚壽星。
子自全家依翠岳，我猶萬里隔青冥。
山田鹿下投書去，水館猿啼却坐聽。
王事馳驅知有素，何由重見此郵亭。

十月九日詣天光門上進三朝實錄

儀鸞簇仗滿雲端，玉鑰初開衆樂攢。
三石龍光周典冊，羣臣鵠立漢衣冠。
爐香著日浮晴靄，宮樹班霜試曉寒。
千騎前頭都不避，一作見祇傳學士拜金鑾。

歸來

十載歸來問草堂，入門喜見葛山蒼。慈親已慰占烏鵲，穉子行堪詠鳳凰。新理園池幾芻物，小移松柏且分行。卜居未是居難卜，爲恐傍人議一作笑楚狂。

辛酉歲元日

延祐七年三月英宗卽位是歲改至治元年

西山千仞鬱崔嵬，山下樓臺紫翠開。玉帛會同來萬國，璣衡懸運屬三台。嘗聞海客談金鼎，更見祠官進玉杯。慚愧詞臣今白首，久無賦頌獻蓬萊。

曾教授赴詔州

荔子紅邊五月初，廣文去住定何如。報恩豈戀將軍馬，治盜聊迂太守車。多近藤蘿安吏舍，少憑椒葛附音書。到官定有佳聲薦，瘴雨蠻煙細祓除。

靖海縣

元詩選 德機集

三

秀野草堂

卯仁

海縣春淡沙氣暗，居入生事不離邨。上梯取芥料桑尾，抽楸移舟繫柳根。已過清明違帝里，不妨紅白徧江園。持盃試與酬風物，淡媿樊遲學圃言。

百丈春日紀懷

東風久不到新堂，生意雖微未卒荒。草上葫荑偏挺特，花間蘆葍故高長。時來豈盡栽培力，物化須知長養方。葵藿有心終莫奪，每聞支笏照滄浪。

寄題集賢周司直悠然閣

番禺東下萬山圍，魁閣崢嶸面翠微。雲接大荒廻古色，波涵落木動晴暉。宦情靜與游魚逝，詩思長隨夕鳥飛。久待倚闌成獨酌，癡兒了事各須歸。

歸思

陶公歸思定如何，山郭春風長薜蘿。直道當官惟任拙，庸才

負祿祗慚多江山實自辭家隔日月虛隨閉戶過點點飛鴻
向天末憂端不類澤中歌

風止聞鶻

荒山遠水放輕舠頓雨顛風戒弊袍五六月餘鄉問絕二千
里外客心勞樹間烏鶻聲頻好天上麒麟格自高獨有武夷
看未了野人寄語壓香醪

奉和王繼學懷濟南舊游四首

前輩風流逐斷澌濟南舊錄故人詩遙知靈運初游日正是
元方後載時青社寥寥成異物丹丘晶晶屬遐思壯年易動
離居感繾綣花前金屈厄

樓上看山翠黛浮樓前沽酒錦纏頭登臨試與詢湖鴈豪傑
親曾侶海鷗沙嶺曉晴雲散出野亭春盡水交流意中故舊
那能得強擬偷生賦遠遊

元詩選

德機集

三五

秀野草堂

每愁大手不如燕多見公侯勝昔年計拙欲求千戶等心勞
政類十洲仙幾回見月思歸去暫到臨風復惘然翦盡綠楊
三萬樹多因無處著啼鶻

手接新詞絕底清一雙白眼爲君青寰區政待新年穀江夏
徒傳赤日萍斷雨潛蛟虛水榭遠波廻鷺實雲汀此情可在
齊州外不解無人問獨醒

上真應寺觀寺後龍湫秋在厓上蓋由寺北下馬竝
高數十折得之又數步許得巨石有僧龕其中云卽
唐盧叟所隱成道處時日斜方焚香誦經聞客至乃

輟誦相迎作茶云

憑高窈窕辨精藍濯佩還思訪古潭字扁孟家題處碣洞雷
盧虛去時龕近人野鳥如曾識問客山精不敢談聞說平坡
猶在上登臨雖倦且停驂

德機本集至元間臨川葛仲穆所編已下又
從清江揚聲刻本及諸家選本所見錄入

節婦王氏

妾年四二三始識月團圓十二學女工刺繡如鴛鴦十九嫁夫家事姑施衿釐夫婿良家兒世籍爲王官雖聯朱紫貴不習綺與紈過庭執詩禮開口若驚湍風儀在一時爭作玉人看天地忽降毒摧折青琅玕回首四十春景光若流九貞心守松柏芳性軼芝蘭落月簾帷曙西風機杼寒沈思往昔事淚下紅闌干豪客至茅屋舉家竄林巒入房衛病姑身死白刃攢相向義憐釋視死色無難親知爲歎息保社爲辛酸欲與上州府爲妾旌門闌妾實無所願所願在所安婦人往從人阿母涕洟瀾送行遺之語敬順無違歡匹偶固有時寧知憂患端平苦蹈物變豈羨身獨完殷勤謝舊故聞者摧肺肝重五日至西峽渡解后閩帥王侯盛稱山川之壯余謂可以爲知矣亦復有賦渡近方山之下

元詩選

德機集

三

秀野草堂

繫馬西峽開朝曦射厓赤城中見方山江上成亂石緣流感重險攬勢得鉅敵不有歌詠懷徒困馳驟役因之竊歎欬美哉此歎息尊醕清屢注盤荔朱新摘紛厖異方俗卓犖同門客去去無久畱薰風蕩南國

袁州謁韓祠已宜春臺晚眺

乘月泛修階凌晨訪崇臺曾費匝地起壘觀凌雲開時須炎夏首斗柄從南廻四周翠巘出六合清風來王明猶日月憲令若風雷惠澤綠郊樹陳蹤蒼澗苔鼓鐘代寂莫輪軫路徘徊聞茲守郡者自昔何雄哉百鳥見孤鳳衆星麗三台吏負鈞石寄法已蒙分該云胡荅臨眺遠揖謝英才

樂會縣

早發端趙邨莫投樂會縣阻道路長但見水蔥蒨輕風掠溪廡好月觸石面前行日已分後從氣猶眩役者向我言前

年土豪變黃旗伐盡鼓樵屋擬牙殿居民絕煙爨搬併入淮
甸却又遭劫殺流動靡安奠羣夸盡蜂起盡用血洗箭公然
肆洩曩請與官軍戰官軍幸努力摧落得浚便雖獲覆其巢
姦愚不勝譴于今郊原閒芳草白骨徧我行適夜分聽此毛
髮旋前岡明炬火叫應欣蹂踐官吏候我來始與人相見浴
河島吐浚問路山田轉啾啾烏鳥鳴靡靡鞍馬倦一從違京
國幾度夢霜霰何所非異鄉開懷謝身健

奉寄翰林鄧侍講

曩承持節江之東騎驢再上蓬萊宮蓬萊仙人歌白鶴聲落
五湖煙雨中世閒爵祿不易致何獨去就如飄風朝廷禮樂
須制作六經隱義資發蒙論思廟堂集耆碩啓沃寧讓前諸
公閉門讀書古都市四輩冠蓋方隆隆我生生長在窮谷那
有文字爭人雄謬蒙引譽百僚上負祿府署慚無功一別十
年還又五昔者少壯今成翁誰知復客七閩下隔二千里來
詩筒羸軀頓醒瘴厲惡賴以慰此心忡忡粵王城南浪自白
粵王城西花正紅

凌雲篇

往與凌雲山人披虎豹謁太清是時東風滿瑤京綠楊三月
聽流鶯君隨挂席湘江行予亦騎馬趨承明手把宮袍厭縛
身却憶南溟有縱鱗四年辭海岳一舉上星辰逢君却向凌
雲下心上經綸甚瀟灑半夜清猿四合啼長松古月照回溪
桃花源上路一去意都迷我本凌雲峰畔客何日相從卜其
宅早服還丹生羽翼共脫朝衣挂青鐔

萬竹亭

誰能買山種萬竹殘年請老住巴蜀結亭更在竹中間四面
雲谿寫山麓風敲最覺夜眠清雨洗騰延秋望綠日吟不限

三千字日飲定須過百斛隴西仙翁持斧客散馬涼城行新
菊爲言令弟隱滄江如此風流天下獨乃家正在蠶茨野束
束琅玕繞茅屋方知白眼待時人箕踞科頭自爲俗是邦子
雲劇博雅閉門草玄食漢祿多緣未識此君心往事微瑕傷
白玉使君自是廊廟具方駕前修詎爲辱平生抱負勁直節
日莫天寒照空谷始我瞻望望不及終我歎嗟嗟不足乞官
儻或從西遊向子亭邊祝黃鵠

贈別清夫還吳

新雨不作泥鉤輈樹上啼征夫懷遠路家在太湖西別家今
幾度楊柳江邊樹念鄉車輪下漸是中年路萬事中年尚可
期人生且莫長別離長別離向何方九江落花清浦香王雎
斑斑鳧乳黃南望不見三高堂奈何游子思故鄉我家諸公
濟時早功成身退合天道當時未必知者賢挽不廻之卧煙

元詩選

德機集

三十一

秀野草堂

天果

鳥後來間盡虧成事始識從之去時好我不能赤手縛虹霓
又不能委身同草木生逢堯舜世肯受泥塗辱昨者誤奮龍
門雷蛭蜒嘲之自云足憂來舉觴醉白日唯有皇天照空谷
張公子吳江生我有千載意不羨身後名爲君寫作贈行曲
曲中鏗戛難爲明君行不聽我意平明日買船棹秋聲亦欲
東下窺蓬瀛飄然此去白玉京須御禹穴來相迎相迎未見
須相待客行雖遲心未改

卽事

隨地居能勝因人景倍饒折風疏菡萏移雨近芭蕉放浪明
高蹈雷連近久要虛心待世慮已任過雲飄

蘇李會合圖

未識沙場苦空曾奉使來詎知羝乳約不抵鴈書廻漢節風
霜古胡笳且莫哀誰憐太史令心爲故人摧

六月初十夜雨止玩月有感

雨歇青林迴虛齋生夕涼簾帷方度月枕簟已懷霜地角家何在雲端路轉長慈幃近安否歸覲不能忘

王武子相馬圖

偶然來廐吏喚作九方臬毀譽依名立周旋逐物勞神馳風雷足眼冷雪霜毛事有遭逢者騏驎固自高

八月十五夜

城上初聞柝天邊獨倚樓可憐今夜月還照異鄉秋燭暗頻移席簾虛不上鈎回文錦機字寫得大刀頭

風雨

風雨忽如此空山方晝眠故應爲計拙可復要人憐燈火鄉邨路桑麻杜曲田悠悠今視昔把卷一茫然

贈別南劍李使君三十韻

元詩選 德機集

三

秀野草堂

北戶羣山表南雲九域西君今行欲徧此意別都迷妙句人誰識前年手自題

李以高徽宣慰同知改吏部侍郎使交趾有南征詩律

絕崖鉤象譯懸徑摘烏

栖炎隩通冠冕邊陲重躋圭禮新尊璽節各故籍金閨勞有

恩言切歸無寵數躋宸心端外見廟誼肯中稽望譽騰青瑣

輝光拂紫泥旌麾濼假借民社載扶攜猛氣排蒼鵠幽思啓

碧雞動應多愜會行豈強扳提阜蓋喧童穉黃堂拜耄倪天

機馴虎兕帝力及鳧鷖越厲冬濼少閨煙晚向婁野人封水

竹郡吏接山谿汨碧荷香弱坡紅木實齊九秋鵬鶚翮萬里

驕驕蹄導從羅弓矢登臨按鼓鞞少須青玉案與報白銅鞮

忠信先蠻貊文章協辟奎孰云當近服不遂慰烝黎執手關

河早論交歲月睽物華盈眼亂春色傍人低謝豹空洲隱王

鳩遠樹啼國容方整整旅病轉悽悽認忝詞垣密微能官秩

卑從班窺邃霸浪漫笑山嵇何日同樽酒因風獨杖藜延平

寶劍氣旦旦候虹霓

寄甄氏訪山亭二十二韻

問子亭何許滹沱舊水頭谷陵千載異風物四時幽城郭長
無事琴尊或此游窗攄平野秀戶接亂泉流猿鳥相賓送漁
樵互獻酬太行晴日近碣石晚煙稠莽莽青天外離離碧海
隈都將神迹化只可笑談求大檻花周映虛階葉竟抽豈容
黃壤汗祗爲白雲雷更就諸峰老寧須萬戶侯心知嗜好酷
勢肯去來休予亦尋山者人疑避世儔偶然依紫闕不是謝
丹丘薄與江湖遠頻嗟歲月周夢嘗經五嶽思屢繞三洲室
宇憑誰寄園林誓自收把書消旦莫種藥引春秋地僻澄官
冗天空埽旅愁幾時攜古劍萬里覓扁舟賸想高人趣空懷
賤子羞猶勝徐市俗瀛島計悠悠

曉山謠贈別金陵陳處士

元詩選 德機集

三五

秀野草堂
顧明

昔我望天岳于時春王浚雞鳴九州陌鶴警萬花林旭日騰
重海宵霞映別岑露條承爍熾雪澗瀉嶽峯馬足無由定鷲
聲不可尋畏鐘牽逸覽挂笏繫虛襟每想丘中趣如懸空外
音十秋傷逝水千壑記捫參晚遇陳夫子高談契夙心天形
疏造化月眼識浮沈宦路悲懷玉君門惜和琴豈因平旦氣
薄示莫年箴但恐丹崖失何愁素髮侵會當期絕巘與爾鍊
黃金

贈裴秀才

江邊見立春花老問征人物色隨鄉異風光逐候新朝廷方
貴士經術足謀身舉世皆騰踏如君獨隱淪鳴山應鷲鷲在
野渡麒麟已用遺經試寧辭累牘陳飄飄行李別繾綣酒杯
頻四海多英俊諸公自等倫雲霄開大道溟漲接通津百轉
倉庚近雙飛蛺蝶勻款畱俱醞藉歸到莫途巡肯薄傳家賦

猶堪博釣綸

贈別鄧修撰歸杭州

東風二月禁門鶯天上佳人有遠行惜路頻瞻霞上日望家
直到海邊城休須滿假辭三徑定約重來賦二京回首津亭
萬家桺初非憔悴獨關情

謝冷架閣春日東麓見懷

空谷白駒消息遲東風楊桺萬煙絲瓊環憶爲同心贈書榜
傳看俊手施曾以陋居追往昔却因嘉遯感今茲相思恐涉
山靈怪不遇仙人不記詩

送別周儀之推官赴錢塘并簡李四秘書

武帝龍飛第一春京華相送各沾巾詎知邂逅文身地總是
棲遲皓首人山驛蛟眠星滿洞水鄉鴈起月迷津若逢李洞
南天竺爲說前書感謝頻

元詩選

德機集

四

秀野草堂

送李秘書洞

祕書出自蓬萊苑流落東吳又一春見月定懷騎鶴侶聞秋
肯讓鱸鱸人吾曹事業徒溫飽子等居諸異隱淪海表何由
攜手再相憐同是老詞臣

寄題龔氏山園

居士名園何處求無有是中風物幽巖花故解分藤綴澗水
新能合竹流綠幙黃簾圍玉樹青天白日映朱樓醉吟自爾
人難識況是心輕萬戶侯

五月二十日發雷州過徐文次驛候役者不至畱二

日

久約歸吳弄釣舟海天羈思復悠悠誰知樹底春生月獨坐
人間地盡頭粉屏舊題分蘚讀瓦罌新酒接花筍邊鴻固是
南來絕絕爲雷城信滯畱

送元經歷赴廣東

番禺直北望長沙元帥持戈鎮海涯萬里送君歸幕府幾時
爲我寄梅花雲蒸巨浪魚吹岸柳壓荒山獠陣牙欲托鄉書
妨枉騎滑湘西上是吾家

壽宮

武帝初行祀竈方祠官宮女儼分行石闌井井通金殿金蓋
童童出畫牆但見擾龍呼作相未聞騎鶴拜爲郎祇今松柏
緣原廟時接雲耕下大荒

贈陳提舉

便令回首綰青銀已負南宮第一人文武旣與殷士貢申轅
猶比漢儒真離鴻苦事風霜急伏驥淡心道路親若遇清溪
尋舊隱洗觴猶及艾陵春

和謝伯雨見惠之作

元詩選 德機集

四

秀野草堂

騷靈

一作靈騷

逝矣不堪呼幾欲南遊訊楚巫城郭煙濤垂白帝星

河風露浥黃姑幽人往恨九關豹佳士今猶千里駒久客資
君一作賢相慰藉可能無意謝飛鳧

蓮房

憶得花神一笑歡六郎家住小江干佳人怨等秋風近穉子
眠聽浦雨寒強爲折來開戶牖誰將鎔出擬杯盤少年太守
思兄弟戢戢青頭莫漫看

畫馬

一自房星下渥洼龍媒多在玉皇家赤毛灑血微生汗黑暈
團雲整作花不待老能知失道固應來是涉流沙如今豈少
真神駿猶有丹青紙上誇

獨立

能詩不得靜中師又是天涯獨立時高閣夕陽人影亂曲河

新水棹聲遲一身慷慨家仍遠十口淒涼歲薦饑偶爾憑闌
感風物臨流先被白鷗知

草堂

草堂不在萬山峰時有幽人步往蹤雨壓牆煙籠薜荔石行
渠水鑑芙蓉清名豈讓陶貞白共住猶強陸士龍忽憶鴈行
天外去歸來期在粵城中

雨後坐郝大參亭子

每見人來問草堂偶從燕坐憶滄浪地形遠競朝霞爽林氣
清分宿雨香移石旋成行藥徑障泉思引釣魚航他年紫綬
歸黃閣几杖苔生儘不妨

公堂暇日

新起危樓接大荒海天奇觀歷殊方周牆恨未高千尺猶見
他家竹短長

元詩選

德機集

四三

秀野草堂

印先

將如靖安徐文學自新拏舟來候良有古意以詩畱
別

西風危棧逼青雲稍下臨江細路分問縣尚須窮日到棹歌
無計得畱君

懷京城諸公書崖州驛四首

甚憶清河元侍講送行猶有玉堂詩只今夜隴頭月照見
征人有所思

復憶濟南張吏部作詩文氣壓諸公佳兒亦是門生輩尚想
他年似若翁

繡衣御史果能文蜀道新來有李君記得京城黃菊爛爲余
來覓董將軍

妙爲文字吾雄甲精切于今孰與儔說著奉常虞博士恨渠
猶不見崖州

縣下鑿池種樹成聚晨起視水淡五寸而草樹承夜
雨後蒼翠鬱然可愛戲題廳柱

檳榔池上芭蕉雨更種垂楊十六株中有玉堂蕭散吏檢書
正對輞川圖

至烏石邸舍二首

不見居人只見邨離家茅屋又黃昏面前滄海來無際聞說
占城對縣門

苦竹叢西石色烏來時依舊驛亭孤自從歷徧崖州路不敢
彎弓射鷓鴣

福州雜詩三首

前日題詩自候官計程今日到雲端家人定得平安字最念
癡兒不解看

海隅霜熟蠟房肥獅子橋東望翠微安得建陽一斗酒少隨

元詩選 德機集

望

秀野堂

甘旨到柴扉

虎豹幾曾驚石鼓魚龍獨解隱金沙遮藏翠荔餘千剎掩映
朱霞倚萬家

至海口

曾隨仙仗集靈臺流落于今豈不材但比麻姑休狡獪兩行
持節過蓬萊

上元日

蓬萊宮闕峙青天後內看燈記往年誰念東籬山下路再逢
春月向人圓

二月二十四日自瓊州出白沙驛阻風二日不得渡
海是日有幕客送寒衣却出賦詩

盲風怪雨一時清又阻扁舟兩日程天意似將畱客住明朝

浮海看清明

鬱林次韻寄懷王天輔知事

乍喜連山瘴霧收，黛眉更自鎖鄉愁。自從行李違滄海，九日初逢第二州。

齊居卽事用敖徵君韻二首

故人不見意何如，如流水孤邨處。士廬猶記去年霜，橘熟分甘曾得寄來書。

桑溪竹圃路團團，門巷都非少日看。送客棹船頻借問，向來江面是闌干。

趙僉憲舊居

閑門付與東風掃，獨客殘春思遠道。日午不見蝴蝶飛，細看兒童弄芳草。

春日次韻友生絕句二首

馬頰河陽近北辰，去來猶爾恨通津。陌頭總是春風樹，自笑元青選德機集

留四

秀野草堂

楊花只戀人

旅食京華日欲晡，家園迢遞隔天隅。妻孥預識羈懷苦，解事新來一字無。

西軒卽事

行廚晚食坐蕭條，欲買鱗魚待早潮。鼓絕山城門未掩，夢和疎雨度西橋。

春日西郊

東風千里福州城，綠水青山老送迎。惟有垂楊偏待客，數株殘雨帶流鶯。

聞角

西風嫋嫋拂弓旌，千里來看曉角聲。縱復淒涼歸未忍，尖州此外更無城。

